


14937

891.99

0-55



891.99

0-55

Յ. Օհակեն

90
493

ԵՐԲ

ՊԱՏԱՆԻ ԵՆ



ՄԱՐՈ
ԱԼՊՈՄ
ԲՈՒԲՈՒԾ

14937

ԹԻՒ 8
ՀՐԱՏԱՐԱԿՈՒԹԻՒՆ
Յ. Մ. ՍԻԹԵՍՆ

Կ. ՊՈԼԻԽ
1926

02 SEP 2013

61056

-6 NOV 2011

Յ. Ա. ՍԵՐԵԱՆ
ՏՊԱՐԱՆ, ԿԱԶՄԱՏՈՒՆ
ԹՂԹԱՎՀԱՑՄՈՒՆ

No 79



3362-2902

Укро

Է.

ԲԱՐԵՒԾ



Քաղաք մը, Արեւելքէն:

Հոն եմ տարած գեղէն փախչող պատանութիւն
մը, ոտքեր՝ որոնք գուլպայ չունին ու ծուիկ ծուիկ
չուխայ մը որ ոսկորներ միայն կը ծածկէ:

Մենք բանուորներ ենք ու մեր հացը կը հանենք
քրտինքէն:

* *

Փողոց մը, այդ քաղաքէն:

Վախկոս է անիկա ինչպէս բուրք այն բաները
որոնք Արեւելքին մէջ մեր ցեղինն են եղած: Արեւ
չինար հոն, ամռան տարի օրերուն ու դէմէ դէմ
տանիքներ իրենց գորշ ժանեակները իրարու մօտ կը
քերին: Խոտ կայ քարերու ճեղքին ու խոտ կայ նորէն
դուռներու սեմին:

Ու ամէն առտու ես կը մտնեմ մահուան այդ խո-
ղովակէն, ծուլացող զնացքովը գեղացի տղուն որուն
համար ամէն շիւղ, կանանչի ամէն պատառ բան մը
ետ կը դարձնէ իրմէն ներս:

Դպրոց կը տանի այդ ճամբան ու Աղայի մը քը-
մայքը իւ ուսէս նետած է հիմա գիրքերուն տոպրակը:

* *

Դասէն ու խաղէն դուրս , ես հոգի կուտամ առառան երթին:

Մեր բունն է որ վախկոտ փողոցը կը բանայ , առջին նոճիով մը: Անոր կը կոթնի մէկը մեր պատերէն:

Անիկա պատուհանի տեղ ունի ծակ մը որ ամառը բաց է սեւին վրայ ու ծմեռը թուղթէ փայլուն խորք մը կը հագնի:

Անկէ ես մտիկ կ'ընեմ մեռելութիւնը մեր փողոցին: Հովս անգամ իր քայլերը կը բռնէ հոն թարթափած պահերուն:

Ես մտիկ կ'ընեմ: Պղտորում մը, նա'խ , որ լոռւթեան մէջ կը հոսի ու վանկ ըլլալէ առաջ թրթոռում մըն է:

Յետոյ, չափն է որ կը ճշտուի ու ընդհատները կը գծագրուին հետզհետէ աւելի յատակ , քարերուն վրայ:

Այն ատեն քարերուն զարկին նման բան մըն ալ ներսէս կը զարնէ կուրծքիս տախտակին , ոչ ամուր , ոչ անոնցմէ որոնք կոտրելու համար կու գան:

Գլուխս կը վազէ ծակին:

* *

Առջիս է անիկա:

Սեւ գողնոց մը , որուն ալիքները սրունքին վրայ յանկարծ կը կտրուին:

Գնացք մը որ գողնոցը կ'օրօրէ , ու կը դողայ անոր կռնակէն վար , մէջքին թափերու համար:

Անոր հետ , թանձր թե՛ւը մազերուն , որ ծոծրակէն կը մեկնի մատաղ տունկի մը ցօղունին նման , քիչ քիչ բարակնալով , ու ժապաւէնով մը կը վարդանայ:

Անփոփոխ է անջրպետը որ այդ ծեւը կը զատէ իմ անգուլպայ ոտքերէս: Իրարու ետեւէ , ան իր պայտակին քառանկինը կախ իր մատներէն , ես՝ ուսիս տակը սեղմած թոյլ ծրարը գիրքերուն , կը քայինք նեղ փողոցէն դուրս , երբ հիմա նամբան գահավէժ էցք մըն է , շքեղ տուներու եզերքով մը:

Անիկա դպրոցը կ'երթայ աղջիկներուն:

* *

Ես հոգի կուտամ իրիկուան դարձին:

Զեմ գիտեր ինչ համ կայ երազկոտ այն գնացքին մէջ որ տղոց քայլերէն կը թափի երբ անոնց առջին սեւ գողնոցով աղջիկներուն խումբն է որ կը քաշուի վեր , դանդաղ , թերեւս խորհուրդով:

Բայց մեր փողոցէն ներս , ուր կը մտնենք գրեթէ շատ անգամ մինակ , մեր ծեւերը իրար կը քաշեն , ու մենք կը դադրինք դպրոցին պատկանելէ:

Այն ատեն , բացէն գացող անոր գլուխը կը դառնայ քանի մը անգամ ուսերուն վրայ ու անգուլպայ տղու իմ աչքերս թաց բանով մը կը լեցուին:

Մեր ծեւերը իրար կը քաշեն , բայց մեր ոտքերը կը փախչին իրարմէ:

* *

Մեր փողոցը համբաւի կուգայ ծիւներէն ետքը:

Խարխուլ տանիքներ իրենց ներմակ բեռը կը թափին նեղկուկ այդ անցքին ու տուներուն դուռները կը կորանցնեն իրենց աղխերն ու կեդրոնի երիքները: Պղտիկները պատուհաններուն կը փակցնեն իրենց երեսն ու քիթերը ու քանի մը օր , բարձրացող ու կակուղ այդ պաստառին վրայ , հետքը չի գար աղարտում մը բերելու:

Յետոյ, մէջտեղէն կը փորուի գիծ մը, որ կը լայնայ օր օրի, եզերք ու խորք կը ճարէ, ծածկելու համար պղտիկներուն ամբողջ հասակը: Մեր արմուկները տեղ տեղ թերի եռանկիւններ կը ծռեն անոր կողերուն:

Բայց բոլոր ճերմակ բաներուն նման, ծիւնն ալ խարել կը սիրէ:

* *

Անիկա գամուած է մինչեւ սրունքները:

Ամայի փողոցին մէջ պատուհանները չեն նայիր դուրս ու անգուլպայ տղու իմ ոտքերս կը վախնան ելլելու:

Իմ ոտքերս կ'ամինան դուրս ելլելու: Բայց փողոցին մէջտեղը միս մինակ է սեւ գողնոցով աղջիկը որ մուշտակին է տուած իր երեսները և ափն ալ պահած ծեռնոցին մէջ:

Թող չամինան անգուլպայ ոտները:

Ես կը բռնեմ անոր ոտքերը կապող ծիւնին գուղձը, կտոր կտոր կը նետեմ ճերմակ այդ ծիւթը անոր կօշիկներուն կրունկէն ու դողալով մատ կը նետեմ գուլպայով կոճերուն:

Ի՞նչպէս կը նային աղջիկները, երբ պղտիկ են ու բարի:

Ի՞նչպէս կը նային աղջիկները երբ պարմանի են ու բարի:

Բայց ինչպէս կուլան անգուլպայ ոտները, ծիւներուն ներքին, ներքին մանաւանդ մուշտակով նայուածքներուն:

* *

Կոնակս տուած նոճիին, սեւ գուլպայով մը հագուեցուցած ոսկորներուս սուգը, ես կը սպասեմ անոր:

Սորված եմ համրել վայրկեանները որոնք անոր հասակը պիտի հանեն փողոցի ծայրին: Հիմա, ինչուս պէտք, դպրոցէն քակուող խումբը սեւ գողնոցներուն: Ես վազեր եմ շատ առաջ: Ու նոճիին տակ, բանաստեղծի լրջութեամբ, կը սպասեմ անոր բարեւին:

Գարուն մը անցաւ ծիւներուն վրայէն: Ան ինծի բերաւ գուլպայ ու արցունք:

Անո՞ր:

Զնմ գիտեր: Մինակ մեր փողոցը կը մտնենք, իրիկուան դարձին, մօտ, շատ աւելի մօտ իրարու: Ես կրնամ տեսնել դեղին մազերուն տակ ծիւնը անոր ծոծրակին ու բաց մնացող ափին ալիքը որ կուգայ ու կ'երթայ ստուերը կոծելով:

Ան չի դառնար ետ: Բայց մեր ոտքերը մտիկ կ'ընեն իրարու:

Անոր բարեւը առտու մը առի:

* *

Աս բարե՛ւը:

Չսպասուած հով մըն էր ան, առտու մը դարձեալ, վտանգէ մը ետք, երբ ազատեցի անոր ամօթխածութիւնը երկու լակոտներու յարձակումէն:

Ան իր դպրոցը գնաց:

Իրիկուան դարձին մեր մարմինները նոյն գիծին եկան: Մեր դուռին առջեւ ան բարեւեց դարձեալ:

Ներս մտնել, խարխուլ այդ բռնէն, հետդ տանելով գիծերու այդ բռնկումը որ աղջկան մը երեսէն կը զատուի, մեծ շուշանի մը նման անիկա բռնել հոգիդ գիշերին դէմ, լուսաւորուիլ անով ու լալ անով,

մինչեւ որ առտուն նորէն քեզի դարձնէ իրական ծաղիկը, սեւ գոգնոցին վերեւ, ճիրժակ երեսներուն հրաշքովը:

* *

Կը սպասեմ անոր, ամէն իրեկուն:

Տասը քայլ անդիէն, անոր դէմքէն ինծի կը հասնի տաքութիւն մը որ անշուշտ ինծմէ կը բղխի եւ որուն աղբիւրը կը շփոթեմ յուզումէս:

Ստուերոտ փողոցին մէջ, որքան յստակ է ծիւնը անոր այտերուն:

Ու մէկէն, կրակի մէջ մտնողի նման, սիրտս կը պլորուի ինչպէս պիտի ընէր տերեւ մը որ բռնուած ըլլար բոցին դէմ:

Կ'անցնի: Միօրինակ է աչքերը շեղելու իր եղանակը: Միօրինակ է դարձեալ իր ծեւը ժպտելու:

* *

Մենք բառ մը չենք առած ու տուած իրարու:

Ո՞ր տղան պիտի չփնտուէր մեղեդին, որ թրթռումը կը պսակէ ու լուութիւնները իրենց ճակատագրին կը տանի:



Բ.

Բ Ա Վ Բ Ա Վ Ի



Գիշեր:

Անոնցմէ որոնք տարիին մէջ ցանցառ կը բացուին: Քիչ ամպերով երկինք մը, որ աւրուիլ կ'ուզէ ու չի կրնար:

Ծառեր մեր գլխին ու կուշտին, կտրատուն ըստուերներէ շինուած որոնք ատեն ատեն կը խօսին, կամաց, վախնալով:

Ծաղիկներ, թաղարէ կամ գետինէ, որոնց ծեւը, սեւ՝ կ'երերայ մութ խորթին վրայ:

Քով քովի, մենք:

* *

Քով քովի:

Դէմէն դուռը կը բացուի: Խոշոր կտրոր մը լոյս, մութը կ'անկինէ, խորթէն, ու կը թափի մեր ոտքին:

Տարտամօրէն դեղնած կօշիկներուն վրայ, քանի մը ճառագայթ, կոտրտուելով, կը թուին չորսդին, կը մեռնին ու նորէն կը ծնին:

Լոյսը խելօք չի կենար: Ան յամը ու ոսկի ալիքի մը պէս կ'ելլէ վեր, կ'առնէ մեր ծունկերը իր մէջ: Ու անոր ծեւը կարմրած ու տարօրինակ ծաղիկի մը պէս կը բացուի մութ իր գոգնոցին վրայ:

Իմ թեւերէս մէկը նստարանին քամակէն, վայրահակ բայց յառաջացող գիծով մը, կը հետեւի անոր կոնակին, առանց մօտենալու ու առանց բացուելու:

Երբեմն տղաք իրենց սիրտերը կը սիրեն տեղափոխել. ափ մը, երկարող բազուկ մը՝ ամբողջ մարդը կ'ըլլան:

Ու իմ բազուկս, տախտին վրայ կը տառապի գլուխէս աւելի, ու սիրտէս աւելի:

* *

— Գիշերը աղուո՞ր է:

— Բոլոր սեւ բաներուն պէս:

Մենք շատոնց է որ կը խօսինք: Անոր ծայնը մըշտատեւ գիծ մըն է կակուղ ոսկիի որ ինձմէ ներս կ'երկըննայ ու լոյս ու քաղցրութիւն կը հիւսէ: Անոր ծայնը թելն է գարունի ջուրին որ ժայռի մը շրթունքն կը քակուի ու իր քալած տեղերուն՝ ծալիկ ու օրինութիւն կը բանի: Բարակ է անիկա ինչպէս մետաքս դերձանը որ սիրտէ սիրտ կը ծգուի:

Մեր բառերը պարզ են: Միամիտ ու տղա՛յ ինչպէս իր հոգին, վանկերը առաջին շիփումէն կուգան իր մօտ: Հեռաւոր ու ծեր, վանկերը ինձմէ կը զատուին կրկին խորքերէ: Ու անոր հարցումը մի՛շտ,

— Ինչո՞ւ մութ կը խօսիս:

Որքան տղայ է այս հարցումը: Սեւ գոզնոցով աղջնակը չի գիտեր թէ բառերը յաճախս պատանք ունին ու մարդերուն շատը երեւոյթէն անդին չի տեսներ:

Ես իմ բառերս կը հանեմ ներսէս, վարշամակուած մանուկներու նման որնոնք մեռած կը ծնին ու ստեղծող շունչի մը սպասեն:

Բայց խորհուրդը մեր շուրջը, լոյսէն արիւնած թրթրուուն շղարշի մը պէս որ կը գողայ մեր վանկերէն, որ անոր կուրծքին կը փուուի, կոկոններուն վըրայ գոզաւորող որմանկարի գմբէթներուն նմանելով:

* *

Լոյսը կը գոցուի մէկէն:

Ամպերը, վերէն, պատառ պատառ կը հալին ու մեր վրայ կ'ինայ լուսնկան, ծանրութիւն չունեցող ջուրի մը պէս որ կ'արծաթինայ անոր այտերուն վրայ:

Այն ատեն իմ բազուկս կը դողայ, առաջ կուգայ գտնելու տարութիւնը անոր կոնակին:

Վարդ մը, հովէն քշուած, կը հակի անոր ուսին, կը դողայ ու ետ կը քաշուի թառելու վախցող անօրինակ թռչունի մը պէս: Տերեւներ անոր մազերուն վրայ ծեւազեղծ սիրտերու նման կը գալարուին ու կը հեռանան:

Ու այդ տարտամութեան մէջ մեր ծեւերը իրարու կը քաշուին ուժով մը որ անուն չունի:

Մաղմաղ կրակի կտորի մը պէս անոր թեւը դպած տեղը կ'այրէ: Ուժով կրակի մը պէս անոր ափը մատներուն մէջը կը դողայ:

Մեր սիրտերը իրարու կը դառնան երկու ճամբորդներու նման ու անոնցմէ առանց բառի գաշնակութիւն մը կը մեկնի:

Մենք մութին մէջ իրարու կը նայինք ու անոր հոգին, տաճարի մը պէս լուսաւոր է ու մինակ, որ իր Սստուածին կը սպասէ:

* *

Թոչուն մը, իր երգին մէջէն:

Ո՞ւր է ան:

Ու խազերը, յստակ, հեղուկ արծաթի նման, ու կայլակաւոր ու տաք, որպէս թէ արին փոխադրէին միջոցէն անդին, կ'ելլին, կ'իջնան սրտառուչ ա՛յնքան որ լուռթիւնը կը հալի մեր շրթներուն վրայ:

—Ի՞նչ կ'ուզէ:

Որքան տղայ հարցում:

Ի՞նչ կ'ուզեն լուռթիւնները, մայիս գիշերներուն, լուսնով ժանեակուած հարմնեւոր ոգիները, որոնք իրարու կ'երկարին ու անտես գիծի մը առօդին կը սպասեն ու կը սառին:

Ի՞նչ կ'ուզեն իրարու հիւսուած մատները որոնք իրարու մտիկ կ'ընեն ու թաց կրակներու մէջ իրար կը պազնեն:

Ի՞նչ կ'ուզեն լուսնով քօղազարդ մատղաշ ծեւերը, որոնք իրարու կը հակին ու իրար կը բռնեն, կը կասեցնեն՝ իրարմէ սարսափած:

* *

Գիշեր, ծերացած ու ծերացնող գիշեր:

Նստիլ պարտէզին մէջ, լուսնալ դէմէն ու վերէն, տաքնալ ափով ու թեւով, օրինուիլ եկող ու գացող վարդին համբոյրէն:

Իրարու նայիլ, նայիլ անբառբառ, իրար հասկնալ ու իրար տեսնել, մերկացնել իրարու հոգին, բայց կապել շրթունքները:

Իրարու խօսիլ, թռչունի ծայնէն, ու լոյսին անծրեւէն, պատնել վանկերը իրականութեան խանճարուրովը ու բառերուն մէջէն երկրորդ լեզու մը փորձել:

Չըսել իրարու, վախնալ իմաստէն, բայց փնտուել զայն :

Ի՞նչո՞ւ, այս գիշերը:

* *

Կը տանին անիկա:

Ու մինակ անոր ծեւին հետ, ես կը շինեմ անոր իրանը ու կը հաստատեմ վրան՝ անոր գլուխը:

Ու այդ անգոյ ծեւին հետ, ես կը փորձեմ, այս անգամ ճշմարիտ, իրական լեզուն:

Ու այդ ծեւին կռնակէն իմ բազուկներս կը կորանան ու իմ շրթունքներս կ'երկննան ու կ'երկննան:

Ես կը վախնամ համբոյրէն:

Երբեմն ծեւերը աւելի հարազատ ու հզօր եղան:



Դ.

ԵՒՔՈՒՆԻՄ ԱՌՀԱԲ

Մինակ է պարտէզը, խորութեամբ մը որ ծեւերը
կ'առնէ կը տանի: Մօտէն ծառեր, թեւերնին կախ,
չուզելով շարժիլ: Աւելի հեռուն, տուներու գիծ մը
պղտոր կարմիրով:

Մեր առջին աւազանը:

Անիկա կլոր է շատ մեծ լուսնկայի մը նման ու
դալուկ: Ու դեղնած կնիւններուն ներսը, անոր սկա-
ւառակը կախարդական հայլիի մը պէս կը հանգչի,
դարձեալ մինակ:

Լոյս մը, առանց արեւի, կնիւններէն տարտամած,
որ ջուրին կը զարնէ: Ու անոր տակ մեր գլուխները,
իրարու ուսէն վեր, հեղուկ հայլիին վրայ, իրենց պղտիկ
պարոյրներովը:

Անորը՝ դեղին, նոր լուացուած ցորենի մը թար-
մութեամբը: Ու մազերէն վար, ճակատին կիսաղեղը,
ճերմակ աղաւնիի թեւի մը նման: Սքերը սեւ, ջուրին
մէջ մարած կրակներու պէս, որոնք կը մնան ոսկի
պատառին վրայ ու կ'ապրին: Ու անոր այտե՛ը,
կիսուած՝ դեղձի մը պէս, պահելով կիսերանզը որ այդ
պտուղինն է արեւերի պարտէզներուն մէջ:

Սեւ գոգնոցը մի՛շտ, որ կը նեղնայ մէջքին վրայ,
ու ջուրին վրայ մաքրուած փափկութիւն մը կը փոէ:
Ե՞ս: Զեմ տեսներ:

Մինակ է պարտէզը, քաղցր ծանրութեան մը ծո-
ցին: Սըեւին կրակը մեզի չի հասնիր ու եղէզները պղգ-
տիկ հեծկլտուք մը ունին մեր ոտքերուն տակ որոնք
իրարու հետ կ'իյնան երբ մեր ափերը ջուրէն ներս
իրարու վրայ կը գոցուին:

Մեր խաղը մինակ պարտէզին մէջ, օրուան այդ
պահուն: Մեր ուսերէն տաք բան մը կ'անցնի իրարու
ու անոր մազերէն բանի մը թել կակուղ բան մը կը
բոնին երեսիս վրայ:

Ու անոր բազուկէն որ կը կոտրի ջուրին մէջ, անի-
րական շուշանի մը պէս, ես կը հաշուեմ կապոյտ գի-
ծերուն սարսուռը որ կը շատնայ, առանց անոր գիտ-
նալուն:

Ով որ պատանի է եղած, երազած է անշուշտ օր
մը, բանի մը զոր վախցած է խօսելու:

Անոր մորին վրայ պղտիկ մշուշ մըն է այդ բաղ-
ձանիք, տաք խորբով մը որ քիչ քիչ կը մնձնայ, կ'իշ-
նայ վար ու կը փաթթէ սիրտը:

Պատանիները չեն ճանչնար սէրը: Անոնք կը փընտ-
ուեն անծանօթ այդ երազը ու երբ իրենց սիրտը դո-
ղալ կը սորվի, շատ անգամ խորհուրդը խորտակուած
կ'ըլլայ իրենց շրթունքին վրայ:

Տղաքը կը համբուրեն, երբեմն մութին, փախչող
ծեւը այտերուն: Ու քիրտ ու հասարակ համը տկար է
միշտ, յուզումին հասնելու համար:

Տղաքը կը համբուրեն, երբեմն լոյսին, սառած ծեւը այտերուն: Ու իրենց կրակը ետ կը դառնայ, իրենց շրթունքին:

Մեր երեսները իրարու կուգան, մզուելով բանէ մը որ դուրսէն չերեւար: Տար ու մեղմ է այդ փայփայանքը, մեղմ այնքան որ կը վախնամ ծանրանալու: Ամէնէն առաջ, մեր քունքերը իրարու վրայ, կը նուող սիրտերու նման սարսուուն ու տառապող:

Յնտոյ հանդարտ գաղօտթիւնը մեր այտերուն, երբ մեր միսերը զսպուած թրթուումի մը նման իրար կը բռնեն ու մեր հոգին որ կը քակուի մեր ներսէն, իրարու երթալու համար թաւիչի այն ճամփէն:

Զուրը գարը, մեր առջին կրկնելով մեզ:

Ի՞նչպէս կ'ըլլայ որ մենք կը մոռնանք մեր մարմինը: Ի՞նչպէս կ'ըլլայ որ աւազանին մէջ նետուած մեր մատները կը զատուին ու մեր կուրծքերը կը շտկեն կնիւններուն մէջ:

Մեր վրան երկինքը կը պակսի: Բայց իմ աչքերս գոց կը մնան անոր աչքերուն վրայ երբ մեր շրթունքները արդէն փեթթուած վարդի մը պէս կը կենան կծկուած, կայծակէ անցնող թուփերուն վերեւ:

* *

Քով քովի, լուրջ, զուրէն հեռու:

Բան մը կայ մեր մէջտեղը, բոցի մը աներեւոյթ ալիքը որ կը ծփայ, անկէ ինձի գալով ու երթալով:

Զարմանք կայ, տեսակ մը չհաւատալ, որ այդքան օրերուն երազը իյնայ այսպէս, կնիւններուն վրայ, պարզ ինչպէս մեծ կաթիլ մը որ կը մեռնի աւազանին վրայ:

Կը բռնիմ անոր մատները, երկար, ուժգին շըմումով, ու բաղցը համ մը կայ կակուղ անոնց ծայ-

րերուն այդ ճմլումին մէջ — նորօրինակ հատիկներ մինէ գուրս խաղողի մը — :

Մինակ գոյներն ու իսկութիւնները չեն որ գինով կ'ընեն մեզի:

* *

Ու դառն, վշտոտ համ մը կայ հիմա որ կ'այրի մեր երեսներուն վրայ:

Սնիկա կը փնտուէ այտերուն կրակը զովանալու համար ու մարելու, մեղմանալու տեղ աւելի կը խորունկնայ:

Սյդ համը դարձեալ, անոր աչքերուն ու թարթիչներուն, յօնքերուն ու ճակտին վրայ: Բոցի մը պէս իմ շրթներս կ'իյնան անոր մազերուն մէջ, այլելով, բայց յամառ:

Սյդ տառապանքը նորէն, անոր մէջքէն ու կուրծքէն որոնք լուռ նուազարանի մը նման կը դողան երբ խենդեցած իմ շրթներս կը վազեն անոնց վրայ:

Օրը բաղցը է ու ծանր ինչպէս հասունցած աղջկէ մը, ու կապոյտը զուրին վրայ բաղցը է ինչպէս վերէն ինկող մեծ համբոյը մը:

* *

Առաջին համբոյը:

Անիկա ցաւոտ է երբեմն երբ բերանները արատաւոր բիւրեղներու կը նմանին:

Անիկա հասարակ է երբ միսերու պարզ հպում մը կը դառնայ:

Բայց երբեմն անիկա ամբողջ կեանքն է, չմեռնող լուսապսակ մը երբ պատանիները զայն փնտուեցին առանց զիտնալու եւ բերթուածի մը պէս, երկիւզա-

ծօրէն գրեցին զայն տակաւին սեւ չինկած էջերու
վրայ:

Ոսկի զրիչ ու անարատ թուղթ:

*
* *

Ո՞վ կորսնցուց ատոնք:

ԱԼՊՈՒ

Ծանօթութիւն:

(Տետրակի մը պէս որուն տեղը կը մոռնայ մարդ
եւ որ, օրին մէկը, անակնկալ ու փոշոտ՝ կը դողայ
մատներուգ մէջ, երբ ժամանակին հողը կը նետես
անոր կողերէն, ես կը բանամ անիկա:

Ոնոր մուտքը շիներ եմ ատենին, բոլոր երազող-
ներուն նման, զարդի եւ ոսկիի արշալոյսի մը մէջէն,
միամիտ հնչպէս սիրտը տղուն որ խորաններու կը
պատրաստուի եւ մինակ է անոնց խորհուրդին նման:

Ու կախեր եմ անոր պատերէն դէմքերը բոլոր
անոնց, որոնք օր մը, եկան կենալու այդ խորանին
ստուերին. մէջ:

Հիմա, երբ թերթերը կը դարձնեմ, պատիկ սեղ-
մումով, ես կեանքի կը կանչեմ անոնք, մեռածներն
ու ողջերը նոյն խանդաղատանքով, քանի որ հոգիները
մանաւանդ ամէնէն շուտ կը մեռնին, իրարու զար-
նուելէն ետքը:

Ոչ մէկ բան արցունք ունի այնչափ որչափ ան-
ջրպետումը իրարու փաթթուած հոգիներուն:

Ու հոգիները գերեզման ա'լ չունին:)

Է.

Մենք կ'աշխատինք, երկայն սեղանի մը առջին,
ոտքի, անդադար ծեծելով շերամի թիթեռնիկները,
որոնք սանդիկներու մէջ իրենց փետուրէ կմախքը կը
լքեն:

Շատ ենք մենք, կայ ազապ աղջիկը, հիւանդ
ալքերով, պառաւ աղջիկը՝ կաշի երեսով: Կայ տղեկը
բոլորովին թարմ, որ արձակուրդի խաղը եկած է թա-
ղելու գետնայարկ այդ սրահին մէջ:

Իմ դէմս, սեղանին միւս եզերքը, կին մը:

Անիկա նորհարս մըն է, ծարիբուած յօնքերով:
Ճերմակ լազակին մէկ ծայրը միշտ կը խաղայ կուրծքն
ի վար ու անոր ծոցը տեւական սարսուռով մը
կը գողայ, առաւօտէն մինչեւ իրիկուն:

Հարսնուկ մըն է ան, մատղաշ, արեւելքի եղ-
նիկի մը նման ու անոր աչքերը դէպի ներս, սիրով
քալելով հանդերձ, դէպի քեզ, դուրսը երկարիլ զիտեն:

Ի՞նչ կ'ընէ անիկա մեր մէջ, պառաւներուն ու
տղոցը քով, երբ սրահին տարտամ խորքին մէջ մեր
ծեւերը աւելի կը դաշնաւորուին, մինչ անորինը ճեր-
մակ ծաղիկի մը պէս կը զատուի, սեւ իր ֆէրանէին
վրայ, հազմային կաղապարովը եւ ճակտին մաքրու-
թեամբը, սեփսեւ յօնքերուն վերեւ:

**

Ու անոր էրիկը:

Բեռնակիր մը, ծաղկոտ ու խիստ, որ կամարած
կռնակ ունի եւ գործատեղիկն ծառայութիւնը. կ'ընէ:

Զեմ հաւատար, քանի որ պատանութիւն կայ

տակաւին ու բոլոր կիներն ու աղջիկները վերէն տեսնելու համար՝ բաւական միամիտ հոգի մը կը պահեմ:

Մեզի արգիլուած է խօսիլ սեղանին առջեւ: Բայց անոր աչքերը մութէն բղխող աստղի պէս քաղցր կու գան ինձի ու անոր կուրծքին անդադրում դողը վայելք մըն է իմ նայուածքիս: Մենք կը հասկնանք իրար, իրարու բիբէն ներս ու մանաւանդ անոր կուրծքին գոգութեանը վրայ:

Վարպետը, ան որ թիթեռնիկներուն աղիքներն ու չորցած արիւնը կը զննէ, կաղ սատանայ մըն է, որ մանրադէտին մէջ կախած իր մէկ աչքը, կունակովը կը տեսնէ, եւ բերնին անոր անունը՝

— Բէմպէ:

Պառաւ աղջիկներն ու աղքատիկ կիները չեն կրնար իրենց յոգնած աչքը չվերցնել, նայուածքով երկարելու համար վարդագոյն այդ աղջկան որ հընտումին տակ ուսկի կը դառնայ մէկէն:

Այդ բռնկումին դէմ, անդիմադրելի բան մը կը դպրէ իմ հոգին ու խենդութիւնը՝ որ կը փորձէ մատներդ նետել անոր կարմիր, արիւնի պէս կարմիր այտերուն:

Սանդիկները մուայլ իրենց երգը կը դառնան մեր մատներուն տակ ու պառաւներն ու տղաքը նորէն զլուխնին վար, կը մոտածեն հանգիստին որ կ'ուշանայ:

* *

Պարոէզին անկիւնը՝ կէս օրուան հանգիստը:

Սորված եմ առանձնանալ, տղաքը պաղեցուցած ու պառաւներուն սիրուղ կոտրած: Զիս մինակ կը ծգեն իմ պանիր հացիս հետ ու իրենք կապուած կը զակներնուն վրէժը կը հանեն հիմա իրարու դէմ,

բամբասելով անխնայ կաղ վարպետն ու կարմիր հարսնուկը:

Սրանէն ուշ կ'ելէ միշտ անիկա: Ու բաց օդին, անոր այտերուն կարմիրը աւելի կը բացուի, կը կըտրնայ:

Կասկածելի այդ գոյնին առջեւ իմ աչքերս կը նետեմ գետին, երբ հարսնուկը պառաւներուն խումբին չըթալու համար, կը դանդաղի իմ մօտ:

Կը կոկոզի անիկա, գրեթէ կուշտիս, ծեռքը երկարած կտոր մը պանիրին ու լազակին ճիրմակ ու կակուղ գգուանքը փախցնելով երեսէս:

Այն ատեն կը զգամ որ տաք են անոր այտերը, փուռէն նոր ելած զատկի հացերուն նման ու թաց են անոր աչքերը, ու խորտւնկ՝ զուրերուն նման որոնց տակը չերեւիր:

Կը գառնամ հոգիով իր հոգին ու հակառակ անոր որ մեր շրթները կը խօսին օդին ու ծառերուն վրայ, յոգնած մատներուն եւ կարկամած սրունքներուն վրայ, մենք իրարու կը պատմենք այն որ կը սկսի:

Անիկա զիտցողն է ու համարձակը ու անոր նայուածքը ինձմէ ներս ինկած ատեն ասուպի պէս տարտընում մը կը վազեցնէ:

* *

Հիւղակ մը:

Գրեթէ լիուան մօտիկ, գաղթականներու աղտոտ փուղոցի մը գագաթին, առանձին ու խլդուած հողէն որ անոր կռնակին պատ մը կը կտրէ:

Հօն կ'երթամ ցերեկները կանչելու մեր բեռնակիրը որ աչքերը կը բանայ հայիոյելով կաղ քրիստոնեացին ու համետը զարկած կռնակին, հազարով ու պուալով կուգայ գործատեղին:

Զիս կը ճանչնան թաղին լակոտները որոնք պատուէր ունին չդպիլու թելիս:

Մերկ է անիկա, հիւղակը, գետինը հողէ, խսիրով մը առիբին վրայ զգեստի ծրար մը: Օհախը երկու պատի անկիւնէն ներս, միշտ պարապ:

Լոյսը, տանիքէն, — կոր ու անժամանակ լուսընկայ մը առաստաղի մութէն զատուող — կը տրտմի ու կը մսի անկէ ներս:

* *

Հանգիստի օր մը:

Կաղ վարպետը հիւղակ կը դրկէ զիս Բեմպէն կանչելու:

Մինակ է անիկա, երկարած սէտիրի մը բարձին, — Դուռը գոցէ:

Դաշն է այս ծայնը, մութին վրայ ծաղկող երգի մը պէս:

Ու մութ է նորէն սենեակը, ծեւերը հանգած ու անկիւններուն դիմագծութիւնը ջնջուած:

Կը նստիմ իր սորբուն: Մերկ իր սրունքներէն տարտիթինը կ'անցնի ինձի ու դողը կ'յինայ մարմինիս: Լեզուս կապ է ու աչքերս ստուերին մէջէն կը գտնեն անոր աչքերը:

Յետոյ մեր մատները իրարու կոզան, յետոյ մեր երեսները:

Այն ատեն, ու ասիկա առանց բառի, մենք կը փաթթուինք իրարու:

Ես մուցած եմ կաղ վարպետը ու դուրս ելեկ առաջ կը պատրաստուիմ իմ սուտիս:

Բայց ծարիրուած յօնքերով կարմիր հարսնուկը ինձմէ ետքը, կը բռնէ գործատեղին ճամբան ու ես

կ'իջնամ մեր հիւղակը, մանարանի մը շրջափակէն ներս, առանց գիտնալու թէ ինչու կը դողամ ունոյն ատեն ինչու կը տառապիմ:

* *

Ես անիկա կը սպասեմ հիմա մեծ պարտէզին մէջ, անցած պահուն, փաթթուելու եւ պազնելու համար: Ինձի համար կարելի չէ ա'լ աշխատանքը ու սիրտիս մէջ երկաթ կը մման երբ հարսնուկը վեր կ'երթայ հունտերը փուելու, ու կաղ սատանան իր ոտքը կը քաշտէ անոր ետեւէն:

Պառաւներն ու տղաքը կը խնդան, ազքով նշան կ'ընեն իրարու երբ սանդուխի ծայրին երեւայ անոր սեւաւոր հասակը, զիսին ճերմակովը:

Այն ատեն ես կը նայիմ անոր ուրիշ նայուածքով:

* *

Առաջին կինը:

Ան հիւղակին պղտոր լոյսին մէջ կը բանայ իր կուրծքը ու միամիտ է ու ահաւոր երբ կը հարցնէ:

— Ճերմակ է:

Ու անիկա գորովով ու փափկութեամբ կը համբուրէ պատանիի աչքերս, երկար, գրեթէ խմելով անոնց լոյսը:

Ու անիկա կ'առնէ իր մատներուն տակ աղուական թարմութիւնը իմ միսերուն, կը խաղայ անոնց հետ երկար ու երազկոտ: Անիկա ունի բառեր որոնք լեզուներէն դուրս կը մնան:

* *

Կ'երթամ գործատեղի, հրաժեշտ առնելու: Ինձի դուրս, դպրոց կը դրկեն:

Պառաւները չեն շարժեր իրենց գլուխները ու տը-
ղաքը կը նային իրենց սանդիկներուն, արդէն մոռցած
մէկը որ տղայ չեղած մարդերուն պէս կախ գլուխ ու
ծանր դարձաւ:

Հարսնուկը չկայ:

Վարանուտ, կը սպասեմ, բայց անկարելի կ'ըլլայ
մնալ, ու կոտրած ու քրտնած կ'ելլեմ դուրս:

Պարտէզին անկիւնը ինծի կը փաթթուի, այս ան-
գամ համարծակ, գրեթէ ինքինքը վտանգելով, կար-
միր հարսնուկը:

Կը կենամ: Ոտքերս կը փակչին գետինին: Մեր
դէմը, պարտէզը իր ծառերուն երկարուն լուռթեամ-
բը: Մեր ետին՝ խուլ երգը դարձող սանդիկներուն:

Կը հանէ կուրծքէն մետաքսէ թաշկինակ մօ, կը
դնէ սրտիս վրայ

— Ասով հարս եղայ:

Կը նայինք իրարու:

Ու ներսէն կաղ սատանային հազը որմէ անմիջա-
պէս ետքը:

— Բէմպէ:

— Կա'ղ սատանայ:

Կամացուկ պատասխանն է որ կը կախուի շըր-
թունքնէն:

Իրարու կը նայինք, աւելի խորոնկէն:

Ու այն ատեն դիմաւորելով դառնութիւնը մտա-
ծումիս:

— Մի փախնար, ինծի չունենա՛ր: Չունեցա՛ւ:

Ծանր է աս շեշտը ու հանդիսաւոր: Բայց ինչո՞ւ:

Զեմ հարցներ: Առանց նայելու անոր արցունքին
ու սարսունին, ես կը նետուիմ դուրս, դէպի աշխար-
հին ծովը ու մեր հոդիները իրարմէ կ'անջրապետուին
միջոցի մը վրայ որուն ծայրը չերեւիր:

* *

Սլաքմին առաջին էջն է ասիկա:

Ո'չ նուազում, ոչ ալ ստուեր: Հարսնուկին պատ-
կերը կը մնայ յստակ, ինչպէս էր անիկա պատանու-
թեան օրերուն:

Ու խորհիլ որ թուղթերը աւելի կը դիմանան մար-
դերէն:

ԲՈՒԲՈՒԼ

Ա Ի Ր Է Ժ Ն Ե Ր Է Ս

Քուբուլը:

* *

Մեր թաղին մէջ փուռ մը կայ, առջին այանկով
(հրապարակ) մը: Հոն կը հաւաքուին հարսները՝ օր-
հարսակի շողին, պառաւները՝ կոչնակէն առաջ, տղա-
քը՝ ժամէն հտքը ու մարդերը՝ մութը իջնալուն հետ:

Իմ ինչո՞ւս պէտք թէ ինչ կ'ըսեն հարսները, երբ
քիթ քիթի, իրարու բազուկներ բռնած, կը փսփսան
իրարու, չմոռնալով իրենց մօտեցող տղաքը վանտել:

Իմ ինչո՞ւս պէտք մանաւանդ պառաւներուն բամ-
բասանքը որ երբեմն թիւ, երբեմն ձայնաւոր պատա-
րագի պէս էտինքին կը սկսի ու կոչնակին ազգարա-
րութիւնովը հազիւ կը դադրի:

Ինծի համար գին չունի ալանկը երբ դպրոցէն
դարձիս, կզակէս կախած հացին չոր շերտը, կը
նետուիմ մեր անկիւնը, որ իրարու եկած պատերուն
ներսը, տեղ մը կը բանայ իրեն, ու մասով մը կը պա-
տըսպարէ նստողը:

(*) Այս կտորը թէեւ կը պատկանի ուրիշ շարքի մը, բայց իրը
սկիզբ յարմար դատուած է մտնելու «Երբ պատանի ներին մէջ,
քանի որ տիպարը նոյնն է»:

* *

Հոն են մեր խաղին աւերակները:

Քարերով զատուած քառակուսիները մնուած են
ընդհանրապէս ու մեր շինած պատիկ տուներուն կը-
մախները գետինը կը պառկին:

Իմ գործս է, ամէն իրիկուն, գլորոցէն դարձիս
մարբել մեր անկիւնին այդ բայրայումը մինչեւ որ ա-
նիկա զայ:

Ինչ խենդ տղայ եմ ես: Ամէն քար մը վերցնե-
լուս չեմ կրնար աչքերս ալ, նոյն ատեն, վեր չնետել,
անոնց դուռը հսկելով:

Երբեմն սիրոս՝ թաք կը զարնէ, երբ մշտարաց
դուռնէն անոր պատիկ հասակը կը ցաթի. բայց ծեռ-
քէն կախ սափորով մը:

Այն ատեն ատիպուած եմ ծգել մեր անկիւնին
պատսպարուած առանձնութիւնը ու անոր քովն ի
վեր, քիչ մը տրտում, քիչ մըն ալ ուրախ, աղբիւր
շտկիւ:

* *

Մենք պատիկ ենք: Մեր շուքերը իրարմէ մէյմէկ
թիզ տարբերութիւն շունին ու ծերուկ Ակօյին զաւա-
զանը մեր մէկուկէս անգամը կայ:

Բայց մենք իրար կը սիրենք:

Մենք ամէն առտու իրարու կը սպասինք փու-
ռին առջին ուր կը հաւաքուեն արծելու գացող ոչ-
խարներուն նման, թաղին բոլոր տղարը:

Քիչեր զոյց գտնելու բախտը կ'ունենան մեր մէջ:
Ու առանց զգալու, թերեւս առանց ալ զգացնելու
մենք կը թողունք որ քաջուի մեր առջեւէն տղոց
երամակը:

Սյն ատեն է որ ծուռ ու մուռ փողոցներէն, մեր
պատիկ մարմինները իրարու դպցուցած, մենք կը
քալենք, կամաց, քիչ անգամ խօսելով, բայց երջանիկ:
Կ'ուզինք որ չհատնի այդ ճամբան:

Դպրոցին առջին մենք կը զատուինք իրարմէ:
Թեթեւ տիսրութիւն մը ինծի հետ կուգայ մեր
ծաղկոցը, բայց քիչ ետքը կը զնցուի Բուբուն ալ,
անոր հետ պատելու հանոյքն ալ երբ վարժապետին
սարսափը կը սկսի:

* *

Մենք իրար կը սիրենք մանաւանդ իրիկունները:

Մեր պատսպարուած անկիւնին առջին մեր ծե-
ռակերտները՝ աւարտած, պատրանքը կուտան երազ-
ուած պալատներուն:

Մենք ունինք փայտէ եւ լաթէ շինուած զաւակ-
ներ, մանչ ալ, աղջիկ ալ: Անոնց ծիծը տուած է
Բուբուլը եւ կղմինտրէ օրանին մէջ պառկեցուցած
զանոնք:

Դուրսը մութ կայ, որ տուններուն դէմ կը սեւ-
նայ, երկինքին մէջ քիչ մը տժգունելով:

Կը մարենք մոմը:

Այն ատեն է որ մեր պատիկ զրթունքները իրարու
երեսները կը փնտուեն: Մենք ատ բանը տեսած ենք
հարսներէն:

Տաք ու թաց բան մը կը թուլնայ երեսիս վրայ:
Մանրիկ ակրանները անուշ խայթումով մը կը կճեն
այտերուս միսը:

Յետոյ կը բոնենք իրարու թեւէ ու դուրս կ'ելլենք
անկիւնէն:

Ու իմ ոտքերս զետին կը գամուին անոնց շեմին

առջին: Հօրբուրիս բերանը՝ կանչելէն մազ կը բուսնի:
ես չեմ լսեր նոյն խակ ուրիշներուն ազդարարութիւնը:

Շեմին վրայ կը նստինք նորէն քովքովի, անբար-
բառ, հեռուները տեսնելով մութին մէջ ու իմ երեսիս
վրայ շարունակ կ'այրի քաղցրութիւն մը որ անուն
չունի: Ու իմ շրթներուս վրայ կայ շաքար մը որ չի
փախչիր ու սիրոս կը վազէ:

* *

Տաղաւարները: Անոնք օրհնութիւնն են, պար-
գևուած բարիքը: Աստուած մեզի համար տուած է
զանոնք:

Մենք ժամէն շուտ կը դառնանք:

Ու մեկուսացած սենեակներէն ներս. մենք մեր
պզտիկ սէրերը կը բերենք իրարու մօտիկ:

Ի՞նչ կայ անոր մազերուն վրայ որ շարունակ,
երեսիս մօտ, ուզեմ ես անոնք: Ի՞նչ կայ անոր աչքե-
րուն մէջ, որ, շարունակ անոնցմէ վազող բանը տա-
քուկ ու մեղմ կրակի մը պէս՝ իմ հոգիէն ներս ուզեմ:

Ի՞նչ կայ այդ պզտիկ տղեկին մարմինին վրայ:

Ես լաւ չիմ գիտեր: Բայց անոր մերկ ոտքերը ես
խածած եմ արիւներու չափ: Ու խեղդուելու պէս
թոռմած է անիկա իմ բազուկներուս տակը առանց
հեծքի, մեռելի պէս երջանիկ, աչքերը գոցելով:

* *

Այգիներուն մէջ մենք քնացած ենք գիրկ գիրկի:
Ես երկնցուցած եմ անոր գլուխին՝ իմ բազուկս:
Տուած եմ իմ տղու կուրծքս անոր տաքուկ կուրծ-
քին: Ու երես երեսի՝ բերան բերնի ըլլալէ ետքը, մենք
ժամերով երազած ենք իրարու:

Մենք պզտիկ ենք, շատ պզտիկ: Ակօ Տէտէին
գաւազանը մեր մէկուկէս անգամը կ'ըլլայ:

Մարդիկ մեր ետեւէն կը նային, զուխտակ աղաւ-
նիներու նման մեր օրօրուն գնացքին:

Բաղնիքին մէջ մենք նորէն իրարմէ չենք զատուիր,
ու ես հակառակ օհառի կրակին՝ աչքերս չեմ գոցեր,
գոնէ վայրկեան մը չփախցնելու համար անոր՝ թրջած
հաւու մարմինը, ոււեցած փորք ու պղինծ դրամի
պէս կարմիր իր ծիծերուն պզտիկ կալը:

Մարդիկ կը նային մեր ետեւէն, երբ դպրոց կ'եր-
թանք ու մեծերուն լեզուն դժուար է հասկնալ :

* *

Քիչ անգամ տղոց խաղերը մեզ կը տանին իրենց
յորձանքին:

Պահուըտուքը միայն խենդի պէս կը փնտուենք:

Զպատուող համ մը կայ՝ մութ մառաններէն
ներս, հսկայ գուբերուն արծաններուն ետին կծկուած
աղջիկը բռնելուն մէջ: Բերնով, ոտքով, ծեռքով ու
աչքերով կը նետուիմ անոր վրայ ու կը սեղմեմ, կը
սեղմեմ:

Սնիկա ծայն չունի, ինչպէս չունին գաշտին համբ
խլուրդները:

* *

Ես խելօք տղեկ մըն եմ: Խոյս կուտամ կոխէ ու
կը հաշտեցնեմ գզուըտողները:

Բայց անողոք եմ, երբ մէկը համարձակի մատ
վերցնել Բուբուլին:

Տղաքը կը զարմանան, չեն հասկնար: Բայց յու-
զումին անկեղծութիւնը կ'անցնի իրենց.

— Զգեցէք, տղա՛ք, անոր կնիկն է, հախ ունի:

Մենք խորհուրդին չենք հասնիր: Բայց վտանգի առջեւ անոր համար ցոյց տրուած այս արիութիւնը յարգանք ու տաք համբոյք կը բերէ ինձի:

Զմեռ իրիկուները հէքեաթ մտիկ Շընելու ատեն, բոլոր տղոց նման, իրար չենք ուտեր, պատմովն ծունկին համար:

Ես կը կենամ ետ, ծեռքովս տեղաւորելով անոր գլուխը հօրբուրիս, ծունկին: Ան նեղուելով, ինքզինքը պատիկցներով. կը ճարէ իմ գլուխիս ալ կտոր մը ծունկ:

Մտիկ կ'ընենք, հէքեաթին հետ մեր սիրտերուն զարկն ալ:

Ի՞նչ քաղցր է տղայ մը գրկել ու ի՞նչ քաղցր է տղայ մը ըլլալը:

* *

— Գլուխդ ողջ մնայ:

Կ'ըսեն տղաքը ինձի, գերեզմանէն դարձողներու նման, երբ զլուխս երկարած, վիզս ծուռ՝ կը նստիմ մէկդի, մաս չառնելով անոնց խաղերէն:

Առանց պատասխանի մտիկ կ'ընեմ այդ կատակը ուր հեգնութիւնն ու անկեղծ ցաւակցութիւնը իրարու կը միանան:

Կ'ամչնամ հիմա երթալ դառնալու փուռին առջին: Բուբուլը ներան է ու չի նայիր ինձի:

Ինչո՞ւ այսքան շուտ կը մոռնան աղջիկները:

Անիկա դպրոց ալ չի գար: Նշանուած աղջիկները ալ մեծ կը սեպուին:

Մեր հասա՞կը: Մերուկին գաւազանը գրեթէ անոր մէկուկէսն է նորէն:

Բայց Բուբուլը տան աղջիկ է:

— Գլուխդ ողջ մնայ:

Մահուան պատկերը կեղծ կամ իրաւ, արցունքի շատ մօտ է:

Կը վագեմ մեր վլած տունը, կը նետուիմ օճախին առջին ու մինակ, մինակ կուլամ ծայնով. Կուլամ շատ բարձր:

Ոչ մէկը կայ եկող ու գացող:

Մեռնողներուն վրայ արցունքը՝ հոգիդ կը պառցակցնէ:

Սիրողներուն մօտ արցունքը՝ ջուրի տեղ, զովութեան տեղ, կրակ կը բերէ:

*
* *

Ինչո՞ւ այսչափ կանուխ դրիր իմ մէջ, ատ կրակը, ո՞վ Տէր:

Ինչո՞ւ:



Բ.

Ա Տ Ե Մ Ո Ւ Մ Ը



Երկինք մը մենէ վեր որ քիչ քիչ կը բարձրանայ: Մեր ոտքերուն՝ մարմինը ճամբուն որուն դեղինը կը զատուի ծիթաստաններուն ուժով գորշութենէն: Ու ամէնքս, մենք, մութի մը մէջ որ սեւ մշուշի մը պէս կը լցնէ մեր շուրջը:

Շատոր ենք ան առտաւն:

Պատիկ, գրեթէ կլոր հով մը որ լիճէն կուգայ, կը դպի մեր երեսին, մեր՝ տղոցը երեսին, հան բանաւով չըսու ելիք երազներ: Կը դպի աղջկներուն փէշերուն որոնք անծայն ալիքներու պէս, մութին վրայ կը դողան ազ ու ծախ:

Մենէ առաջ, ծերե՛րը: Ու անոնց հաստ ծայնը որ, խորհուրդով, կուգայ ու կ'անցնի մեր վրայէն, մեզ կանչերու համար իրական աշխարհին:

Վասնզի տարիքները իրարու կը վազին, գոնէ օդին վրայով, ստուերոտ ճամբաններէն, երբ աղջկները՝ չը հասկցուող բանէ մը դրդուած, չեն կրնար իրենց գըլուխները խելօր պահել իրենց ուսերուն վրայ, ու տըղաբը չեն կրնար իրենց ոտքերը խելօր պահել այն գետնին վրայ որ կը բաժնէ զիրենք խորհուրդի կարաւանէն:

Տրտում այս գնացքը: Տրտում՝ տղոցը համար ու-

բոնց բերնին կուզպէ է երգին ակունքը: Աղջիկները: Անոնց եւս դարձող զլուխէն երեսներ միայն կը ճերմըկին տարտամ սեւութեան վրայ: Ու անոնց ալ լուռէ հոգին, հովին պէս որ մեզի կուգայ զանոնք համբուրելով:

Մենք ուխտի կ'երթանք:

* *

Լոյս:

Լիճն է, խելօր՝ ու նոր լուացուած, բեհեզի մը պէս, թարմ ու գունաւոր:

Աղջիկներ, ափունքին, տարտղնուած՝ մեծ փունջի մը հասկերուն նման, ո՛րը ոտքի, արեւին դարձող ծաղիկի մը պէս, մեղմ ու օրօրուն. ո՞ւն ալ ծռած մեծ ժանեակին զոր փրփուրը կը բանի ասանկ առտուներուն:

Տղաք, աւելի հեռուն, կարմիր օզակով իրենց թեւերը կ'անցընեն ափունքի աղջկներէն:

Ամէն պատանի իր սիրածը ունի, մորին խորունկէն, և որուն անունը չէ բացած ոչ մէկուն:

Անոնք կը նային աղջկներուն աչքէ դորս ճամբաներով. ու հակառակ նշանի ոսկիներուն, խենդ հաւատքը չեն կրնար թաղել, տարիներ վերջն ալ. մինչեւ որ հարսնիքը գայ որ աղջկները կ'առնէ տէրերուն յանձնելու:

* *

Թուխ եւ ուժով, գեղին աղ տղաբը: Անոնց մօտքալքենի բարակութիւնը որ իմն է, ամօթի մը պէս կը կոլսէ աչքերուս:

Ես չեմ հաւատար Սատուածածինին որ լին տակը կը պտտի այդ պահուն եւ որուն օրնութեանն ու գութին կը յանձնուին աղջկներուն մձնաւոր կուսութիւնները:

Ես չեմ հաւատութ ուրիշ սուրբի մը որ զուրին խորէն ականջ կը քանայ մալրերու աղօթքին ու ծերերու պահանջին։ Ասոնք իրենց փեսացոներուն՝ օր ու ոսկի կը սակարկեն։

Բայց չեմ զիտեր ինչո՞ւ, կը տարուիմ տեսներու հէքեաթին աղջիկը որ ոսկեզօծ իր միսը կը քանայ ու կը գոցէ պատմութեան մէջ ու միամիտ տղաքը կ'առնէ կը տանի։

Պատանի եմ ես։ Ու նիհար, ու գունատ ու հիւանդ պատանի։ Ու ճերմկած իմ մատներու ս վրայ լիճին զուրը կը դեղնի, մեռելի արցունքին նման։ Գըլխուս վրայ ծաղ կած թուփ մը մորմենիի։

Կ'անցնին տղաքը իմ ետեւէս. աւազներուն վրայ իրենց բայր խմորի պէս կը խօսի։

Կ'անցնին աղջիկները իմ առջեւէս, իրենց փէշերը քսելով զուրին որ կը դողդղայ. կարծես անհուն տղայ մը ըլլար։

Կ'անցնի ան ալ իմ առջեւէս, ծանր, չուզող ուռքերով որոնք աշքերուն չափ խօսիլ գիտեն երբեմ։

Կը նայիմ ետեւէն։

**

Տարուբնակ հորթ մըն էր ան, իր հասակովը, երբ ես ծգեցի գեղը։

Անիկա սիրած էի տղու հոգիով։ Ու լացած երբ նշանեցին։ Ութ տարեկան չկայի ես այդ օրերուն։

Ու ամէն տարի, Աւետումին, մինչեւ գեղէն բաժնուիս, ես անիկա թերի այս մորմենիին ներքեւ։

Քով բովի նստիլ, ոտքերնիս զուրերուն տակէն իրարու երկարել։ Երբեմն թեւեր թեւերու տանիկ։ Մենք պատիկ էինք ու մարդերը շատ չէին տեսնար այս խաղը։

Յետո՞յ։

Քաղաք։ Դպրոց։ Դիրք ու երա՛զ։ Ու վա՛նք մը, ուրկէ կը փախմիմ մարմինս պարպած ու գլուխս կապարած։

Ես հիւանդ եմ հոս, գունատ ու նիհար, ու կը նայիմ անոր ետեւէն։ Մազերուն՝ որոնց լարերէն ջուրը թռչոնի աշուկներու նման կը փայլի։ Հասակին՝ որ կարմիր պարեկուտին մէջէն փախչիէ կը սպառնայ։

Մեր աշերը կը փախնան իրարմէ։

Լիճը խելօք է այսօր։

Սրեւը հազիւ մատ մը շուք կուտայ թուփերուն։ Տղաքը ծիթաստաններուն տակը քունի կը քաշուին։ Ծերերը մեծ կողովներու ստուերին մէջ կը թաղեն իրենց գլուխը ու կը գոցեն աչքերնին։

Մայրեր, հեռուները քաշուած աղջիկ ու տղայ կը կարգեն։

Ու աղջիկները աւազին վրայ, զուրին երկարած իրենց ոտքերը, զոյգ զոյգ զրկուուքներ կը փորձեն կարծես։ Խոնարհ կենդանի մը իր քուռակին կունակը կը բթուէ։

Եւ կը սպասեմ որ չուրերը պատոին ու հէքեաթին աղջիկը բղխի փրփուրէն։ Պարապ տեղը չէ որ տղաքը գերք կը կարդան։

Բայց զուրը, անկնճիռ տասնըինգ տարու աղջիկան մը նման, կը վառի արևին տակ, մեծ ու միաւկուր։ Ու դիմացի եղերքէն լերան կունակը կը նիհարնայ դէպի վեր։ Ոչ մէկ վանկ։ Ոտքին զուրին պատիկ ուրուն հեծքը որ աւազին երկարած մեծ համբայր մըն է։

Հանգչած են գիծերը։ Ու կը սպասեմ ոսկի աղջկան։

* *

Ինչո՞ւ կը դողաս:

Չայնը կը դպի անոր:

—Կամա՞ց:

Կը գոցեմ բերանս, բանալու համար դուռները աչքերուս: Չիմ մտածեր թէ ինչո՞ւ եկած է հոս, խութեն հեռու, նիհար տղուն մօտ: Ու բան մը կուզայ ներսէս, բուռն, խենդ՝ առնելու անոր իրանը, թարմ տունկի մը պէս երկուքի կոտրելու:

Զեռքերս խելօք՝ կը կենան ծունկերուս վրայ:

Ան ոնի ափին խաշած ծուկ ու հաց: Բայց ինչո՞ւ կը դողայ:

Հիմա ես ալ կը վախնամ իմ ձայնէս ու բառերը կը զրուին աչքերուս մէջ, բառերը հարցումին:

Անիկա ուտելիքը կ'երկարէ:

—Անօթի չեմ:

Գիտէ թէ ցամաք հաց եմ բերած: Ու գրեթէ ցաւ կայ իր դէմքին:

Ինչո՞ւ չերթար:

Հանգչած են բոլոր գիծերը ու բոլոր ծեւերը:

Ան կը ծուի ծեռքինները քարին դնելու ու նշանին ոսկին, կտրուկ հնչումով, գուրս կ'իմսայ կուրծքէն:

Սյն ատեն, ձայնին վրայ մեր աչքերը կը հանդիպին իրարու:

Կարմրած՝ կը դառնայ կրունկին վրայ ու անոր պարեգօտը արեւին մէջ բռնկած մեծ շուշանի մը կը նմանի որ կը քալէ:

Ու անոր գլուխը կը նմանի ոսկի սաղաւարտի մը կարմիր՝ երազի մը վրայ:

Ու անոր գնացքը քաղցը է ինչպէս խունկինը որ կը դանդաղի:

—Քուքո՞ւլ:

Մինակ է իմ ծայնս, արեւին մէջ յանկարծ բուսած խորունկ ցաւի մը նման:

Անիկա կը կենայ սպասելով արծագանգին:

Զուրը խելօք է մեր առջին: Քունը, մեր ետին, մեծ վերմակի մը նման կ'իմնայ իրերուն ու մարդերուն: Կիներուն խումբը սօսիին տակը կը շարունակէ նշանն ու հարսնիքը ու աւելի մօտիկ՝ գրկուած աղջկները ոտք կը փոխեն ջուրերուն վրայ:

Ու կուգայ անիկա՝ հովէ դլրդուած մեծ վարդէ մլ նման:

Տեղ կուտամ անոր, ան տեղը զոր ունեցաւ հոս, տարիներ, իր պզտիկ մարմինին համար:

* *

Մարմինիի ծաղկած թել մը մեզ կը զատէ իրարմէ: Ու մեր ոտքերը, զգուշաւոր, իրարու զուգահեռաբար կը ծգուին աւազին վրայ:

Մենք չենք խօսիր: Բայց իրարու կը նայինք ու աչքերու լիզուն անսահման կ'ըլլայ շատ անգամ:

Ես պատանի եմ, նիհար ու գունատ ու գիրքերու մէջ ծերացած պատանի:

Ան պարմանի է, նուրբ եւ սպիտակ, այտերուն տեղը ոսկի են թափած:

Առնել անիկա, կամաց, շատ կամաց: Խմել կախարդուած բաժակի մը պէս անոր մարմինը: Խմել անոր ծեւերուն կաթն ու ծիրանին: Հանել անոր սիրտը եւ ուտել, լիճին աղջկան նման ու մտենլ ջուրերուն տակը, ա'լ չելլելու համար:

Խենդութիւն: Անշուշտ: Ո՞րն է պատանին որ իր խենդ օրը չէ ունեցած:

Բայց անիկա խելօք է նոր հարսի մը նման:

* *

Իրկուն:

Կարաւանը մտած է ձիթաստաններու ճամբան. առոտուան նման խումբերը իրարու կը հետեւին:

Գեղը վերն է ու հիւանդ տղուն համար գժնդակ՝ իր զառիվերովը:

Տարուկ բան մը որ հողէն կ'ելայ, մերկ իմ ոտքերուս կը պլուի բարի գգուանքի մը պէս: Ճամբորդներ՝ բառերուն բարիքը թափելչն: Ու մութցող կապոյտէն՝ մեծ մեծ աչքերը անոնց որոնք օր մը մեզի պէս տառապեցան հոս:

Գեղին մօտիկ, աղքի՛ւրը: Հոն կը նստիմ մինակուկ, սպասելով այս անգամ աղքիւրի աղջիկներուն որոնք հէքեաթը կը դնէ հոս:

Ու քիչ քիչ ճամբան կը հանգչի: Մութը մեծ զգեստի մը պէս կ'իյնայ ծեւերուն վրայ ու իրերը կը դադրին ապրելէ:

Սյն ատեն է որ տուն տանող ամայի ճամբիկը կը քաշէ իմ ոտքերս: Գեղը գէմա է, իր լոյսերուն սանդուխովը:

* *

Ամուր կը բռնիմ ձեռքէն:

Կը դոլայ բայց չի քաշեր:

Մեր առջին՝ տուներուն տարտամ քառակուսիները, միջոցին մէջ տրուային գծագրութեամք: Երկու եղերէն դղնաւոր թեւերը թթենիներուն որոնց վրայ տերեւները՝ անհամար իրենց ականջներով:

Ու մեր ոտքերը կը շեղին պատիկ ճամբայչն:

Այն ատեն մեր մարմինները իրարու կը մօտենան ու կը խօսինք մութին վրայէն, լոյսէ բառերով:

Ու ինծի կը թուի թէ կը տեսնամ անոր մանրիկ հոգին որ պատառ պատառ կը քակուի իր բերնէն ու կոտրտող ու տեւական կրակի մը պէս կ'իյնայ իմ սրտիս:

— Բուրուկ:

Մայրն է, տունէն:

Մենք աւելի մօտ ենք իրարու: Քրտինք կայ ափերուս մէջ ու այրող բան մը շրթունքիս:

— Ինչո՞ւ եկար:

Կը սեղմուի կուշտիս: Ու բարակ իր զգեստէն կակուղ ու տաք բան մը կ'անցնի իմ կողերուս: Չի խօսիր: Բայց բայլերը ծոյլ են ու չեն ուզեր առաջանալ:

— Ինչո՞ւ եկար:

Վանքէն դարձէս ի վեր, առաջին անգամն է որ մութին մէջ այսքան մօտ ենք իրարու: Գիշերը աղջիկները կը դադրին նշանած ըլլալէ: Արագ է մեր շունչը ու կը փախնանք աղմուկէն:

— Ես զիտե՞մ:

Կը նայիմ այս ուշացող պատասխանին:

Դիտե՞ն թէ ինչու կուգան աղջիկները երբ մատղաշ են տակաւին:

Բայց մենք կը քալենք: Ծառերէն ճիւղեր կը բրոտին խոնաւ, համբոցի պէս, մեր երեսներուն: Անոր մազերուն տերեւներ կը կախուին: Յանկապատ մը: Աւելի վար՝ տուները:

Աւ ան քարին վրայ ուր տարիներ առաջ, ասանկ մութերուն, ծունկ ծունկի, զրեթէ իրար զրկելով մենք խօսիր ենք իրարու, հիմա առանց զիտնալու կը նըստինք նորէն...

Մեղմով ետ կ'ընէ փնտռող իմ մատներս, կուրծքին վրայէն: Ու լութեան մէջ, չս գիտեր ինչպէս, ոսկիները կը հնչեն խորունկէն, ծիծերուն բարձունքէն: — Բութու:

Երկար ու ժանր բառը մութին մէջէն կը լայնայ: Կը բռնեմ բերանը պատասխանը արզիլելու համար:

Բայց ոսկիները կը շարունակեն խղդուած իրենց ճիչը երբ անիկա կը թօթուէ իրանը, ազատելու համար փաթթող բազուկներէս:

Կը նատիմ մինակ, քարին վրայ, ափերս փռած այն տաքութեան որ անոր մարմինէն կը մնայ:

Բան մը կը պտտի չորս դիս: Հո՞տ մը, ծե՞ւ մը, սարսո՞ւռ մը: Զեմ կրնար ճշգել, Բայց բան մը՝ որ տղաքը լեռնէ լեռ կը ծգէ կ'ըսեն:

* *

Աւետումին գիշերը տօնական անուշութիւններ ունի: Տուներու առջեւ պառաւները կզակ կը շարժեն ժամերով ու յաղթուած ծմեռուան վրայ կը խնդան:

Երիտասարդները հարսնիքին երազով կը գոցեն աչքերնին:

Պատանինե՞րը:

Անոնք, իրենց մինակ անկողնին մէջ կը համբռեն աղջիկներ, որոնք թաղին ամէնէն աղուորդները կ'ըլլան:

Ու անոնք ուշ գիշերով կը՝ փաթթեն աղջիկներ որոնց ճիտէն ուրիշն ոսկին, դեղին աչքի մը պէս կը սպառնայ իրենց պատանի երազներուն:

Դ.

ԷՂՅԱԿԱԾ

Արեւ:

Բայց յստակ ինչպէս հին գինի մը որ կ'ոսկիանայ բաժակի շրթունքին. Բայց տաքուկ՝ ինչպէս ծոցը նըշանով աղջիկներուն:

Շուրեր, մեծ ու պատիկ, գետինէն կտրելով սեփ սեւ իրենց կերպասը:

Գառնուկ մը, կաթէն նոր ինկած, որուն աչքերը վառին ծիւնին նետուած մատնիի մը բարերուն նման:

Անկիւնէն, քուռակը, իր զլխուն անհեթեթ սընտուկովը եւ ոտքերուն խորտ ու բորտ կարկինովը:

Պառաւներ, հարսներ, աղջիկներ, պատանի մը եւ պտտիկներ:

Օրն է շաբաթ, գարնան մէկ ամսէն:

Ու խումբը կ'ելլէ գեղէն՝ աղցան փհտտելու:

* *

Կ'ուզէ՞ք որ պատմեմ ծեզի մեր ճամբաներէն:

Անոնք որ վար, լիճը կը տանին, համ ու հոտը ունին միշտ առտուներուն, երբ մութը գորշ ճերմակ է դեռ անոնց յատակին ու շաղը՝ արծաթի անծրեւ. Երբ եզերքին կանգուն ոստերուն վրայ հով մը կը զարնէ, թեթեւ ու պաղուկ, ու սիրտիդ կը հասնի

բուրումի մը պէս: Աղջիկ ու տղայ խելօք կը բալեն անոնց վրայէն:

Ուրիշներ, լեռ գացողները, աղուոր են ու երիտասարդ: Կոկիկ, թուփերուն փունջերը շարած իրենց ափերուն, անոնք չեմ զիտեր ինչու նմանցուցեր եմ միշտ քիչ մը մեր աղջիկներուն: Նուրբ է անոնց հասակը, տեղ տեղ որորուն: Ու շուք կայ հոն, ու հով ու սարսուռ կայ հոն, երբ հարսներուն երգը կամաց կամաց հեւքոս կը դառնայ զառիվերերուն:

Կան դեռ ուրիշներ, միշտ լեռներն ի վեր, այծերուն կճղակներով մէջտեղ ելած: Պատանիները հոգի կուտան անոնց նիհար իրանին որ կը մեռնի յաճախ թաւուտներու տունէ մը ներս, կամ մեռնաւոր զուրի մը շրթունքին եւ կամ խորունկ փոսերու սրտին ուրկէ վար Սէրն ու Մեղքը, Գաղտնիքն ու Աւանդութիւնը գրկուած կը պառկին:

* *

Ու, աղցանին ճամբա՞ն:

Ան՝ որ բլուրին կուրծքին թերի մանեակներ կը սիրէ շարել: Տեղ տեղ, դեղնորակ երի՛զ, որ վեր կը քաշէ ինքզիները նիգով ու ատոր համար կը բարակնայ: Որ ապառաժներու վրայ նուռաղկոտ իր մէջքը կը կոտրտէ, բայց աղբիւրներու մօտ բարի կալին պէս կը կլորնայ: Որ, բլուրէն անդին, գալարուելով բայց յուսաւէտ իր ժապաւէնը կը կապէ լիրան վէշերուն մինչեւ որ քզիկ բզիկ պատուտոի անդունդներէն ու մեռնի խելօք:

Ու, կարաւանը աղջնորներուն:

Պառաւնե՛ր: Գիծին երկայներովը հատ հատ տարտղնուած: Անոնք երբեմն բալելու տեղ կը թալթլին: Բայց ետ չեն մնար:

Հարսներ: Յաճախ զոյգ զոյգ: Թեւերով, բերնով դարձած իրարու: Կարծես զիշեր ըլլար:

Աղջիկներ, միս մինակ, իրենք իրենց հետ, անձանօթ ծիաւորներուն երեւումը երազելով:

Պատանին:

—Անշուշտ, Յուրուլին ետեւէն:

Ելքն է շատ դանդաղ Ու երգը հեւրոտ: Սիրտերը գացած են իրենց տագնապին: Խեղճ սիրտերը պառաւներուն: Ու եփ սիրտերը հարսներուն: Ու նոր պակող սիրտերը աղջիկներուն, բայց պատուած սիրտը պատանիին:

* *

Անտառը:

Ծառեր: Ոտքի կամ հակած: Որն ալ ինքզինքը առած, զետինը պառկած:

Զուրեր: Ամէն հասակէ: Անոնք կը բացուին քարէն, կանանչէն ինչպէս աչքերը դէմքին խուռներէն: Ճերմակ ու աղուոր՝ որոնք անտառին խազը կը բանան: Տժգոյն ու բարակ՝ որոնք խոտերուն, ծաղկեմանեակներուն, նոյն խկ հողին ու բարին գոհար կը կապին:

Անտառը: Գարնան անտառը: Երբ մացառներուն սիրտը յուզում կը բուսնի: Երբ զանգուր ճիւղերու ներքեւ ծաղկեկները հարս կ'ելլան:

Աղբիւր մը:

Եկր առջին պարապէ գետինը, իրուած՝ գունաւոր վարշամակի մը պէս, կարծես չորնալու: Կաղնին, ծառերու դասակ մը, իրարու ուսէն ատանկ վեր ելած: Անոր կը նայինք վախով ու սիրով: Մեր քովերէն՝ ցրուած բանակը թաւուտներուն որոնք հողէն վեր կը բռնեն անկանոն իրենց սկաւառակները:

Խոտեր, ամէն հասակէ:

Հոտեր՝ հոսկէ ու հոնկէ: Երբեմն ճառագայթի սոտայնները: Երբեմն թե՛լը երգին որ շուքերուն մէջ ոսկի կը մանէ, երազ կը մանէ ու սիրո կը վառէ:

Ու պառաւները, գորշ ու գետնահակ, որոնք կը հատին: Ու հարսները, որոնց կարմրուկ կամ կապոյտ տարագները հեռաւոր ծաղիկներու կը փոխուին ճիւղերուն կամ թաւուտներու շրթունքին: Կամ աւելի մօտիկ, երբ քաղցր է անոնց լեզուն ու խորհրդաւոր, մինչ սակառներու վերեւ կոկոզած բան կը պատմեն իրարու, ով գիտէ ինչեր:

Քովիկս է անիկա: Թեթե՛ւ, ժալիտէ հովէ ու թելի վերածուած ծիածանէ մը հիւսուող պատկերի մը պէս: Քովիկս է անիկա, վրան միս առած, վրան կաթ առած ու աղջիկ դարձած երազի մը պէս:

Ու լուռ է չորս դին: Բարակ բան մը մեր վրան, ճե՛ծքը ճիւղերուն, որոնք իրարու երկարէին իրենց շրթները ու համբոյր տային, ատանկ կամացուկ, ատանկ խռովքով ու սարտալէն: Քաղցր բան մը մեր ներքին, խոտէն ու հողէն բարձրացող զարկը բնութեան սրտին: Ու մեր ներսէն անանուն յո՞յզը, գողար բարախումը, մեզ իրար ծռող, մինակնալու տանող անոյշ տագնապը:

... Ու հիմայ ծայներ, բայց նեռուներէն: Ո՞րը՝ շատ այրած, որ կրակի պէս կը վազէ վերէն ու միջոցին մէջ արիւն կը հոսէ: Ո՞րը շատ անհամ, նոյն իսկ թթու, որ ականջդ կը փոթէ տհաս պտուղի մը պէս: Ու կայ գուաշթը, որ լողալէն ու խնդալէն կը դառնայ պարապին վրայ: Ու կայ տգեղը որ կը ճամբորդէ կարծես բուրգերու մէջ վարշամակուած:

Ու երգեր: Երկար կամ դանդաղ: Անոնց մէջ թեւ

Կուտան կանանչ մեռելներուն: Երես կը վառեն ծիծերուն կանթեղէն: Սուր ալ կը դնեն ոսկի յօնքերուն: Ու երկաթ ողակ՝ խոշորցող սրտին: Բաժակով արիւն սիրոյ ծաղիկին:

Ու, օդէն ու գետինէն, ու ծերպերէն ու բացուածքներէն աներեւոյթ բայց յատակ բղխումը Գարենան ոգիին, ան որ չերեւար բայց տարիք ունի քսանի մօտիկ: Որ ապրողները, մանաւանդ սկսողները իրարու գիրկ կը թափէ, ու կեանքի անկարողներն անգամ պատրանքով կը զարդարէ:

Ու շատ մի տեսնաք, որ պատանի մը ու պարման աղջիկ մը, ասանկ կէսօրով, իրարու բաշուին: Ու, փնտուեն տեղեր ուր շուքը ըլլայ բանի մը խաւով, պատերը՝ հիւսուած՝ իրարու շատ մօտ, ծառէն ու թուփէն: Ուր թաղուի տղան, թաղուի աղջիկը:

Երկուքու

Մեր վրան՝ քարի տախտակ մը, ճիշդ ինչպէս կափարիչը դագաղին: Մեր կողին՝ մորմենիին փշուտ ու նիհար ծողացանկը: Ու ամէնէն վեր սիրահար կաղնին որ չորս հինգ ծառի շուք կը կախէ մէկէն:

Ու տաք է ափը:

Ու մատներուս մէջ ինչպէս կը թուլնայ, բարակ կը դառնայ, բամպակ կը դառնայ, Յետոյ սողոսկուն բան մը, խոնաւ ու կրակ: Ու այ չեմ խորհիր մատի ոսկորներուն որոնք թռած են անկէ:

Ու ցողունը կայ, նրբին, ցանցակերպ, դաստակէն դէպի վեր, ցողունը որ ծաղիկ չունի եւ զոր ծիւնէն հրաշքով բռուած կապուտիկինը կարծէիր պիտի:

Ու կուրծքը, թեթեւ, նոր թեւաւորած, բայց ուրէկ կուգայ սկսող համը աղջիկներուն:

Ու երեսները, այնպէս թարմ, բայց այնպէս հասուն:

Ու նայուածքը որ դուրս կը վազէ իր կոպիճներէն, համբոյրի նման փաթթող ու տանող:

Երբ մազերը կը զատեմ ճիւղի մը եղունգներէն ու անոնց թելերը կը տեղաւորեմ զլիխ մայր հիւսքին, ու, երբ, ուսերուն վրայ աջ ու ձախ կը ծռեմ անոր այտերը կախարդուած ափսէներու պէս ու թշւերս կը բանամ վրան՝ գոցելու, անիկա զիտէ տարծումը որ կը կիցնէ:

Բայց տաք, տաք է ափը, որ խօսիլ կ'ուզէ, երբ նոր փրցուած դեղձի մը նման կը լրուի ափերուա:

* *

Մեր խօսակցութիւնը:

Քիչ, կտրտուած բաւեր: Աւելի շատ՝ աչքէ աչք թափանցում մը որ արցունքով կը պլտորի: Պատամախաններ որոնք շատ ուշ կուգան երբ հարցումը մեռած է արդէն:

...ես կը խօսիմ անոր բաղաքներէն ու անոնց աղջիկներէն:

Ան կը նայի մեղմ ու միամիտ: Ու ան ալ կը պատմէ գեղը, մեռած աղջիկները ու լճին խաղուած տղաքը: Ու առանց գիտնալու կը պատմէ նորէն իր պղտիկ սիրոտը, նշանի օրէն մինչեւ աս տարին: Քիչ է շրջանը, ութի մօտ տարի:

Աղջկան սիրոտ: Պարապ բաժակ, կ'ըսեմ ես ինձի, ուր ոչ մէկ կաթիլ դեռ եկած ըլլայ հանգչելու:

Ու մեր բոլոր մինակութիւններուն, ինչպէս է հիմա, ցաւ ու հաճոյը է ինձի հարս ընել անիկա, նետել իր մարդուն անկողինին: Ու խօսիլ Դարձին վրայ, դէպի մեր թաղը, մայրիկին տունը: Անիկա միշտ կէս կը նայի, միշտ բառ ալ չունի:

Այդ ատեններուն ես կը նայիմ խոր: Կը նայիմ՝

իմ մէջ ամփոփուած, բոցի մը պէս որ կծկուիլ գիտնար: Կը նայիմ, բռնկած ճարտի մը պէս, ուղղակի ճեղելով անժը թիբերուն կախարդ զրահը:

Ի՞նչ կը վախնայ:

Մատները, դողդոզ, հազիւ կը գոցեն լուռ այս հրդեհը:

— Զե՞ս մեղքնար ինձ

— Ո՞վ որու, Տէ՞ն:

Այսպէս կը խօսի հալսնցու աղջիկը որուն հետ պղտիկ եղանիք: Որ իմ մէջ դիմացաւ բաղաքէ բաղաք, թափառումներուս, ինչպէս կը մնայ պատկեր մը կիսաստուեր խորանէ մը ներս:

Իեղճ այս պատմութիւնը, ինչպէս բոլոր պատմութիւնները աշխարհին:

Գեղ դարձիս, առաջին աղջիկն է ան ինձի համար: Տարիեր՝ տասնորդեց: Աստուածածնին հա՞րս:

* *

Առաջին օրը:

Որբան քալած է անոր հասակը, որբան ալ շինուած:

Սյդ օրը կը խօսինք, թաղեցի պղտիկներու նման, ամէնուն առջին, որպէս թէ մեր տարիներուն կէսը ինկած ըլլալ մէկէն: Որպէս թէ ան նշան չունենար կամ հս ծեր մը ըլլալի:

Բայց, իրիկունը մութին մէջ հանդիպում անոնց բակէն ներս:

Ու իր անունը, այնպէս տաքուկ, այնպէս շաքար, ինչպէս տարիներ առաջ տղու օրերուս, որ կ'ելլէ բերնէս ու աղջիկ կ'ըլլայ:

Բռնի, տագնապուն բայց պարտադրուած, մենք ետ կը դառնանք մեր մանկութեան, ատ իսկ վայր-

կեանին: Մեր բազուկները իրարու կ'երթան: Կը կենանք անշարժ: Ոչ մէկ բան մասնաւոր, օտար որ խռովէ, ուրիշ ընէ մեզ:

Յետոյ անակնկալ, անծանօթ սարսուռը, անկէ ու ինձմէ, նոյն երկվայրկեանին:

Ո՞վ կ'անցնի, ի՞նչ կ'անցնի:

Բայց իմ ոտները կը թուլնան: Ու տաք կ'ելլայ իմ բերանէս: Ինչու:

Ու կը մօտենանք քիչ մը աւելի: Տաք է անոր ալ շունչը: Ու անոր թեւերը կակուղ են ու անդիմամարտ: Ու անոր գրուխը կը դողայ ծոծրակին վրտյ. ինչպէս ծաղիկ մը ցողունին վրայ:

Ու կը սեղմուինք: Անոր երեսները:

Ես քաղաքի տղայ, վէպերու տղայ: Ես շատոնց գարժուած այտերու համին, արցունքի համին:

Անիկա*: Բայց անիկա մեծցաւ մենաւոր շուշանի մը նման: Բայց անիկա...

Ան ետ կ'ընէ իմ շրթունքները:

Ոչ մէկ ծայն: Դուրսը, փողոցն է, սեւերու մտած: Վերէն, սանդուխէն լամպը որ կ'իջնէ:

Կը փախնանք անկէ առաջին անգամ:

Առաջին օրը....

*

Հիմա կը բռնեմ այս պատկերը աչքերուն դիմաց: Տեղաւորուած է կուշտիս: Մենք մոոցած ենք սակառները, աղցանը, պառաւները: Շուքը թանձր է ու կարծես թէ կը դպի մեր միսերուն: Զայները, մէկէն հինցած, հեռացած, հազիւ կը հասնին:

Ու ողջ անտառը, որ կը թրթռայ եւ կամ կը լուէ, բովիս սեղմուած սա աղջկանը մարմինէն:

Ու մեր օրերը առաջինէն ետքը:

Առանձնութիւնը զոր կը լրտեսենք: Ինչպէս կը նայինք՝ դուռին, իրարու, նոյն տագնապանքով: Ինչպէս կը գրկեն իրար մեր բազուկները, յետոյ ոսքերը, յետոյ կուրծքերը: Ու ինչպէս օր օրի, մեր մէջ կը փորուի բաժանումը աշխարհին համար, աշխարհի աչքին: Բայց մեր հոգիները մեր ներսերէն ինչպէս իրարու կամար կը նետեն աւելի ամուր, աւելի մօտիկ:

**

Ան օրերուն:

Ու ալ կը խօսինք աւելի կամաց: Բայց բառերուն տեղ որոնք ուժ չունին, մեր հոգիները նոր ճամբաներ կը բանան:

Ու սկսող գարնան դէմ՝ անոր երեսին՝ կուգայ այն անանուն հովը ուրկէ կինը կը բալիի:

Ու անոր հասակէն, անոր մազերէն, թեւերուն աղեղէն՝ գիծերուն ա՛յն յարդարումը, ա՛յն վէժը որ մէկ օրէն միւսը պատանիէն՝ կը ստեղծէ կինը, հանդարտ մարմինէն՝ լուռ բռնկումը. ու խելօք միսերէն՝ խենդ զգլխանքը որ կրակի պէս կը թափի տղոցը զլխուն:

Ու անոր նայուածքէն մեր շարականներուն «անիմանալի» աղբերացումը որ ներսերէն դուրս կը բերէ, անտես բայց իմանալի պսակի մը պէս, անտես բայց շօշափելի մարմինի մը պէս աղջիկներու հոգին որ կին է եղած:

Ան օրերուն:

Երբ՝ հեռուներէն դեռ զայն չտեսած գիտեմ ես գալը: Երբ՝ ճամբաներուն վրայ կիներուն շարանէն հոգիովս կրնամ զատկե անոր իրանը: Երբ՝ մութերուն մէջ ես գրեթէ կը տեսնամ անոր մարմինէն վեր — որ չերեւար — շէնքը անոր հոգիին:

Այս օրերուն:

Բայց գարունները շուտ կը քալին, երբեմն սիրտերէն ալ շուտ:

* *

—Ոտքերուդ մեռնիմ:

Պատիկ, զրիթէ մանուկի աղաջանք, ան վերն է հիմա, անդունդի մուտքին ու, ծեռքը ետ, վեր կը քաշէ, բայց կ'երկարէ հոգին:

Ես: —Վա՛րը. անդունդին ներս:

Սրբուած են հիմա աղցնուողները հորիզոնէն որ չի կայ: Հարսներուն երգը երթալով կը յոգնի ու կը հեռանայ: Տղոց ծայներ՝ փրթած, կտորով: Հովը որ անդունդ կը թափի անգոյն ալիքով:

Ու իմ ոտքերուն, անմիջական, անդո՛ւնդը: Կուսաւոր, ժպառուն, գեղին արեւի անհուն կարաս որուն տակը չի կինար:

Բայց խորխորատը արիւնոտ իր համբաւը ունի: Անկէ աղջիկներ վար թափած են իրենց մեղքը ու իրենց անձը: Ու հէքեաթէ է բուսած անոր խորունկէն, Աղութնակներուն տրտում հէքեաթը:

Ու կը պաղատի՞: Ո՞ն շատ կը վախնայ: Ու կը պաղատի՞: Վեր ելլօ՞ւ:

Խեղճ աղջիկն Դեռ չի գիտեր որ գիրքերուն տղաքը ման ու մեղքը նոյն զիծով կը տեսնին: Թէ՝ անդունդէ անդունդ սորված են քալել բաւական կանուխ: Արդէն ո՞ր խորխորատը կընայ մօտիկ զալ կնոջ մը սրտին:

* *

Ի՞նչպէս իջաւ:

Ուսերուս վրայէն, ուր կը ծալլուին ու կ'ամբաւ-

նան իր բազուկները, կը լսեմ սիրտը որ կը զարնէ: Ու աչքերէն կը վազէ ինչ որ դուքս է մեր լեզուներէն:

—Ոտքերուդ մեռնիմ:

Մենդ է աս աղջիկը: Ինչո՞ւ: Հո՞ս ալ: Կը նայիմ խելօր: Կոնակը կուտայ քարի մը կուշտին:

Մենք ետեւ չունինք: Ապառաժը, շա՛տ ողորկ, լուացուած ու լէզուտ՝ խարդախ է մանաւանդ եր ափերուն դէմ: Մեր ոտքերը կը կենան ժայռէն փախած քարի մը փորուածքին մէջ: Ու մեր կողերը կը կութնին քարերու կողկուներուն:

Բայց մեր առջին, անմիջական, անդունդը: Լուսաւոր, ժպառուն, արեւի անհուն տակառ՝ որուն տակը չերեւար:

Ու անունները անոնց, մեր գիտցածներուն, որոնք անկէ վար նետեցին իրենց մարմինները ու խորհուրդը:

Կը վախնայ, յանկարծական, անիմաստ վախով:

Յետոյ տիսրութիւն, զրիթէ մեռելտունի տիսրութիւն:

—Ե՞րբ է հարսնիքը: Իբր թէ զիտնայի:

Կը նայի, խորունկ զարմացած, չհամենալով այսքան չարութիւն: Բայց բարի է ան:

Կը գոցէ շրթներս մեծ մօր մը նման: Բայց ես անոր թաթիկը կը տանիմ երեսիս, աչքերուս: Ու, ինձի կուզայ թէ երազ մը կը պատի միսերուս վրայ:

* *

Ու, առանց ուզելու, ու, առանց գիտնալու, ես կը զատուիմ կամաց կամաց իրերուն աշխարհէն: Ու մահուան հմայքը, անդունդէն բխած շնչումի նման կը փաթթէ գանդաղ, կը փաթթէ հեշտով:

Ու կը բայբայուին, կարծես հալելով այդ բուրու-

մին մէջ, երկաթ թելերը մեր բաղծանքներուն, ցանկութիւններուն, որոնցմով զրահուած կը սիրենք ելել կեանքին դէմ:

Ու հաճոյք կայ, խոր ու շօշափելի սա մարզանքին մէջ :

Ու կը բռնեմ անոր ալ հոգին այս զգլխանքին վրայ, ինչպէս պիտի ընէր գիտուն մը, թթուի մը վրայ թիթեռնիկ մը մէջքէն պրկած: Ու կը սպասեմ որ գինովնայ անդունդէն:

Ու, երակներուս մէջ մշուշոտ թմբերը կը թաւալի: Ծանրութեան զգայութիւնը կը պղտորի մանաւանդ ծոցիս վրայ, թուլութիւն: Այո՞ւ Բայց անմիջապէս թեթեւացում. տեսակ մը ցնդական վիճակ: Մեր մարմինները կարծես կը բանան իրենց ծածուկ դռները, փոխադարձար ներս առնելու համար մեր մասնիկները:

Սյն ատեն է որ կը ստիպուիմ ճնշել գանկիս երկու կողմերուն: Ու բռնի դառնալ իրականութեան: Այն ատեն է որ անդունդէն դառնալու համար ինքնիրեն, ծունկերուս վրայ ու ծոցիս վրայ մեղմ իր ճընշումով բան մը կը ստուգէ—ապրիլ արդեօք: Բայց ես կ'ունենամ բզզացող մուխը աչքերուս դիմաց որոնք արիւն կը տեսնեն: Բայց ես կ'ունենամ անոր կուրծքին ընդլայնող մղումը որ ինձի կուգայ, բերելով սիրտը, անձանօթ սէրը, կապոյտ կուսութիւնը և զիս կ'ընէ հալած հրդեհ մը, բայց զով ու բարի, հեզուկ ու բարի: Ու կախարդութիւնը անոր լանզքին, որ ներս կը մտնէ իմ հրդեհումէս: Ու յետոյ, իրական զգայութիւնը աղջկան կուրծքին, ատանկ հծծիւնոտ, ատանկ սարսուուն ու այդքան կակուզ:

Ան կը համարձակի իյնաւ մազերուս հետ: Կը գոցէ ու կը բանայ կոպերուս կնճիռները նայուածք թէ

հոգի վինտուելու միտքով: Ու աւելի վճռական, որքան չէ եղած մինչեւ այդ օրը, ան իր կուրծքովը հանգիստ տեղ կ'ունենայ իմ ծոցիս:

Ու մենք մոռցած ենք անդունդն ու մահը: Մոռցած մանաւանդ դաւաճանութիւնը մեր շարժումներուն:

Համբոյր չանցնիր մեր մտքէն: Բայց մեր նայուածքները կը պղտորին իրարու մէջ: Ու կը դողանք շատ թիթեւ, նոյն կոթունէն կախ զոյգ մը ծաղիկներու պէս:

Ու չես գիտեր ինչպէս, չես գիտեր ուրկէ մահուան մտապատկերը կը զատուի իր մշուշոտ շըրջագիծերէն: Ու ծանր, նիւթական ճառագայթումով կը կենայ մեր դէմ: Կը սպասենք: Որո՞ւ, չենք գիտեր:

Աւելի կը սեղմուի կուրծքիս, զիս բարին կապելու չափ ուժով:

Բայց ինձի կուգայ թէ կը հակինք դէպ առաջ: —իջնա՞լ:

Ով էր ըսողը: Անոր աչքերը փակ են բոլորովին: Երեսը՝ արմուկիս աղեղին: Սիրտը սրտիս մօտիկ: Ու աթները կուղպ, Ռով էր ըսողը: Ռով իջնալ: —իջնա՞լ, իրար ուտել: Հատցնել սիրտն ու սէրը: Մեղքին հետ իջնալ փար ու չըլլալ, չըլլալ...

Զարհուրանքով կը լսեմ այս մտածումներուս ըստուերոտ, որուային ծայնը: Ամէն բառ մեռելի պէս կը բուսի գանկիս մէջ, կը թրթուայ իր շարժումը, յետոյ կը մտնէ նորէն լուութեան մէջ: Այնքան յստակ է այս լեզուն:

Ոչ մէկ շշուկ: Անդունդը՝ միշտ լուսաւոր, միշտ ժպտուն, միշտ նոր: Ու անոր ալ յատակէն մեղքերը կը բակուին մեզիպէսներուն:

Ու փոթորիկը: Մոռալ բաղծանքը անվերջ հան-

գիտին։ Ու, արիւնոտ բաղծանքը կուսութեան բաժակին։ Ու զիրկի գիրկի իջնալուն զգլսանքը նորէն որ անցեալին ու ապագային ճամբաները անէութեան մըշուշով մը պիտի լցնէր։

Վէպերու տղայ՝ ես կը դիմանամ։

Բայց սիրալի բան մը կայ սա շրթներուն վրայ, համբոյր չճանչցած սա շրթներուն վրայ որոնք մահը կը հեղեն այդքան բաղցրութեամբ։ Բայց խենդիցնող բան է տեսնել աղջնակ մը որ կը յօժարի յանձնել իր կուսութիւնը մահուան բազուկներուն։

Բուռած է որ տղաքը խելք չեն ունենար։

Կը բանամ աչքերը, մեղմ՝ երազ մը բանալու չափ մեղմ մատներով։

Դլուխը կը բերեմ ուսիս, յետոյ երևսիս։

Ի՞նչ խելօր է ան։

Բայց ի՞նչ բռնկում ափ մը այդ միսին ներքեւ։

Ու, յիմարի պէս, կը վնտուեմ անոր վրայ կնիքը ահաւոր այն ողբերգութեան որ դարերը լցուցած է, առանց մաշնելու։

Բայց անիկա կը կենայ իմ երեսիս, պզտիկ իր զարկովը, անուշ իր կրակովը։

Ու կէս մը զոց իր շրթներէն անոր շունչը որ թեւաւոր, բուրումի փոխուած հեշտանքի մը պէս մահուան կը թափի։

Ու անոր մարմինը նորէն, զենումի պատրաստ երինջի նման պատրաստ կ'ըլլայ գերեզմանը մինչեւ Աստուածած։

Կը քնանա՞յ։

Արեւ, լուսաւոր, ժպտուն, բարի պարապէն։

Ու անոր խորէն տարօրինակ շրշիւնը անտես թեւերու որոնք միջոցը կ'ակօսեն։ Սնոնց՝ որոնց հոգիները

կ'առնեն հէքեաթին մէջ ու կը տանին։ Որոնք չենք տեսած բայց կը գուշակենք։

—Կը լսե՞ս։

Կը բանայ աչքերը, թրթուուն, զարմացած։ Բայց չի փնտուեր։ Ան վեր է հիմա մարդերէն ու մահէն։ Հովն է կ'անցնի իր պզտիկ թեւովը ու վար կը վազէ։ Ոչ մէկ հեծեծանք վարէն, ապաշխարող հոգիներէն որոնք աւանդութեամբ կը սպասեն հոն չեկող հանգիտին։ Ոչ մէկ աղմուկ աղցնւորներէն որոնք սուզուած են անտառին ներսերը։ Ու պարապը կը շարունակէ անշշուկ իր այրումը։

—Ով էր։

Կ'անդրագառնամ։ Աչքերը կը գոցեմ աչքերովս։ Ու կունակէն՝ թեւս կ'ամրանայ աւելի ուժգին։ Մահը գնաց, ինչպէս եկած էր։

Ու կ'անապարեմ։ Անդունդները կիներու կը նըմանին քիչ մը։

Կը հանեմ ոտքի անհուն զգուշութիւնով։

Վերն ենք։

Զի կրնար ետ չնայիլ, կրկին տեսնելու թէ ինչպէս ուրիշներ եկած են հոն, ալ չելլելու համար։

Հեռուէն՝ տղա՛քը, որոնք ձայն ձգած մեզի կը պօռան։

Դժգոհ, կը նայինք պարապ սակառներուն։

Աղցա՞ն։ —Մեղք են խոտերը։

Կը նետենք սակառները անդունդէն։

Ու մեր տեղն անոնք կ'երթան, պահ մը քով քովի ու կը գաղրին երեւնալէ ըլլալէ։ Ու ամէն բան կ'ըլլայ այնպէս ինչպէս էր առաջ։

79—Երբ Պատանի են

Արեւ:

Բայց պղտոր՝ ամպերուն ծոցէն, ինչպէս չփոռւած
գինին որ կը յօրանջէ հնձանին խորէն։ Բայց ուժէ ին-
կած, բայց պաղ մանաւանդ, ինչպէս ծոցը տունմնայ
աղջիկներուն։

Շուքեր, այս անգամ անհուն որոնք բլուրներն ու
լերան մէկ մասը սեւով կը պատնեն։

Գառնուկը, որուն աչքերը նայիլ չունին, ինչպէս
մատնիները որոնց ինկած ըլլայ քարը։

Քուռա՞կը, իր չորս ոտքերուն ի՞նչպէս բեռցու-
ցած այլանդակ դագաղը իր գլուխին։

Պառաւներ, հարսներ, աղջիկներ, մոխիրի գոյնով
մշուշի մը մէջէն։

Պատանի մը որ դալուկ է մեռնելէ եկող մէկու
մը նման։

Աղջնակ մը, որ դալուկ է առագաստ կոխող
հարսի մը նման։

Կիրամուտքը սկսած է։ Ու կիներուն լացը կը կո-
տըրտի գերեզմանէն, որուն մօտիկէն կ'անցնինք։

Սղցանէ դա՞րձ։

— Ինչո՞ւ մեռելէ դարձ կուգաս ինձի։



* *

Դ.

ՎԵՐԴԵՎԵՐ

.....

Ա.

Մեւ է գետինը, փողոցն ի վար, գուներուն առ-
ջեւ ու պատուհաններուն տակովը։ Շեմերու կողքին,
սաքուները՝ խխում, զորին մէջ։

Պատիկներ, երկարած՝ քարերուն վրայ, բաց փո-
րով, սպասելով սափորը անձրեւվաթին։ Հարսներ,
բացուածքէ բացուածք, արագ նայուածքներով։

Բակերէն, մինակ քիթե՞րը պառաւներուն՝ մեծ մեծ,
կիսախուփ դրան մեղերէն։

Ու աղմուկը, ատեն ատեն, պարպուող դոյլերուն,
ու պօռալը թրցուած աղջիկներուն, որոնք կը վազեն
ուրախ, զով լաթերուն խենդութիւնը հօս ու հոն տա-
նելու, տղոցը առջեւէն։

Մենք, վերը, է՞ն վերը, երկուբով, ծովադիր բազ-
մոցի կուշտին, պաշտպանութեանը մէջ հինաւուրց
անկիւնին։

Տունն է պարապ, պառաւէն, որ գերեզման է գա-
ցած լալու և խօսելու քիչ մը, ծնողքէն՝ որոնք բա-
ղաբն են իջած, օժիաը կտրելու հարսնցու Բուբուլին։

Վարդավառ։ Վարը բակին մէջ, երբ անոր գլու-
խէն կը պարպեմ ամբողջ սափորը։ Մանաւանդ տու-
ներէն դուրս, աղբիւրներուն մօտ, ուր հարսները կը
կենան արձակ, ու զոր կը նետեն, երբեմն կրակ, բո-
լոր անոնց որոնց ետեւէն պարմանի երազներ ունեցան։

**

Զուր կայ անոր մազերուն , ցրուած ու պզտիկ ,
ուլունքի նման : Տեղ տեղ ալ սեւ , սեփ սեւ , թաւիշի
մը պէս , որուն հիւսքը զզգուած ըլլայ :

Ու ջուր կայ նորէն անոր այտերուն : Բարակ ու
դալուկ , կարմիրի տալէն : Ու կաթիլներ , խոշոր ու
մանր , վիզին ճերմակէն , կը քալեն գինով դէպի հովիտը
անոր ծիծերուն :

Ու թաց պլուզին տակ , անոր կուրծքը , կակուղ
գիծերով , սեւ մարմարի պէս , որ մատիդ տակը կրակ
կը քերէ :

Ու մերկութիւնը անոր թեւերուն . ճերմակ . սեւ
խողովակէն ծիւնի ժայթքին պէս որ կենար մէկէն :

Անիկա հանած է վիզէն ոսկի շարոցը ու պարպած
բազուկները նշանին օղակներէն :

**

Մեր դէմը լիճը , զարնուած մոյնքով , ոսկի սկու-
տեղ մը , բլուրի ոտքին : Մենք կը յիշենք թարմ մուխի
մը պէս , անոր ափը , մորենիները ու թանձը շուքերը
թաւուտներուն :

Ու այգիները բլուրէն դար վար , արեւին մէջ տըժ-
գունած ծածկոյթի նման : Մենք կը յիշենք անդրանիկի
դեղնութիւնը որ տուներուն կուզիկութիւնը կուզայ
քողելու ու մեր ալ սրտերուն դեղնութիւնը՝ երբ դէմէ-
դէմ իրաբու կ'երթան մեր աչքերը մարդոց վրայէն :

Ու նորէն , ճամբաները , ասկէ ու անկէ , դարձեալ
դեղին ու դեղին : Մենք կը յիշենք անոնց պզտիկ աղ-
բւրներն ու անոնց մեծ ծառերը :

**

Գլուխը տուած բազուկիս , թաց թեւն ալ վիզէս ,
անիկա կը մնայ գրկիս , ինչպէս աչքերուս մէջ , այն-
պէս լուռ , այնպէս մինակ :

Քակած եմ անոր մազերը , խոշոր քուղերով ,
որոնք , պզտիկ պզտիկ կուլան , երբեմն բազուկներէն
դուրս , գետինին վրայ :

Ու կրակ կայ վիզէս ներս , թեւին տակէն զով ու
թարմ կրակ , գգուանքի մը հետ որ ասեղի պէս սիրտդ
կը գտնայ :

Արցունք աչքերուս մէջ , որոնք կը ցաւին , կաբծես
մէկը վար , վար կը քաշէ անոնց գունտերը :

Ամբողջ հրդեհ մը , թաց այդ մարմինէն ,
կը սրբեմ անոր երեմներէն ջուրն ու արցունքը ,
մեղմով , խնայելով գոյներուն ու խնայելով մանաւանդ
անոնց ներքեւ նուազող յուզումին :

Յետոյ կը վերցնեմ անիկա : Կը սեղմեմ սիրտիս
վրայ անոր սիրտը , ճիշտ սիրտը :

Աղմուկ կայ վարը , փողոցէն ուր տղայ մը կը թրջեն :

Աղմուկ կայ տագնապող սրտին մէջ , որ կը զարնէ
լայնցող ու կծկուղ կաթիլի մը պէս :

— Գալ շաբթու հոս չես :

Կը կնամ : Զայնը օտար է ինծի , այնպէս դուրս ,
որ կը զարմանամ : Աւրկի¹⁰ գտայ այդ շեշտը :

Ու անոր աչքէն ներս նայուածք զկայ հիմա : Պա-
րա՛պ , յանկարծօրէն բաժակի մը պէս , որկէ հեղուկը
կը թափին :

Ես չիմ որ աչքերը պիտի նմանցնեմ ծովերուն :
Ինծի կը թուի տեսնել անոր քիքը , որ ետ կուզայ հո-
գիին անդունդէն , գիծ գիծ , փրփուրէն ելլող թուզունի

մը պէս: Ու նայուածք կ'ըլլայ: Որ փախչիլ ուզէ: Որ իյնալ ուզէ: Ու պղտոր ու մշուշոտ բան մը ետքէն, գոցուելով ինքնիրեն:

Կը բանամ կոպերը: Ու անոր աչքը կը նմանի մեծ կաթիլ մը, որ կ'ուռենայ ու կը թթթուայ: Ու անոր աչքը կը նմանի արծաթ կայակի մը, որ լեզու ունենար: Ես տեսեր եմ անոնցմէ՝ մորթուող գառներու գլխուն:

Ու թարթիներէն, իր կարգին, խոշոր խատիկ հատիկ արցունքը որ կը քալէ մեղմ, անտարբեր, իբր թէ անդունդէ չի գար ու կայծակ չըլլար, մշուշէն փրթած ու բիւրեղ դարձած կրակը սիրոյ:

* *

Դաւ շաբթու կը տանին անիկա:

Մազերը թեթեւ շոգիի մը մէջ: Երեսները բռնկած: Կուրծքը թուլօրէն պիրկ: Շրթունքները ամուր կղպած:

Ոն չի տար ու չ'առներ համբոյրը, որմէ կը փախնայ:

Բայց անիկա կը սիրէ այնպէս լուռ, այնպէս մինակ ու միամիտ:

Ոն չի հասկնար տառապանքը ու չի հասկնար մանաւանդ համը շրթներուն:

Ոն կը թողու որ իմ մատները բալեն իր միսերուն վրայէն, որ իմ ափը պառկի իր այտերուն: Ոնիկա կը սիրէ իմ գիրկը աչքերը գոց, աչքերը տուած բազուկիս:

* *

Կտոր կտոր, օր օրի ան տուաւ ինծի իր մարմինէն այնքան որքան ուզեց զրբերու տղու իմ յիմարութիւնը:

Ու այդ նուաճումը քայլ առ քայլ, թիզ թիզ, պա-

ներու մէջ, երբ աղջիկներուն հոգին գրեթէ տեսանելի շլարշի մը պէս տաղաւար կը բանայ անոնց մարմինին, տեղերու մէջ՝ երբ աշխարհէն գիծ ու գոյն կը հոսին, աղջիկներու երազներուն կերպասէն: Ու այդ նուաճումը՝ երբ պատանիները զատկուան խմորին պէս կակուղ կը դառնան աղջիկներու մատին տակ ու անոնց նայուածքը գինիի աղքիւր, պարապ սիրտերուն բաժակին երկարած:

Համ ծեզի թէ անիկա ընկերն է իմ մանկութեան, թէ՝ շատ կանուխ ես ծեզի իմ գեղը, քաղաքներուն աղտին մէջ հացը փնտուելու համար: Թէ՝ ինկեր ու ելեր, խենդեցեր ու խելօրցեր: Ու հիմա, գեղ դարձիս, անիկա հասուն է ու խորունկ, վէպի աղջկան մը պէս:

* *

Ցիմար այս վէպը :

Տասը տարիներ մեզ կը զատեն այն օրէն, երբ անիկա նշանիցին:

Անկէ ասդին: Իմ ուսերուս ես դրի բեռը տասը աշխարհներուն: Ուղեղիս՝ յիմարութիւնը հարիւր դարերուն:

Ոնիկա՞ կամաց կեր է վեր իր ծունկերէն, հետզհետէ յեցուն ու մատղաշ: Հետզհետէ քաղցըրը ու սլացիկ: Ու անոր կուրծքին ինկեր են պղտիկ պարոյրներ, դասական խարիսխով: Ու շիներ է անհակտին տակովը երեսներ, որոնք սիրտ կ'առնեն գիմացէն:

Բայց անիկա, այդ օրերուն, հաւաքեր է մանաւանդ, ինչ որ կիները կը զատէ աշխարհի բոլոր բաներէն: Ան ունի բալելու, նայելու, լսելու իր ծեւը, որուն դէմ անկարելի է խելօք կենալ:

Ու լիմար է մեր վէպը: Անիկա պիտի կարգեն
գալ շաբթու ու մենք դեռ չենք համբուրուած:

* *

Մութ:

Կարդափառը գացած է շատոնց: Ու Բուբուլին
թաց մարմինը յիշատակ մըն է արդէն:

Խոշոր տունին մէջ պառաւը ստուերի մը պէս իր
ազքերուն հաւկուրութիւնը կը պտտցնէ:

Վարը, չորցած սաքուներուն վրայ, վաղուան աշ-
խատանքը՝ դեռ չսկսած՝ կը յոգնի:

Պատուհանէ պատուհան գլուխներ:

Մենք ցորեկուան անկիւնին մէջ:

Լուսին կուգայ պատուհանէն, ծանր ու դեռ
տաք լոյսով մը:

Կը կեցնեմ անիկա այդ թուլիկ փայլին մէջ:

Մազերը կ'ալեւորին, կարմիր իր պլուզը կը տըժ-
գունի ու երեսները կը ճերմըկին, երկնային նրբու-
թեամբ:

Դուրսէն, լեռան ճամբայէն հին սիրերգ մը:

Տզեկ մըն է որ կուլայ:

Ու երգի տղուն նման, գլուխս կուրծքին, ես կ'ու-
զեմ հիմա անոր շրթները:

Լուռ է անիկա, կղպուած նուագարանի մը պէս:
Բայց անոր մարմինին ամէն մէկ թելը պրկուած կը
թուի ինծի:

Կրակ կայ այտերուն վրայ ու կրակ բերնին շուրջը:
Անիկա վախսն ունի խօսքին: Ու բառը ափովը
կ'առնէ կարծես բերանէս:

Կրակ կայ իմ ալ ծեռքերուա:

Անիկա ափովը կ'առնէ կրակը ծեռքերէս:

Ու անոր մարմինը զով է գարնան առտուան մը
պէս: Ու անոր միսերը մեզմ են, հրաշքով կակուղ-
ցած ճերմակ քարերուն նման:

Ու անիկա կը դպի իմ սարսուռիս, պզտիկ իր
խելքովը: Անիկա զիտէ ծեւը, որ Սէրը կը կեցնէ.

* *

Պիտի ծգեմ զինքը, դարձեալ չհամբուրած:

Անիկա պրկող բազուկներէս զիտցաւ ազատիլ:
Ան սիրոյ մեծ խօսքին դէմ գտաւ պզտիկ ու համեստ
բառը:

Մարդ չի յարգեր իր սիրածը:

Մութը կը խելօքնայ տունին մէջ ու տունէն
դուրս:

Պառկած պառաւին ընդհատ հազը՝ տակի սեն-
եակէն:

Սաքուները պարապ, դուռները իրարու բերած
են իրենց թեւերը:

Վար կ'իջնամ կամաց: Մեր քայլերը մէկ կը հըն-
չեն խուլ տախտակին վրայ:

Ու անիկա ափին կոնակովը կը շոյէ ճակատս ու
երեսներս:

Ինչ քիչ է երբեմն համբոյը:

* *

Դուրսը առանձին:

Բան մը զիս վեր կը մղէ: Կը դիմադրեմ: Մինչեւ
երբ:

Զեմ զիտեր:

Գիշեր: Առաջացած ու խելօք:
Կոյր պատուհաններ, տուներուն մութին վրայ,
որը՝ տժգոյն, գորշ մարմարի պէս, որը՝ լոյսով, կար-
ծես նոր դրուած մեռելքար մը ըլլար:

Յատակ է լուսընկան որ փողոց կ'իշիայ, թիւերուն
եզերքէն, կայծկլտուն ու նիհար:

Ոչ մէկ ձայն ու ոչ մէկ հով:

Ու պատանին, բռավիկ ոտքերով, պատերուն շու-
քէն:

Անիկա կը կենայ Բուբուլենց դուռին:

* *

Մէկիկ մէկիկ, ես կը բարձրանամ սանդուխի աչ-
քերէն: Անոնց մէջ կայ խելօքը, որ, ոտքիդ տակը,
գալունապահ իր լութեամբը կը դիմաւորէ սրափդ
տագնապը: Կայ շատախօսը որ պատիկ հպումիդ կը
մղկտայ, գեղի հաւին պէս, ու սիրտդ կը կեցնէ:

Մութ: Բայց բարակցած՝ լոյսով ալեւոր, որ սրա-
հին բացերը ծեւի կը բերէ, բայց տկար է պատերուն
տակով:

Պառաւին դուռը: Կո՛ւզպ, չես հասկնար ինչո՛ւ:

Դարձեալ սանդուխ: Ու նորէն, մէկիկ մէկիկ, գը-
րեթէ խօսելով, ու երեխն աղաչերով տախտակներուն,
ես կը կարձրանամ երկրորդ յարկը: Ծանր բան մը,
գլուխէս մինչեւ ոտքերս, կը ճնշէ վրաս ու ես կը լսեմ
դողը իմ միսերուն:

* *

Բա՛ց, լա՛յն՝ երեսին վրայ, դուռը Բուբուլեն:

Սեմէն, ես կը նայիմ մեծ պատուհանին ուրկէ
վար աւրուած երկինքը կը հեռանայ, եւ ուրկէ ներս

լոյսը կուգայ տժգոյն ու նիհար: Պատերը՝ ճերմկած
կիրով, ու անոնցմէ կախ առարկաները՝ մատիտով
գծուած:

Տախտակամածին, անկողինը, անգոյն ու տծեւ:

Ու կը կենամ: Տունը, ինքն իր մէջ կը զարնէ,
անհուն զանգակի մը պէս, որ լեզու չունենար:

Ու այդ լութեան վրայ աներեւոյթ ծաղիկի մը
պէս, անոր շունչը, որ կը բացուի ու կը գոցուի, այն-
պէս խելօք, միօրինակ, կարծես թէ չանցնէր սրտի
մը քովէն:

Ծունկի, բարձին առջեւ:

Ու կէս մութին մէջ, անոր երեսը թեթեւ լոյս
կուտայ: Ու կէս մութին մէջ, անոր թեւերը, վերմա-
կէն դուրս, միծ ու տարօրինակ ծաղիկներու կը նը-
մանին: Ու խորհուրդը ճերմակ երիզով բաժնուած
կուրծրին:

Քո՞ն: Բայց այսքան խելօ՛ք՝ քունը հարսնցու աղ-
ջիկներուն, երբ տղոցը ուղեղէն հրդեհը կը վազէ աղ-
ջիկներուն:

* *

Ափս կը բանամ, երեսին վրայ, շատ կամաց,
կարծես հոգի փռելու նման: Մեղմ կրակ մը կայ, խե-
լօք ու միօրինակ: Մաղմաղ ըսերս կուգայ:

Պատուհանին միծ ա՛սող մը, որ կը թըթռայ ու
աչքի մը վախսը կը բերէ ինծի: Կարելի է մտիկ ընել
լութիւնը որ, տունին մէջ, կամաց ու խոր, կը կոտ-
տայ,

—Բուբո՞ւլ:

Զայն ըլլալէ աւելի հեւք մը, ականջին դուռէն,
դէպի անոր հոգին: Հեւք մը, բայց կրակէ գիրերով:
ինծի կը թուի տեսնել անոր գալարումը դէպի ներս:
Ու կը սպասի: Ափէս կարմրած թել մը կը պրկեն:
Ու անոր այտերը կրակ են առած:

—Բուբուլ:

Ես կը լսեմ բառը, որ կ'ելէ ինձմէ ու կը վարանի: Որ կը դողդղայ: Անիկա չտեսնուող աղջիկն է որ կը բխի հոգիէս ու մարմինը կը փնտռէ:

Բայց աղջիկը կը քնանայ: Բարի ու խելօք: Ընելիք չունեցող պառաւ մը ըլլար:

—Բուբուլ:

Կը ցնցուի: Կը բռնեմ շրթները ու կը խօսիմ շատ կամաց:

Բայց անիկա նստած է արդէն, բարձի եզերքին ու կը նմանի անդրիի մը որ մէկէն կը բխի հողէն ու կեանք կը հագնի:

Ու զ՞ո՞ղ կը դողայ: Ու ակռաները իրարու կուգան, հակառակ իր կամքին: Ու կապ է յեզուն:

Դուրսէն, խենդ ամազ մը որ ծեւ կը փոխէ:

Պատուհանէն, ծաղկամանը, որ ճիւղեր կը շարժէ:

Ու աղջիկը կը թրթուայ, բազուկներուս մէջ, երգեհոնի կտորի մը պէս: Ու աղջիկը կը թրթուայ, ծունկերուս գրայ, կրակին դէմ բռնուած ծաղիկի մը պէս:

Կապ, կապ է յեզուն:

* *

Կ'առնեմ անոր վիզէն ոսկիներուն շղթան ու կը նետեմ բարձին տակ: Ու տաքը կ'երկննայ, մատներուս ծայրին, անոր ծիծերէն:

Մանր ու խելօքիկ: Բայց տառապի գիտեն, մատներուս ներքեւ, նման սրտերու որոնք դուրս նայիլ ու զեն:

Ան կուլայ, կծկուած կուշտիս, երբ բարձը քիչ քիչ վար կ'առնէ անոր իրանը: Ու ամէն շարժումի, անոր մարմինէն, հո՛տը, որ գաղջ մշուշի պէս կը փաթթէ

դէմքդ: Միսին այդ հոտը, ճիշտ ինչպէս կուտայ ճըմլուող ծաղիկը:

Բայց խելօք է անիկա: Խելօք՝ երբ բան մը ներսէս կը ծեծէ ինձի, ուժով, շատ ուժով, ոսկորներս իրարմէ քակելու չափ ուժով: Երբ գանկիս տակ մէկը մուրճով կը զարնէ անոր պատերուն ու բռնկած աղեղներու պէս շրթունքներս կը նստին բերնիս:

* *

Ու անիկա հարս կ'ըլլայ, լուսնկայ լուսով, իր բարձին վրայ: Անոր գլխուն, մեղմ բառերով, ևս կ'ըսեմ բոլոր գովիքերը որ աղջիկները պիտի երգեն, անոր քողը ուրած ատեն:

Ու լուսնկայ լուսով, կարծես ծին հեծած, փեսին ետեւէն, կը շտկի դէպի ժամ: Ու կը պսակուի:

Ես անիկա կը դարձնեմ տուն, ոչ այս տունը: Ու կ'աւարտեմ հարսնիքը, լուսնկայ լուսով, կամաց բառերով:

Ու անոր հոգին կը տանիմ ծոցի գիշերին:

* *

Լոյսը լաւ է ալ: Ամպերը մեռած: Կարելի է զըրեթէ տեսնել անոր անուշիկ դէմքը որ թեւիս կը կործի ու արցունքը, որ տաք տաք կ'անցնի միսերուս:

Ան միշտ չի խօսիր: Բայց մատները յեզուներու պէս զգուանը կը կարդան: Բայց մարմինը դպած տեղը կսկիծ կը բերէ:

Ու անիկա անսպաշտան է միսովն ու հոգիովը:

* *

—Մեղք է ինծի:

Ո՞վ ըսաւ: Անոր զթները գոց են, ինչպէս ամիսներ առաջ: Ո՞ւրկէ գտաւ այս շեշտը:

Բայց ինծի կուգայ թէ գրկիս մէջ կծկուած այդ մարմինը կը թեթեւնայ քիչիկ, քիչիկ: Անոր երեսները կը վատին լոյսով մը որ մեր աշխարհէն չէ: Ու անոր աչքերը կը մեծնան. կը մեծնան, ու կը խորունկնան ու կը ծովանան:

Ու կը կարծեմ տեսնել հէքեաթին Աստուածուհին, ա՞ն, որ կուսութիւնները կը պաշտպանէ ու կը հսկէ աղջիկներու առագաստին:

Վարդավառի գիշերն է ասիկա:

Ու, մեր հէքեաթին մէջ, մատղաշ աստուածուհի մըն է, թուբուլին տարիքէն, որ հարսներու շուքէն կը մտնէ ծոցին սենեակը ու խորհուրդը կը լուսաւորէ:

Բայց անոր մատները կը գրեն, ճակատագրին գիշերէն:

Բայց անոր մատները կը կախեն, տանիքին գերաններէն, անտառը չուաններուն որոնց օղակէն աղջիկներ ճօնեցան:

Բայց անոր ոտքերը կը փորեն ահաւոր գլանները հորերուն երկրին սրտին մէջ, որոնց խորքին, վիրաւոր, արիւնոտ կոյսեր, գալարուած իրենց մէջքերուն վրայ, կը սպասեն չեկող հանգիստին:

Ու անոր թեւաբախումէն կը բխի սրտառուչ ու եղերական կարաւանը խաբուած աղջիկներուն, անոնց՝ որ քողքը երեսնուն, լճակ քալեցին, իրենց մեղքը ալիքներուն յանձնելու:

Ու բառ չբացած, նոյնիսկ չհամբուրած, ես կը դնեմ աղջիկը բարձին ու կը նետուիմ դուր:

* *

Ու Աստուածուհին առած է բեռը իմ ոտներուս ու զսպած տախտակներուն լեզուն:

Տունէն դուրս: Փողոցէն դուրս. Պարտէզներուն մէջ: Ան կը հետեւի ինծի, մատղաշ, բարի, ճիշտ բուքուլին պէս:

Ու անիկա կը համբուրէ պատանի վճիտութիւնը իմ աչքերուն:

Ու անիկա կը համբուրէ քաղցր ու յստակ կրակը իմ շրթներուն:

Բայց անիկա հոգիս դուրս կը հանէ ինծմէ ու կը փաթթուի անոր, երկար, ուժով ու խանդագին:

Ու կը համբուրէ բարութիւնը իմ հոգին:

* *

Վարդավառ:

Գիշերը կը լուսնայ: Աստուածները կը քաշուին իրենց անկիւնները:

Աղջիկները կ'արթննան չայցելուած գիշերներէն: Թուբուլը բաց ճակատով աղբիւրը կ'երթայ:

Պատանին:

Թող անիկա վագէ անտառ: Թող կանէ Աստուածուհին ու երկարի անոր համբոյրին:

* *

Երանի անոնց, որոնք երազը համբուրեցին:



Ա.

Դ Է Ր Զ Ը

Է.

Օրն է կիրակի:

Տաղաւար: Բայց՝ ամառուան, հաստատ ամառուան, երբ աշխատանքը քեզ վար կը դնէ, դա՛շտը, գործիդ գլուխը: Որ կուզայ առանց արարողութեան, թեթեւ ոտքերով. ծանօթ, ընտանի հիւրի մը նման, ու, խելօք՝ կը քաշուի կրկին: Տաղաւար: Բայց տուներէն ներս հազիւ կը զգացո՞ի: Ու դուրսը: — Նոյն իսկ պար չկայ:

Կոչնակ: Երդիքէ երդիք համաչափ քալողու վեր բարձրացող: Որ կը տարածուի, ափ ափ՝ զարգացուն՝ բարախման նման, դէպի դաշտերը բարակ, հիւսուած ամպերուն: Որ, նեղ ու փրթուկ բան մը կը դառնայ սա թաղերն ի վար, վիրաւորուելով իջնող տանիքներէն, կոյր պատուհանէն ու հին պատերուն, կոչկոռ պատերուն կնճիռներէն: Առատ ու անխելք այդ համերին: Որ մերթ կը կոտրի՝ կշռոյթին վրայ, երբ հեռուն, զանգակատան տակը, մատը կը փոխուի ծերուկ ժամկոյին: Բայց սա առտուանցով շատախօս քարո՛զ, որ պօռպօռալէն կ'ըսէ ու կ'ըսէ առանց որ սաքուներէն խեղանդամ ծերեր գտակ վիրցնեն. կամ պզտիկ տղաք ետ կինան քիչ մը իրենց խաղերէն ու խաչ մը հանեն,

Կիներ: Բոլորն ալ դուրսը: Դուռներուն առջին,

խօսելով երբեմն իրար ականջին: Երբեմն ալ լոի՛կ: ու ծունկ կոտրելով պտուկներուն դէմ, համտեսի համար: Ու խուփերուն (հողէ կափարիչ պտուկներու) հարթ կատարներէն, աւելի ճիշդը անգլուխ վիզերէն կայ ու կայ մշո՛ւշը՝ իր կաթէ սոյլովը:

Ու տղաք: Քիչ մը ամէն զի: Օճախներուն տակ, փողոցին վրայ, երբ ծուկ կը խորովին: Իրենց մօր փէշին՝ լայն լա՛ցը հինած արտեւաններուն սեւուիկ սանտրէն: Աւրիշներ՝ կաթը ծծելով: Տղաք, քիչ մը ամէն տեղ, նոյնիսկ դուռներուն աղխերէն կապուած էշերու ոտքին: Ու անոնց աղմուկը, առատ ու անխելք:

Ու ծերունիներ: Կոտրած են անոնց սրունքներուն կապերը: Կամ՝ պարպուած անոնց իլիխները: Անոնք իրենց գլիաթէ մահիմներուն վրայ կը դիզեն այդպէս իրենց մեղերն ու դատապարտուած ոսկորները:

Ու պառաւնե՛ր, ծեծուած, թմթրկած իրենց միսերովը: Որոնց կզպուած է աչքերուն տունը: Որոնք, իրենց քիթերը, մանաւանդ ականջները կը նստեցնեն այդպէս ծերերուն քովիկ, երբեմն կուշտին ու կը նային լուռ, յօնքով ու մորթով:

Տաղաւար առտու: Տունէն դէպի դուրս, դէպի փողոց:

Հո՛տը սոխրածին (այրած իւղ սոխով, աննուխով) որ կը պտտի: — Տօնական բուրո՛ւմ որով կ'օրհնուին բակերը մարտոց ու սենեակները. ու նոյն ատեն ալ քիթերը՝ անասուններուն:

Ցուգուած է թաղը, բարի եւ անուշ, բարի եւ թեթեւ ուրախ սարսուով: Ու հարս ու հարսնիք: Տղածգան կիներ: Ու նշանուողներ: Երկու ալ մեռել, մեծ, պայծառ մահով:

Օրն է Աստուածած: Հոտով, արեւով ու քաղցրու-
79—երբ Պատանի են

թիւնով հիւսուած այդ առտո՞ւն: Բայց մանաւանդ Դարձի կիրակին՝ մեր նոր հարսներուն:

* *

Բուբուլենց դուռը:

Մեծ, շատ մեծ պտուկը: Տաղաւարներու ու լայն օրերու բազմող պտուկը: Սնիկա կը սուլէ ուժով, երբ բոցին մշուշը կը քողէ անոր երջանիկ փորը: Մէջը կը դառնայ Պուտապուտուկին հետ (հաւու անուն) կարմիր Աքլորը. անիկա՝ որ պօռալ գիտէր, ականակուռ իր գալարափողովը, ուրիշներէն աւելի աղուոր, ու գիտէր մանաւանդ նայիլ աջ ու ձախ, աղջիկի աչքով:

Մայրը: Նոր է լաչակը: Յունապի գոյսովք: Որ ծալքին զիծերը կը տանի թուշին՝ համեստ հանգոյցով: Մէջքին՝ շալ գօտի, Պրուսայէն գնուած ու ոսկեհամուկ: Ու կը վառի, փառ փառ, նոր պարեգօտը վերէն վար մետաքս:

Մայրը: Աղջնակը հարս հանող ու անոր Դարձին հիմա սպասող բարի կնկուկը: Երեսի ջուրով՝ թանկազին աւանդը տիրոջը յանձնող, անազարտ յանձնող մայրը մեր աղջիկներուն: Որ կը հագուի ոսկի ու բևեռ սա վերջին ահգամը: Ու ալ չխոյսուող, մինչեւ գերեզմանէն ներս ընկերացող սեւէն առաջ՝ վերջին հեղ մըն ալ՝ յունապի լաչակ կը հանգչեցնէ իրեն մազերուն, Աշխարհն աւարտած, որ քիչ ատմենէն ալ ճամբայ կ'ելլայ դէպի ծերութիւն ու դէպի երկինք:

Մայրը: Անոր նայուածքը չի կրնար կինալ շուրջի երերուն ու կը վազէ վար, թաղին բերանին: Ուրիէ՛ պիտի գայ հիմա, հա՛րս իր աղջիկը, աղուոր Բուբուլը, ոսկի աղջիկը՝ խեղճուկ մեր թաղին:

Վերէն, կոչնակը: Առատ ու յիմար: Որ խենդու-

թենէն ծափ կը զարնէ, Ու կը թափէ վար դոյլ դոյլ՝ քիչ մը թրթռում ու գինովութիւն:

Մօտէն, Ծաղիկը: Տարուընակ հարսնուկ: Ան՝ որ կը նայի ծերուկ իր մարդուն գլխուն վրայէն, պատանիներուն, թաց թաց աչքերով ու գաղտուկ կը խընդայ ինքն ալ չգիտցած թէ ինչու համար:

Ուսկո՛ւկը: Տասնըութամեայ: Կուրծքին մանուկ կայ: Ան՝ որ խօսուեցաւ իր աղջիկնութեան: Որուն նըշանը գնաց ու եկաւ: Որ փողոց յինկաւ Ծոցին գիշերը (առազաստի գիշեր) երբ մութին մէջէն կը սպասէր ատոր հազարալերու ծեր Բամբասանքը:

Ուզտ Աննա՛ն: Դեփ դեղին, մազով ու մորթով: Ու չոր ու երկան: Ան՝ որ երկւորեակ բերաւ իրար ետեւէ երկու անգամներ:

Ու քոքուրը թաղին, Թումարիկը: Ան՝ որ յիսուն տարի կայ, Սատըծոյ օրը դեռ կը կարգուի մարդոց բերնին մէջ ու չի բաժնուիր գալիք կնիկէն, տղոց երացէն:

Ու ես, թաղին պատանին: Նիհար ու հիւանդ՝ թաղին պատանին: Ան՝ որ բարակ կը նայի ու ներս կը նայի: Որ մեծցաւ ատանկ, որբին պէս մինակ, որբին պէս բարակ՝ բարերուն վրայ, դուռներուն առջին, չոր ցամաք հացով: Բայց կրցաւ կարդալ պտուկներուն երգը ու աշխարհին խոճմտանքը: Որ գնաց յետոյ շատ հեռու տեղեր, բաղար ու վանքեր: Ու գեղին դարձաւ, բակուած, բայբայուած:

Ու մենք ամէնքս կը սպասենք Անոր: Բայց մենք ոչինչ կ'ըսենք:

Առատ ու անողոր կոչնակը որ միջոցին սիրտը ատանկ փերթ փերթ կը բըզեկտէ ու չի կշուանար:

Պատիկ ու մեծ բոցերը, որոնք պտուկներուն ներ-

բեւ — երթեմն խմբերգ , երթեմն ալ հատ-հատ — կը բաբախեն :

Ու մեր կուրծքերուն տակ մեր ալ սիրտերը : Որոնք իրենց դողերը կը զարնեն , ամէն մէկը իր հաշիւներով:

* *

Ու կը փրթի ան , փողոցին մուտքէն .

Մայրը : Կը խօսի սառած , առանց զիտնալու : Զեւքով , մարմինով . կամ արծանին պէս պաղ պաղ կենալով : Ան ունի բառեր , կը գտնէ բառեր , շատոնց մուցուած բայց նորէն բլիսող : Ու կ'ըսէ՛ ատոնք , առանց զիտնալու , առանց ուզելու : Ընելով այդպէս հասուկ աղջիկը՝ օրանի տղայ . հարս իր աղջիկը՝ նոր թեւով վառեակ : Ու բառերը կ'երթան եկող աղջկան այնպէս անուշիկ ու այնպէս վայրող : Ու պատրանք կուզայ իմ ականջներուն :

Ու դեռ կը խօսի զուրէ բառերով , որոնք ով գիտէ ուրկէ կը սորվին մեր հոգիները :

Բա՛ց , բաց բոլոր պատուհանները : Ու կիներ անոնց մէջերէն : Անոնք գլուխ կը կախեն , ժպիտ կը կախեն : Գովիստ ու համբոյր ու բեռնով օրհնենք կը կախեն անոր երեսէն , կուրծքէն , մազերէն :

Ու անիկա կը քալէ հանդարտ , նայուածքը առջին , նայուածքը չորս դին : Ու կը պագնէ ան կարմիր ու բարակ իր ժպիտովը ծերերուն ծեռքէն : Ու կը պագնէ ան ոսկի ու բարակ իր ծայնիկովը կոյրերուն ծեռքէն :

Ու ան կը քալէ , զլխու հակումով , բաղցր շիկնումով , երիտասարդներուն եւ այրերուն առջեւէն :

Ու կը մօտենայ :

Քօ՛ղը : Ոչ՝ հարսնիքինը , որ կարմիր պատանքի պէս իջաւ իր վրան ու տարաւ զինքը :

Քօ՛ղը : Հարսին քօղը , երբ անիկա իր առաջին դարձը կ'ընէ մէրանցը (մօրը) տունը : Ան՝ որ մազերուն գագաթը կը թառի , շղարշի փոխուած հովի մը նման : Որ թեւ կը բանայ աշէն ու ծախէն , ու , սրտի մը պէս , ինք իր ծալքերուն գալար կ'ոլորէ : Որ թոյլ , կը կախուի բունքերէն դարգար , արիւնով հիւսուած երազի մը պէս , համբոյրի մը պէս : Ան՝ որ պզտիկ խորան մը կ'ընէ հարսներուն գէմքը ու վարդ կը մաղէ անոնց այտերուն :

... Ու կ'իյնայ անիկա մօրը թեւերուն :

* *

Բա՛ց :

—Պտուկին ներքեւ ան հաւաքած է ինքինքը : Ու աւելի խելօր է հիմաւ Խուփին կատարէն կաթին թեւլ'կը որ վար կը կործի հեւքով մեռնելու : Կոչնա՛կը լուած :

Բայց իմ սի՞րուը .

—Անիկա ելած է , զեր դէպի իմ կոկորդը : Կը տեսնեմ ներսէս բաբախուն ճնշումը իր կաղապարին , գունոտի պէս կակուղ , որ նեղնար վարէն : Ու կը լսեմ ալ թէ ի՞նչ կը բանի : Անիկա , հատ հատ , (կաթիլ կաթիլ ըսկը կուզայ) բաներ կ'ոլորէ անկէ դէպի վար : Բաներ՝ որոնք մէկիկ մէկիկ կ'իյնան պարպուած կուրծքիս ու կրակ կ'ըլլան որ այրէր մէկէն բայց չիատցնէր : Բաներ՝ որոնք փլչող կաթիներու պէս նորէն կը շինուին ու կը քալեն ներս միսիս բոլոր ճամբաներէն : Ու ցաւը , բեկբեկուն երիզի մը պէս , կը լուսաւորէ անոնց գնացքը :

Մաղմաղ այդ կիզումը կը խորովէ բայց չի մեռցներ:

Ու կը պտտին։ Ու կը թաւալին կայլակ առ կայլակ։ Ու անոնց այրուցը կը բանայ լոյսը այդ բունկումին որ կը դուռայ լուռ՝ մութերռուն վրայ լրուած վանդակին, նախանձող սրտին։ Ու կը պտտին ու կուզուին դուրս։

Դուրս։ Աչքերուս՝ ուրկէ ոսկեհուռ վարագոյրի մը պէս կը կախուին մեղմով։

Երեսներուս, ուր կը տարածուին, ինչպէս արեան անձրեւ մը դալկացած ջուրի կտորի մը վրայ։

Իմ սիրտը։

Բայց անիկա ելած է վեր, անցած կոկորդէս ու հասած գանկիս։ Ջեզի պատահած է զգալ ատիկա։

— Անիկա նստեր է արդէն ուղեղիս կեղլոնը, բանաստեղծին սարդին նման որ թաթ չունենար. Եւ որուն թունաւոր փորը հեշտով ընկդմէր հեղուկ լոյսին մէջ ու սեւ քար դառնար։ Կամ, դուք տեսած էք պզտիկ կանթեղ մը, իր բոցին աղուոր առագաստովը ուր կապար գնդակ մը իյնար մէկէն . . .

... Ու, սի՛ւ, սի՛ւ՝ ամէ՛ն բան։

Կը զարհուրիմ, Ո՞ւր հմ, Ա՞վ է։

Բայց Բուբուլն է անիկա։ Ան՝ զոր ունեցայ այնքան անգամներ, իմ բազուկներուս, այնպէս նուազուն ու այնպէս անուշ, Ան՝ որուն մարմինը թիզովս եմ չափեր ու մատ մատ ճանչեր։ Ան՝ որուն շրթներէն շիներ եմ ես կեռասի հատիկ, կարմրուկ շաբար կամ մեծ գոհարներ, յաճախ սա իմ մատներով երբոր գիրկ գիրկի կուլայինք կամաց, իրար լզելէն, կամ կը խնդայինք։ Ան . . .

Բայց վերջ չունին այս էջերը։

Ու հիմա։

Ինչո՞ւ այս մութը իմ մազերուս տակ։ Ինչո՞ւ այս շարժը որ ոսկորներս կը թօթուէ։ Ինչո՞ւ ընկլմելու շատ որոշ սա զգայութիւնը, իմ մէջ, զուրերէն այնքան հեռու, երբ գետինը հաստ է իմ ներքեւ ու քովս ալ մարդեր . . . Ու ինչո՞ւ կ'առնեն զիս, ու կը քաշքըշին ու կը տանին, կը տանին . . .

Բայց ո՞ւր կը տանին։

. . . Արեւը հաստ է հիմա, նման ջուրի մը որ ներկած ըլլան։ Անոր մէջէն կը լողան ծեւերը ոտքի հարսներուն։ Ու անոր մէջէն նորէն կը բուսնին ծեւերը անցած օրերուն։

Ու կը զայրանամ։ Ո՞վ կը դրկէ այդ պատկերները, ինչո՞ւ մանաւանդ, ինչո՞ւ յամառին։ Ինչո՞ւ կը կենան անոր երեսին ու շրթունքներուն։ Ալեկոծ կուրծքին ու գոց միսերուն։

. . . Ան կը պագտուի հարսնուկներուն հետ ու հարսներուն հետ։

Կոնակս պատին—քիչ մը շատ ուժով—(ո՞ւրկէ կը վախնամ ես ալ չեմ գիտեր) մտքովս կ'իյնամ անոր չբացուած, յիմար բերանին։ Անոր բարակուկ, կրակ շրթներուն որ վախցաւ բանալ այնքան մամիսներ։ Ան չէր համբուրած։

Հիմա։ Երբ ան կը փաթթէ իր բազուկներովը կուրծք ու կռնակներ, այդպէս փափկութեամբ, ու այդպէս մեղմով, մէկը կը հրէ զիս, (ուսերուս կը զգամ այդ թաթերուն բերը) ու կը նետէ միւսին սենեակը ուր անոր կուղալ բերանը բացուիլ է սորվեր։

Ի՞նչ ծանր է պահը, Պատկերը՝ վայրագ, երկաթով կախուած հոգուս խորանին։ Ու արիւն կուգայ գամերուն ճեղքէն։ Ու կը խղդուիմ։ Բայց գետինը

կայ մատներուս շփումին առջեւ։ Յետոյ, տուները պղտոր կուգան ու կը դողդղան։ Ու փողոցը կակուղ շարժուն բան մը կը դառնայ որ ծփար արագ։ Ու կը խեղդուիմ։ Կը գոցեմ աչքերս։

Ու այն ատեն, ուղեղիս մէջէն կապարէ գունդը, քարցած սեւ սարդը—իմ լիմար սիրտը—վրաս կը կործի, շրջող գաւաթի մը պէս, հալած այս անգամ . . .

. . . Ինչպէս քովս է ան, Ե՞րբ,

Զեռք կուտայ ինծի։

Ինձմէ կ'երկարի շատ ուրիշ բան մը, շատ օտար բան մը, դէպի՛ շատ հեռուն, (ինծի անանկ կուգայ) անոր մատներուն։ Ու կը զարմանամ ինչպէս կը շարժին իմ բազուկները, ես որ կը վախնամ թէ փրթին պիտի։

Բայց ո՞չ, Երկու ափերը կը ճանչնան իրար. կը ճանչնան արագ, իրարու պլուող կայծակներու պէս։

Բան մը կը զարնէ փակ այդ հիւսքին տակ։ Ու ի՞նչ խոշոր ալ զարկ։ Ի՞նչպէս չեն լսեր, Նորէն կը նայիմ շուրջիս։

Մայրը կը խնդայ բարի աչքերով։ Հարսները կը խնդան հոսկէ ու հոնկէ, Արեւը անշարժ է, ինչպէս մեծ աւագան մը զոր տուները կը բանտեն։

Ու ափիս մէջ զարկը կը լայննայ։

Իրա՞ւ չեն լսեր, Անոնք չեն զիտեր թէ մեր ափերը՝ երես երեսի դրուած սրտերուն նման, կը պօռան ու կը պօռան։

Վախէս, կը թողում մատները։

Ու անիկա կը մնայ, այնպէս շուարուն, առանց գիտնալու թէ ուր պէտք է դառնալ։

. . . Ի՞նչ խեղճ է կեանքը, Ի՞նչ խեղճ մանաւանդ սիրտը պատանիներուն։

Կեցած է առջիս, ինքնիրմէն ելած, օդին մէջ առկախ։

Ինձմէ ներս, սեւի ու կապարի վայրագ պատկերը որ չէ քակուած դեռ։

Ինձմէ դուրս՝ միայն անիկա։

Աչքերը հեռուն՝ լարուած է անիկա դէպի իր հոգին բիւրաւոր թելերովը իր մարմինին։ Բայց կ'երկարի ինծի անոր հոգին — թափանցիկ ստուեր, որ կ'ուտայնանայ ու կը շղարշէ իմ ներսը։

Որքան կ'ուզեմ որ ամէն բան փլի իմ շուրջը։ Որ սա տուները լիսկին ու սմբին հովէն զարնուած սունկերու նման։ Որ սա հարսները չորսան ու սեւնան ինչպէս բոցերուն նեստուած ծաղիկները։ Որ չքանան սա տղաբը, մըզիւններու պէս, մեծ զուրի մը տակ։ Ու մնանք մինակ, անիկա ու ես։ Ես ու անիկա սա քարնալիք աշխարհին վրայ։

Ի՞նչ խիտ է պահը։ Որքան տարիներ կ'ելին ու կ'իյնան երկու քայլ անդին անոր մարմինէն — սրբազան տեսիլը հիմա ցաթած հոն, Որքան տարիներ որոնք ատենը չունիս թարթիիդ հետ անգամ չափելու։

. . . Ու մանուկ է ան . . . Ու պզտիկ աղջիկ, վեց եօթ տարեկան, երբ աեղ ունեցաւ իմ հոգիիս մէջ։ Ու նշանուեցաւ, առաջին գամը միսած իմ սրտին։ Ու թոյնըանուշ լեղի այդ անցեալին որ կերաւ մէջէս։

Հարսնցու է ան, եօթ ամիս առաջ երբ գեղ կը դառնամ։ Ու օտարացած։ Բայց ես կը բռնիմ անոր թեւերէն, երկրորդ օրէն իսկ, երբ կը հանդիպիմ իրեն տունին մէջ, ու կը հարցնեմ

— Բուրբուլ։

Ան չի հասկնար։ Կը նայի վախցած ու փախչիլ կ'ուզէ։

Յիմար պատմութիւն։ Ու շաբթէ շաբաթ ան ինծի կը յանձնէ իր միսերէն պգտիկ կտորներ, նշխարքի նման, ետ կ'առնեմ սիրող, ամիսը չանցած։ Ու իրարու դաքձը՝ խենդ ու արցունքու, անյօյս ու եղերական։ Ու ահաւոր շաբաթը անոր հարսնիքին, այնքան երկար ու այնքան կարմիր, Սյն ատեն կը հասկնամ թէ օրերը տարի կ'ըլլան երթեմն։ Ու զիշերներ ու ցերեկներ... Մինակ արցունքներ... ու մարդոց առջեւ շուար մնալներ... պուտ պուտ տառապիլ, չկընալ հատնիլ...

— Ասոնք բոլորը ու մէկ վայրկեանին, իրարու մէջէն, իրար հրելով, կուգան իմ վրաս, փրթելով անկէ, ինչպէս զիծերը քայլայուղ ասուպներուն։

Ու խիտ է պահր։ Ապրիլ այս ամէնր, Այո՛, Բայց՝ ո՛չ ուղեղէդ ո՛ւր, նախանձին սարդը իր թոյնը կը հեղու պատկիրներու դերձանին վրայ։ Բայց՝ ո՛չ ալ սըրտէդ՝ որոնն տեղը չես կրնար ճշգել, այնքան մարմինիդ միւս մասերը նման են անոր։ Ապրիլ այս ամէնը՝ նոյնիսկ եղունգներովդ ու մազերովդ, ճակտիդ գիծերովը ու ափիդ խոնաւ զորերով։ Ապրիլ դորսէն։ Ինքինքդ բաժնած։ Ու տալ նախանձին, անոր բոցերուն՝ ինչ որ ունեցար քու մէջդ ազնիւ ու աստուածային։ Ու տալ նախանձին ինչ որ կրցար ազատել այնքան զրկանքէն, որբութիւններէն։ Ու նետել անոր թէ հպարտութիւն, թէ հին քաղցրութիւն...

Կը սեղմեմ ակւաս։

Պա՞տն է, կը դողայ, հաստ ու սպառած, թէ իմ կոնակը։

...Կը դառնամ ինծի։ Կոկորդէս, գանկէս ինկած է գունտին կծիկը։ Քիմիքս՝ մեղմացած է բարկ ասզընտուքը որ արցունք կ'ուզէ գուլնալու համար։ Որմէ

կը վախնամ մանաւանդ հիմա այսքան մարդերու առջեւ։ Գացած է լացն ալ զոր վոնտելու համար ծնոտներս ծամեցի։

Դէմս է անիկա, ինչպէս քիչ առաջ։ Քօղը կը բացուի — անոր մատներո՞վը թէ հովին բերանովը — ու գուրս կը հանէ ծեւը մազերուն, երեսներն ամբողջ։ Ողո՞րկ, թա՛ց, տաք այդքան դիմացէն, ինչպէս արիւնը որ պաստառ դառնայ։ Մէկը կը հրէ կրկին դէպի վեր իմ ծեռքը, բռնելու համար մաղմաղ կրակը անոր այտերուն։ Կընամ կեցնել։

Բայց չի կայ անոր նայուածքը։

Որո՞ւ կը նայի այդպէս դէպի ներս։

Որո՞ւ կը խօսի այդպէս կլուած, ակռաները պինդ, գիծերը ծգտուն։

...Այս։ Իյնայ պիտի։ Իյնայ պիտի։ Ինչպէս կ'երերան աչքին գունտերը։ Ինչպէս ալ սրագ կը շատնայ անոնց ներմակը։ Ո՞ւր զնաց բիբր նայուածքին զմրուխտ, մանրիկ օղակը։ Որքան դալկացած շրթները որոնք գոյն կուտան հեւ քով ու կը կապուտնան։

Ու կը տանին անիկա, նկուն, զախչախուած հարսներուն մօտիկ, մարելու վրայ։

— Սրտառոք, (*) կը ծայնէ պառաւ մը կամաց։

Խեղճ է պառաւը, ինչպէս իր գիտութիւնը։

Արեւը իշած է հանդարտ ու ամբողջ։ Ու անոր բեհեզդին մէջէն նոր բան մը կ'իյնայ հարսներու ուսին ու երեսներուն։ Ու կը հարսնանան, կրկին ու լոին, ըսելս կուգայ։

Ու անիկա շրջապատուած անոնցմէ։ Զուր կայ երեսին, ու թաց՝ մազերուն։ Ժողված են քօղը որ,

(*) Սրտառոք (յղութեան առաջին շրջանին յուզեալ վիճակը)։

այդպէս ամփոփուած, դուրս կը ծգէ կաղապարը անոր կուրծքին:

Գեղացի աղջիկ: Ո՞վ քու ստինքներդ ըրաւ այդքան անուն երբ քանի մը շաբաթ առաջ ափերուս մէջ կ'ամփոփուէին մեծկակ հաւ կիթներու պէս: Ո՞վ առաւ կողերուդ քովէն աւելորդ այն միսը, որուն չեմ խորհած երբ դեռ հարս չէիր ու չէիր հազուեր: Ո՞վ նեղցուց քու մէջքդ ու լայնցուց քու կոնքերդ ու մէկ օրէն միւսը քեզ փոխեց այսպէս: Երեւան հանելով քու գոց ծեւերուդ սա կախարդ չէնքը:

Ու միւս տունը մէկէն, անդիմադրելի ու եղերական:

Ականջ կը կախեմ ես ինծի, դէպի ներս:
Ճաւ:

— Զի կայ: Զի կայ հոն այն՝ սուր, կտրող ու անցնող բանը որուն ներքեւ միսերդ կը պրկուին ու ոսկորներդ կը խոնարհին, մէջք տուող երիվարի մը պատահածին նման: Որուն զիծը չես կրնար փետուել միսերուդ կակուդ ակօսու մներէն ու ազատել ինքզինքդ: Որ կուգայ քեզի, հազար քերանէ, հազար ասեղով ու շունչդ կ'առնէ:

Նուազո՞ւմ:

— Զի կայ հոն: Զի կայ այն թեթեւ, մշուշէ շինուած կախարդ մարմաշը որ կ'իջնէ վերէն: Որ տաքէ ու խիստ, բոցի մը նման զալարող ու լայն ինչպէս թեւը մարմնացող հովին: Որ արագ արագ կը հատցնէ նախ գլուխուդ, կարմրած երկաթը ծիւնէ գունտին մէջ: Որ ուտելով մէկէն քեզ շինող, տարրը, ինչպէս դողդողալէն ինքզինք վեր կ'առնէ կամ վար կը հեղու, առնելով իր տակը, իրարու ետեւէ, ծեռքերդ, ոտքերդ, մարմինդ ամբողջ: Որուն մէջ կ'ընկղմիս ինչպէս կայլակ մը մեծ ջուրի մը մէջ:

Ականջ կը կախեմ ինծմէ դէպի ներս:

— Հոն կեցածը տեսակ մը ջերմութիւն է, բայց շօշափելի ու ընդդիմահար: Որուն քալուածքը նիւղաւոր կ'երեւայ ինծի: Որ մեղմ է սակայն, ոսկի ու կակուդ, ու, կ'առաջանայ, հանդարաց, անողոք: Տեղ պէտք է բանաս այդ սողոսկումին, այդ թափանցումին՝ առանց բողոքի եւ ընդվզումի: Որ պտտի պիտի քու մորթիդ ներքեւ, հալեցներով իր ցանցումին մէջ անկուածքը սակորներուդ, քեզ վերածելով մոմէ մարդու մը: Ու պիտի մնաս քու դիրքիդ վրայ, ու պիտի ծածկես աշխարհին աչքէն այս թուլացումը, դոնդողացումը, տարրալուծումը մինչեւ որ կրակը հաւաքէ կրկին իր ուռականները, կեդրոն մը դառնայ ու կայլակաւոր՝ ինչպէս ջրվէժէ մը՝ թափի քու սրտիդ:

Այսպէս է որ կը նախանձին պատանիները: Անոնք որոնց կամքը դեռ ոսկոր չունի: Որոնք մտապատճերը կը սիրեն. ու կը սիրեն աղջիկներն ալ երբ մինակ ըլլան, բայց ճիգէն, շարժումէն կը վախնան: Ու կը վախնան դանակին ու կապարէն:

Ու մէջէս կ'անցնին վէպի հերոսներ: Ու մահեր կուգան իրենց բազմազան, սեւ տարազներով: Եւ ո՞վ գայ՝ կ'ուզէք:

— Յիմար երա՛զը:

Յաւակնուա փա՛ռքը:

— Աղջկա՞ն համար: Կըսեմ ես ինծի, քիչ մը հանդարտած խելքիս այս լոյսէն:

Բայց . . . ինչ եղկելի հիւր մըն է միտքը մեր մարմինին մէջ: Կը դիմենք անոր, կամ կը կանչենք զայն կանխաւ համոզուած անոր խեղճութեան:

Ո՞վ մտիկ ըրաւ արդէն իր խելքին:

Ակռաններս իրարու կուզան մարմարեայ դողով:

Ներս կը նեղնայ, կը նեղնայ արագ, փակելու համար կրակին ճամբան ու անոր ուռկաններուն կրկին ծգուիլը:

Այս ատեն կուգայ մեծ զալարանը, ան որ ոտքերդ կը փոխէ գանկիդ հետ։ Ու ճնշուած, հեղուկ կրակը կը բանայ իր ճամբան, ճնշուած հոգի՛, որ արցունք կ'ըլլայ ու կապար թելի պէս կը հիւսուի իմ թարթիչներուն։

Կ'ամջնամ սաստիկ ու կը զայրանամ։

Ու կ'ելեմ ոտքի։ Հիւանդի սրունք։ Վախո՛վ կը շարժիմ։ Ու չեմ վստահիր միսերուս բեռը իմ ոսկորներուս։

Սռանց նայելու հարսներու խումբին, պատասխան տալու Բուրուլին մօրը, որ ուրախութենէն կարծես կը ճուայ ու պատմել կ'ուզէ բոլոր աշխարհին, կը մտնիմ դուռէն։ Բայց անիրական, անկարելի բան մը կը քայէ ինձի հետ։ Իմ շուրբ։ Ուրիշ մարմին մը։ Ինձի կուգայ թէ ինչ որ սանդուխներէն հանեմ պիտի տեսակ մը մետաղ է, տեսակ մը բիւրեղ որ պզտիկ դողով կրնայ խորտակուիլ։

Բակին մէջ, մննաւոր աբաղաղ մը կը պօռայ. ու կտուցովն ու փետորովը մէկը կը փնտոէ։ Կատունէ կ'անցնի, քսուելով կամաց մերկ սրունքներու։

Ու շունչ առնելով ու միշտ հանգելով կ'ելեմ վեր, դէպի երկրորդ յարկ։ Բուրուլին սենեակը որ իմն է հիմա։

Ու կը կծկտիմ։ Ծովադիր բազմո՞ցը։ Ու կը կըծկըտիմ աւելի փոքրիկ, աւելի պրկուն ես այն անկիւնին՝ ուր ունեցեր եմ այնքան անզամներ անոր մարմինը, աղջիկ մարմինը՝ իմ բազուկներու։

Վարէն խուլ աղաղակներ։ Բացէն, զոյգ պատուհաններէն՝ լիլակուած սաւանը հեռու երկինքին։ Ու մօտէն, մէջէս, սրտիս կեդրոնէն խոժոռ ու լեղի թընդիւնը ինկող արիւնին։

Բ.

Պառաւը, մայրը, Բուրուլը փողոցն են իջած, առտուան նման քիչ մը խօսելու։

Մեծ մայրը՝ կամաց, առանձին խումբին՝ ուրերեծ ծերեր, ամէնն ալ գեղնած ու հող հոտեղով՝ պատանք կը մանեն խունկէ մատներէն... ու հարս կը դառնան իրենց ներսերէն։

Մայրը։ Համակ ճառագայթ։ Տղու պէս, ուրա՛խ։ Հակած մայրերուն որոնք կը լսեն ու կը լրջանան։ Ու անոնց դէմքին՝ առջի գիշերը, ծոցին գիշերը՝ կամաց կը զրուի։

Բուրուլը։ Քիչ մը կարմրած, խօսիլ վախնալով։ Ան բոլորուած է թաղին հարսներէն ու հիւր հարսներէն։ Ու աչքի խաղեր։ Իրար հակիւներ։ Ականջի դրուած հարսի բերաններ։ Ու զուարթութիւն որ չի ծածկուիր։ Մեծ է մեր գեղը։ Ամէն տարի հարփիրով հարսնիք։ Ու տարուէ տարի քիչ մը կը շատնայ թիւր փողոց դրուած հարսներուն, որոնք վիսային դուռնէն, գիշերը կէսին, զերեզման կ'երթան, կամ լին կը մտնեն, կամ հոր կը նետուին եւ կամ կը կախուին, խնայելու համար իրենց ծնողքին՝ տունը մնալուն, մեղքով մնալուն անջինջ խարանը։

Ու կը հասկցուի խորունկ իմաստը (հարսէ հարսն կամ մեծէ մեծ) սա փափսութին որ կ'ըլլայ աչքով, յօնքով, ականջով։

Իմ պատուհանէս կը տեսնեմ ասոնք, երբ պահ մը յոգնած, անկիւնի զիծով, ես կը հետեւիմ վարի պատկերին։ Ու, դարձեալ նեղուած, զործիս կը դառնամ։

Ես ոսպ կը զատեմ:

Դեռ չըսի ձեզի թէ հարսնիքէն վերջ՝ ալ պարապ տունին, անփործանը տունին տղան հմ հիմա: Ես հոս կը պառկիմ, անոր սենեակը: Սանկ տեսակ մը տղայ, նոյն ատեն ծառայ, որ հետը երթայ Պաղտիկ աղբարին: Խոտ ժողվէ իշուն: Երբեմն ալ փորէ: Բայց շուտ չողքնի:

Ես Նիհար պատանի, որ ծուռ կը նայի, ու ներս կը նայի: Արեւէն խլուած ու քաղաք նետուած ու հոն դալկացած գեղի պատանի: Ես, խելքէս զարնուած, գիրքերով հիւանդ: Մշուշ կայ իմ մէջ, վանքէն հաւաքուած: Մոխիր կայ իմ մէջ, կեանքի երդեհէն դիզուած ու դիզուած: Ես կորաքամակ՝ երազիս բեռէն: Ետ դարձայ կեանքին, մահուան հետ չափուած, քիչ մը ընտանի անոր հմայքին: Ու կը սիրեմ շատ, գլխուս թափառիլ, իշուն ետեւէն, լեռնէն դէպի լիճ, գեղէն դէպի այզի:

Մէկը չունիմ հոս: Մայրս քաղաքն է, մի՛շտ, ամառներուն, իմ աղբարներով, Սնոնք կ'աշխատին—քանի դար է աս, ով Տէր—ու հաց կը հաննն, հազիւ ցամաք հաց... .

Ու ոսպ կը զատեմ:

Ժխուր է սենեակը: Պատէն երկու աղջիկ՝ որոնք հրեային կտաւէն վրցուած ու հոդ փակած են: Բազմո՞ցը միայն, որուն անկիւնէն բարձեր կը խօսին... .

... Ահա գիշերը: Ամիս մը առաջ, Վարդավառին կրակ գիշերը: Ու անոր աղջիկ մարմինին աղջիկ անկողինը:

... Ահա ցորեկները: Ան ու ես: Ես ու ան, երբ ծնողը կը պակսէր գեղէն, ու պառաւն ալ գերեզման կ'ըլլար:

Ու ահա մեր արցունքները, քիչ մը ամէն դի, ամէն տախտակի:

Կա՛լ: Ատիկա ըրին, ու միշտ ալ կ'ընեն գեղի տղաքը, նոյնիսկ մարդերը. — բայց՝ ապրուստին համար, ու հարկին համար: Փուշերուն համար՝ բոլիկ ոտքերուդ: Ու հողին համար, որ կ'երթայ ձեւքէդ: Ու գերեզմանին: Աղջկան համա՞ր:

— Աս է որ շատ ցն տեսած:

Բայց ատ իսկ է հոս, իմ կեանքը հիմա: Ան մասը՝ զոր պէտք է ծածկեմ աշխարհին աչքէն: Ու կ'ապրիմ զայն լուս, վարը շատ վարը, սրտիս տունին մէջ: Մի, մի վախնար. հոգին չի խեղդուիր: Մի վախնար, չի թումիր հոգին, ինչաէս ծաղիկը, ծոնկերուն ինկած արցունքին աղէն:

Բայց արիշ բան է երկուրով լալը: Իրար նայելէն: Իրարու երեսին՝ դաժան հեղուկը կամաց թափերով: Ու յետոյ ծծել, իրարու միաէն տժգոյն այդ թոյնը: Հանոյք էր ասիկա: Ու մինաւեցինք, ու փընտռեցին բոլոր պատանիները, բով բովի ըլլալ, նոյնիսկ արցունքին վրայ:

... Ու լա՛լ առանձին, սգաւորին պէս, որ գերեզման չունի միխթարուելու:

Երկու շաբաթ է, կ'ընեմ ատիկա, երբ գործերէս ետք՝ փլած կը քաշուիմ սա իմ սենեակը: Կը մարեմ լոյսը, չհանդուրժելով գողգոզ մերկութիւնը շրջապատին: Ու կը կծկտիմ: Ու ծեւը կ'առնեմ հողերուն վրայ լացող կիներուն: Այն ատեն է որ մութին սպասող հոգիներու պէս կը խուժեն անոնք, խեղճ արցունքները, Դուն ընդգիմացիր: Կոպերդ ծեծէ: Աշխատէ խեղդել խայտառակ ակը մերմակ լաթի մէջ: Ան պիտի վազէ, պիտի սողոսկի, աղ պիտի տանի քու շրթունքներուդ:

Ու ահաւորը ան է որ ոչ մէկ մտածում չի կրնար
ետ զրկել ատոնք դէպի իրենց տունը:

Հիմա մանաւանդ: Դեռ ես չեմ խօսած հետք
շէնք շնորհք, բերան բերանի: Ու կարօտը կայ, անօ-
թութեան պէս: Ու կարօտը կայ նախանձին պէս:
Ու կ'ուզիմ անիկա: Պղտոր են ոսպերը ու աչքին՝
դարձեալ ասե՛ղներ: Ցորեկ է հիմա: Անիկա վարը: Ու
ես կ'ամջնամ: Հատիկները կը գլորին մատներուս տակ,
ջորէ անցած ադամանդ կաթիլներու պէս:
Ա՛փ մը աչքերուս:

Ի՞նչ խաղաղութիւն: Ի՞նչ օրհնութիւն: Կոպերս կը
ճանչնան անոր մատները, Ու առանց նոյնիսկ անու-
նը տալու, կամաց կը դառնամ, բաց բազուկներով:
Սնոնց մէջն է ան: Մատները միշտ կը փակեն թար-
թիչներս:

Ներսէս՝ տղու պէս կը հաջնեմ:
—Ա՞ն է: իրա՞ւ է:

Ա՞ն է: Ամիս մը առաջուան աղջիկ Բուբուլը:
Հոտէ՞ն, շունչէ՞ն: Ո՞ւրկէ կը գտնեմ այդ աղջիկ տարրը:
Ի՞նչպէս ելած է: Ի՞նչպէս ալ ծգած՝ դուռին առ-
ջեւի տօնական նիստը, երբ պէտք էր անոնց:

Հանած է քօղը: Ու մարմինը, նոյն պարոյրով
ծոցիս վրայ կը գրաւէ հին տեղը, բայց ոչ աւելի: Ու
անոր զիստերուն բեռը՝ ծունկերուս, ո՛չ աւելի: Մա-
տը կը բաւէ զայն վեր հանելու կամ քեզի քաշելու:

Ու վարժ գգուանքով անոր երեսը կ'երթայ ու
կուգայ երեսիս վրայ, իր եղկ սահանքով: Նորէն կը
հիւսուին անոր մատները փայտ իմ մատներուս, այն-
պէս սերտ ու տաք, ինչպէս էր առաջ:

Նայիլ չեմ կրնար թաց թարթիչներէս:

Ու ան չի փութար սրբելու ատոնք, ինչպէս կ'ը-
միշտ:

—Կեանքին ուսո՞ւմը: Կը խորհիմ ծայնով:

Ան չի հասկնար: Կը նայի պաղուկ ու գորովան-
քով, քիչ մըն ալ ամէկոտ: Ինչպէս կը տեսնեմ: Բայց
ինչո՞ւ կը կենամ պղտիկ այս գիծին վրայ:

Ինչո՞ւ կ'ամնայ:

Յետոյ, մէկէն, զլիսէս, որպէս թէ կրակ կործէին...

Յետոյ, մէկէն, որպէս թէ սիրտս կենար ու փրր-
թէր տեղէն ու ճամբայ ելլէր դէպի կոկորդս, դէպի
ուղելս...

Յետոյ, այն ամէնը նորէն, բայց չափազանց արագ
որ ձեզ պատմեր եմ ես առաւօտէն:

Ի՞նչ ունիս:

Անո՛ւշ է ծայնը շէրպէթին նման, գոր կը խացնեն
հին պառաւները նոր սիրողներուն:

Անո՛ւշ է ծայնը, քիչիկ մըն ալ կախարդ: Կը դպի
բերնիս, գգուանքի մը պէս, կ'անցնի անկէց ներս,
թափելու սրտիս:

Անո՛ւշ է ծայնը երեսի մը պէս շրթներուդ վրայ,
կամ շշափելի՛ մատներուդ ծայրին:

Ան թեւն է բարակ անտես թռչունին, սիրոյ
թռչունին: Կուգայ նազանքով ու համբուրելով:

Ու անիկա պաղշատկող անձրեւն է քու հոգիիդ
կրացումին վրայ: Ու անոր թափանցումը քայլայուն
կ'ընէ մետաղացումը կուրծքիդ վանդակին: Անոր շուն-
չն տակ մտքիդ դաշտերէն կը հալածուի սեւ փոթո-
րիկը, նախանձին ամալը: Ու կրնաս զգալ:

Բայց ինչ վատ եմ ես: Ու որքան վատ են սիրա-
հարները, բոլորն ալ մէկտեղ:

—Ի՞նչ ունիս:

Ու կը բակուի ստուերը, երթալու իր գործին:
Պայ է ան:

—Մարդ մը ինծի պէս: Հարուստ գեղացի: Որ առոտուն կանուխ կ'իջնայ իր այգին, փէտատը* ուսին՝ կամ բահը իշուն: Տուն կուզայ մութին, իր հացը կ'ուտէ, յետոյ կը պատկի Բուբուլը զրկած:

Կ'երթայ ստուերը: Ես երես ունիմ անոր ետևէն նայելու: Ու երես ունիմ հիմա մանաւ անդ փաթթել սեղմելու Բուբուլը՝ աւելի ամուր՝ իմ ծոցիս վրայ:

Ու յանկարծօրէն յստակ կը դառնան ինծի համար բոլոր վէպերը ու ինծի նման՝ անոնց հերոսները: Ու յստակ դարձեալ, անողոքօրէն, բոլոր տկարութիւնները որոնք հասկնալ չենք կրնար յաճախ ուրիշի հաշոյն:

Փարիսեցիներ մարդերը բոլոր, որոնք սիրել կը կարծեն: Բայց անոնց համբոյրները որոնք յաճախ իրար կը կարկտեն նոյն դէմքին վրայ, Բայց անոնց բազուկները, որ չզգալու կուզան ուրիշ թեւերու տաքուկ հետքերը նոյն կուրծքին վրայ: Բայց իրենց ներսէն, իրենց խորտնկէն զիտեն ատիկա: Ու սիրել կը կարծեն:

Ու փարիսեցի մը ես ալ, ամէնուն նման:

Թող երթայ գործին գեղջուկ ստուերը, հիմա մանաւանդ:

Պէտք է հաշտուին գեղն ու գիրքերը, պատանութիւնները, նախանձն ու վատութիւնները:

Ու կատալութեամբ՝ մատներուս կ'առնեմ ներկուն խմորը անոր շրմներուն: Ու կը շինեմ ես, բայց զաղզ գգուանքով, բայց վատ հիշտանքով, բայց ամընալով, սակայն հոգեւին՝ ծեզի ծանօթ մեծ գոհարները, ու շաքարները ու կեռասները:

Բայց ան կը սպասէ սեղմուած զրկիս:

—Ի՞նչի կը սպասէ: Կը զգամ ատիկա նայուածքին մէջն որ լեզու ունի: Թուլցող իր կուրծքին որ մեղմ կը խօսի: Բարձրացող բերնէն որ կը թրթուայ, ինքն իր աղեղին:

(*) Փէտատ սրածայր բրիչ փայտ կարելու համար:

Յետո՞յ: Պատիկ շարժու մներ մատներուն մէջն: Ու բեկրեկու մներ՝ բազուկներուն խորերէն, ինչպէս ճպոտէ մը: Յետո՞յ: Պատիկ, կլոր սարսուներ կուրծքին բարձրերէն ինչպէս շղարշը հարուածող զլիսիկը ալեակին: Ու տաք տաք, գրեթէ հեղուկ հոսանքը որ անոր զիտերը գետին կը թափէ:

Ու աչքերս գոց մոտիկ կ'ընեմ հարսի այս մարմինը:

Տղար կը պուան: Կիներուն խօսքը՝ յստակ բայց կոտրած՝ կը հասնի մեզի: Այզի գացողներ: Ու զուարթ երգեր: Ու մահուան գովիքեր: Փողոցը կ'ապրի անհուն իր կեանրը աւանց տագնաափի ու առանց վիշտի: Վասընզի, ի՞նչ է վիշտը՝ երբ անիկա կուզայ օրէնքի մը պէս ու կը զգեանէ քեզ, ու դուն չես կրնար անոր դէմ հանել վայելքի համ մը: Ան իր առանձին բաղցրութիւնը ունի գեղերուն համար, իր գեղեցկութիւնը, բանաստեղծութիւնը: Ան կը շփոթուի յաճախ մահուան հետ, որ՝ թեթեւութիւն, վերջնական բարիք կը բերէ մարդուն:

Ու կը բանամ աչքերս: Ան մէկն է հիմա որ ինք-գինը չունի:

Ու կամացուկ մը, ինչպէս քերթուած մը որ կ'աւարտի, անոր գլուխը կը սահի երեսէ՝ ուսիս: Ու կը կենայ հօն: Անոր դունզը կը տեղաւորուի վիզիս փորուածքին: Ու շունչը անոր՝ պատիկ ու անուշ ու գինովցնող ինչպէս բուրում մը, կ'ելլայ երեսիս: Ու անոր սիրուը վիզին գոտիկն կաթող ծորակին նման կուզայ իմ սրտիս տաք տաք ու պուտիկ պուտիկ:

Ու կը գարմանամ: Ես քանի անգամ մատներով բռներ եմ այդ կլոր ծայնը, ծախ կողին ճեղքին՝ ու քանի անգամ հարցուցեր անոր՝ յիմար հարցումը ինծի պէսներուն, պատանիներուն.

—ի՞նչ կ'ըսես:

Բայց ամէն անզամ մատիս տակ, իր պատիկ կայլակը պարոյկի մը պէս շինելով ու փլելով, զարկը ոլորած է իր առեղծուածային համրիչը, միշտ համրի մը պէս, կարծես հեղինելով։

Հիմա՞։

—Անիկա, աղերսուն ու խեղճ՝ կը լայննայ արագ, կը ցատրէ վախցած, յետոյ կ'ամփոփուի։ Ու կը խորանայ, յետոյ կը թիջնայ նուազելու չափ։ Բերանի մը պէս որ խօսիլ ուզէր ու չկարենար։ Եւ որուն հեւքէն մենք կասկածէինք ու գտնէինք ինչ որ ուզեր ենք մենք միշտ, պատանիներս՝ հարսնցուներէն ու նոր հարսներէն։

Բացած եմ կուրծքը։

Փոխուա՞ծ։ Այո՛։ Պտուկնե՛րը՝ շատ աւելի գո՛րշ, գոյնէն պարպուած մորմի մը նման։ Ու կալը անոնց՝ կնճիռներու ցանց, ծծուած ու կապուտ։ Խարիսխէն ելքը՝ դէպի պարոյը, դէպ. գմբէ՛թո՛ւմը՝ վարէն կը տրուած։ Ու չի ծածկուիր պատիկ հակումը։ դժբախտ բեկումը որ վար կը կախէ անոնց վիզերը։ Խորտակուած բղխումը մարդկային միսի այդ կայտաներուն։ Ու մտքէս կ'անցնի նախնի պատկերը, աղջկան ծոցին անհուալ պատկերը, տաճարի մը պէս, ծիւներէն շինուած, որ բարձրանար ատանի ճերմակ հովիտէն ու գմբէթ նետէր։ Պատկերը կ'անցնի անոնց կուսութեան, երբ կուրծքին հովիտէն անոնք կ'ելլէին, շարելով իրենց գիծերը, շրջանակները իրարու վրայ, ինչպէս կան։ Թեղներ մարդկային միսէն, ինչպէս զանզակներ որոնց խմորը մարմինէ շինուած կամ կաթով հիւսուած ըլլար եւ որոնք շրջուած կենային յանկարծ ու ծիծ դառնային։

Տեսա՞ւ անիկա, աչքիս ետեւէն, թէ ինչեր եկան ու գացին իմ հոգիէս։ Ու արտում է անիկա։ Ու կը գողդողայ, մանր ու շուարուն, սարսուռը իր ծոցին որ դժբախտ է հիմա ինչպէս կթուած այզի մը։

Դեռ հոն է սակայն, արդէն քիչ մը վեր, պատիկ պիսակը, մեր բառերովը «վառեկի աչուկը» որ պիտի հսկէր — այնպէս կ'ըսէինք — գորշ աստղի մը պէս վարի անդունդին։

Ու կը դարձնեմ լոյսի հոսանքին անոր իրանք։ Ու կապոյտ բիծե՛ր, որոնք կէս կամարներու սանդուխներ կը թուին ինծի։ Բայց նուրբ է պատկերը ու կայծկըլտուն։ Ու հե՛ւաքը բարակ մանիշակագոյն թելերուն որոնք ոստան կը նետեն անոր կործքն ի վեր։ Ու հե՛ւքը. հե՛ւքը անոր կողերուն որ ակօս ակօս կ'ընէ ծիւնի այդ դաշտը։

Ու պէտք է կարգալ։ Տարօրինակ զի՞րը։

... Սրբազան տախտակ ուր փործուեցան մոզերը հինին։ Ու պէտք է կարգալ արիւնին մուրճով հոդ ողբերգուած բառու խորհուրդին։

— Ո՞ւրկէ կուզայ, Ու ինչեր կ'ըսէ։

Հարցուցէք։

... Ահա անոր սիրտը։ — Կախարդ պատասխան, կախարդ հարցումի։ Ան կը բղիսի ինչպէս թուզունի մը գլուխը, ճերմակ փրփուրէն։

Անիկա կը հեւայ ու կ'ըսէ ինծի։

— Ինչո՞ւ հարցնել։ Ինչո՞ւ հարցնել ինչ որ գիտնալու արժանի չեղաք։ Ո՞վ զարկաւ առաջին մատը արեան կայլակին, զոր կը թաւալեմ այսպէս դարէ դար։ Ո՞վ անհաս գիտութիւնը կարմիր զուրերուն անգոյն զուրերուն։ Ու ծանրութիւնը արեան կաթիլին։ Զեր խենդ աշխարհը՝ զոր ճաննալ կը կարծէք։ Ու ծեր սուտ ու պիղծ պատմութիւնը՝ որով կը գովուիք։ Ու ծեր հե-

տաքրքրութիւնը որ կը փնտռէ ու չի հասկնար: Ու ծեր մեղքերը որոնք կը կերտէք այնքան սրբութեամբ, այնքան վատօրէն, եւ որոնք դարէ դար կը նետէք իմ մէջ: Ու տակաւին ինչե՞ր, որոնք մոռցած էք այսօր: Ես, պարապներուն, տիեզերքներուն նիւթացած տարրը: Ես ծայնը հեղուկ, դեռ կազմուելիք ու կործանուելիք մեծ աշխարհներուն որոնց երազել իսկ չէք կրնար այսօր: Կ'ուզէ՞ք տակաւին... իսեղճե՞ր տղաքդ բոլոր որ անցնիլ կը փորձէք ծեր սահմաններէն ու չէք յաջողիք լուծել խորհուրդը համբոյրի մը մէջ: Ու չէք հասկնար...

Ի՞նչ կախարդ լեզու:

Կողերուն լեզո՞ւն ու զարկին լեզուն:

Հովը ելած է: Էտինքի արեւը մտած սենեակէն:

Քաշուած հմայքէն, կը դնեմ երեսս կործքին, կամաց, դառնագին ու այլուրային:

Ինծի կուգայ թէ ինչ որ կը զարնէ հոն, ահաւոր ու դժբախտ առեղծուած մըն է, հարցական պարո՞յկ որ կը կամարուի մեզի համար անթափանց խորութիւններու վերեւ:

Կարդալ, ինչպէս որ կ'ուզէ արիւնը, այդ հեգումին մէջ մոայլ պատմութիւնը աշխարհներուն ու մեր աշխարհին: Այո՞ւ, Բայց կարդալ մանաւանդ աւելի լեզի բան մը, աւելի մօտիկ տախտակը մեր տառապանքին:

Ու կարդա՛:—Ի՞նչ որ աղջիկները կը թաղեն իրենց հետ, երբ քօղով պատմուած առազաստ կը նետուին, գերեզման նետուելէ առաջ:—Ի՞նչ որ պատանիները խոշորցած վշտերու նման, կաթիւ կաթիւ դողդղալ կուտայ հարաներուն առջեւ:

Ու կարդա՛ մանաւանդ աւելի պարզ բան մը, — Անսփոփ գերութիւնը սա կաթիւ մը արիւնին որ պիտի

վազէր ուղիղ իր համբան, բայց որ տարուեցաւ ուրիշ պարտէզի:

Ծանրացած եմ ու տրտում: Կը ծգեմ ծայնը:

Կուրծքին քրտինք կայ: Ու երեսիս տեղը կարմիր՝ ծաղկի մը պէս: Յոզնած եմ նոյնիսկ նայելէ: Ու կը փնտռեմ:

Իրարու աչքի, իրար կարդալով՝ շատ աւելի համեստ բան կալակներուն հետ, կը կենանք մուայլ: Յետոյ իրարու կուգան մեր մատները, չարչարագին: Կճրտուն ու կատաղի: Ի՞նչ կ'ուզինք անոնցմէ, մեր խեղճ մատներէն, որոնք պրկումին տակ կը հեծկլտան: Յետոյ կը բարձրանանք:

Սնոր մարմինը, շղարշներու մէջ, հազար հեծք ունի, խղդուկ ու բեկբեկ: Ու դեռ բաց կործքէն, ստինքները կը նային իրենց կոտրած ու կոյր նայուածքը: Ու շունչը կը վերցնէ անոնք ու կ'իշեցնէ, օրօրի մը մէջ զոր ուզէր կարդալ մատնց գերութեան:

Ու հո՛տը բարակ, թարմ ու գունաւոր, որ կը պտտի անոր բոլորը ու խենդ կ'ընէ բեզ:

Խենդ: Ի՞նչ բիչ է բառը.

Վասնզի ի՞նչ որ կը փախչի աչքերուն ցանցումէն ու ինչ որ չի հասնիր ականջի մաղերուն, հոտը կը բերէ մեզի անհուն նրբութեամբ: Վասնզի անիկա՝ շարժուն ու թեթեւ՝ հով եղած մասն է անոր մարմինին: Վասնզի ինչ որ շրթները կը ճանչնան այտերուն վրայ, ու ծիծին վրայ ու շրթունքներուն, կակլութիւնն է յաճախ բիչ մը հաստ ու անարտայայտ: Մենք ենք որ մեր կողմէն, մեր մէջէն միայն կը հանենք ու անոնց վրայ կը թափենք խուռվի, համի ու եղերական քաղցրութեան քերթուածը որ աղջկան մը կործքին է երթեմի, Վասնզի՝ հո՛տը, հարսներուն հոտը՝ անոնց հո-

գին է որ հազար ճամբայ ունի քու մէջ մտնելու . Անոնց միսերուն դալուկ փրփուրն է որ կը թափանցէ դարձեալ քենէ ներս . Անոնց արիւնին ամբողջ կրակն է , ամբողջ հեշտութիւնն ու ամբողջ սարսուռը որոնք թեւաւոր՝ կ'անցնին քու մէջէդ , ու կը պտտին . ուրի հանելով բոլոր խնդիր զինուորները քու արիւնիդ : Կը լարեն ոսկորներուդ բոլոր տաւիզները : Ու կը բանան բաժակները մեծ , խորունկ պապակներուն որոնք քնացած էին :

Ինչ քիչ է բառը , հիմա մանաւանդ :

Վասնզի անոր հոտը , Բուրուլին հոտը զիղերով , միսերով հիւսուած կախարդ վարագոյրի մը պէս ծրգուած է աշքերուս . Ու չեմ տեսներ ալ՝ բարախումը անոր երեսին որ մատոներուս տակ կուտայ ու կ'առնէ : Ու չեմ տեսներ ալ՝ անոր նայուածքին աղերսաւոր կաթկթումը , որ կը դողլողայ անոր բառերուն , պզտիկ հեծքերուն , արցունքին վրայ :

Ու անիկա կը փաթթէ զիս , հոտին այդ վարագոյրը՝ հազար բերանով աղջկան մը պէս : Ու կը դղրդէ հազար բերաններ :

Ու յուզումը կը զարնէ իմ ոսկորներուն , որոնք կը թթուան , կակուդ ու կրակ լարերու նման , անոր ճպոտին ներքեւ : Ու յուզումը կը վառէ իմ մարմինին բոլոր թելերը , զիս ընելով բունկած ջահ մը այդպէս , լուսաւորելով իմ խսկ աչքերուս՝ պատանի անապատը իմ հոգին , երիտասարդ դամբարանը որ մեռել կ'ուզէ ու նոր Գողգոթան որ խորք կը կազմէ այդ տեսարանին : Ու յուզումը կը բանայ միւս ճամբաները : Անոնց որոնց վրայէն միսն ու արցունքը , համբոյրն ու հեւքը կը բալեն , փոխակերպուելով : Որոնց վրայէն քու մէջ կը մտնէ , ինչ որ ծեւերուն համեմն է

կարծես : Ինչ որ զիծերուն եւ մակերեսներուն բանտէն կ'ազատի եւ իբր խուռլք , իբր գալարում , իբր հեշտութիւն ներսդ կը թափի :

Միշտ հուար : Ուժով , թարմ ու գունաւոր որ չի պտտիր : Որ մօտ է ծեւին : Ու մարմին ալ չէ , բայց խուլ բխում մը , բայց ուրուային հոսում մը , ուր կը նաև նայիլ : Որ կը զարնուի հոգինդ պատերուն ու հարս կը դառնայ , ու ծեւ կը դառնայ խօսող ու սիրող :

Յուզումը տաքուկ ու քիչ մը դեղին , որուն վրայէն հոգիները իրարու կը վազեն ու կը խառնուին . . .

— Բութուլ :

Պառաւն է վարէն :

Ան կը թօթուուի :

Ինչպէս կը կոճկէ կուրծքը :

Մէկ ոտքը սեմին : Զի կրնար բալել : Ինչ վարանում կայ նայուածքին վրայ ու ոտքերուն տակ :

— Բութուլ :

Կը պատախանէ : Ճիգը անգամ մըն ալ կ'ոսկեցօծէ զինքը : Մանկունակ ու վախկոտ բան մը կը գոցէ մէկն անոր ահաւոր կախարդ ու թիւնը : Աղջի՞կ : Այո՛ : Բայց վայրկեան մը միայն : Ու նորէն , անմիջապէս ան կը վերածուի իր բուն պատկերին , զիրքերուն սովորեցուած լաւեւծօռէն իգականին : Ու աղաջուն ու լուրջ՝ էզին :

Զի կայ :

Բայց սենեակին մէջ կը բուսնի այգին , Տուզլայի այգին , իր ցանկապատով , պզտիկ հիւղակով : Ու կը շարուին ափ մը պատին վրայ , անհամար թուփերը որթերուն , իրենց ճիւղերուն ամբողջ սապատներովն ու կնթիւներով , ու բարունակներուն սովորուն

համբոյրովը։ Ու մեծ թզենին, որուն խոր շուքին, մենք բնացիր ենք ամիսներ առաջ, անշուշտ բոլ բովի, առանց հէքեաթին սուրը լարած ըլլալու, մեր հասակներուն երկայնքովը, իրարու մէջտեղ, Ու գրկուածալ, Ու լացած ալ։

Ռապերը։ Կը վազեն կարծես հոսանքի տրուած բաներուն նման, հիմա, իմ առջիս, սեղանին վրայ, դեղին ու սեւուկ, արեւով շինուած ոսկեջուրի մը մէջն։ Դեղնած՝ արցունքը։

Մէկդի կ'ընեմ ապուշ սեղանը։

Վարէն պատրաստութիւնը այզի գացողներուն։ Չայներ։ Լայն, նեղ, անուշ ու լիզի։ Կը փնտուեմ անորն ալ։ Որքան շուտ, ու ինչ ուժով, ի՞նչ ճընշում է աս։ Ու ծերի մը պէս, որ անկար կ'ըլլայ, ու խենդի մը պէս, որ չհասկնայ։

—Ինչ ընեմ պիտի,

Կ'ըսեմ ես ինծի։ Բայց ականջ եմ ես։ Ու ինծմէ առաջ գլուխս կ'երթայ դէպի պատուհան։ Տեղէս չեմ շարժած։

Ու բառը կու զայ։ Զով ու սփոփիչ, Կը լսեմ ծայնը որ հարս կը կանչէ։ Ան կ'իյնայ իմ մէջ հասակով փլող աղջկան մը պէս։ Ու խաղաղութիւն։

Աչքերս փակ, կ'երազեմ այզին։

†.

Այզին։ Տու զայի այզին։ Ան որ հիւզակ ունի։ Ու խիտ ցանկապատ, փուշով պսակուած։ Կղպանքով ալ տուն։ Ծառեր շատ կան հոն, շուքի, պտուղի, ու քիչ մըն ալ զարդի։ Զաւակի մը պէս խնամած է զայն՝ բարի ծերունին։ Ու անիկա լոյսն է անոր ալքին։ Արեւ, կրակէն ինկած։ Որ գոյն է միայն։ Առանց

ասեղի՝ ամպի մը թերթէն ու խոնարհումէն այդպէս թեթևցած։

Լիճը՝ հովիտին մէջ։ Աման մը մեծկակ պաստրան ապուր։ Այսպէս եմ տեսեր մանկութեանս մէջ անօթի օրերուս, մեր լիճը որ կը կորնայ ու պնակի պէս բան մը կը դառնայ դաշտի ալդ կէտին։ Հիմա պատկերը կուգայ նորէն իմ մոքին հին իր իմաստովը։ Անօթի։ Բայց ե՞րբ չենք մենք ատիկա։ Նիւթն է որ կը փոխուի։ Հիմա գոյն ալ կը տեսնեմ երեսին վրայ։ Ծիրանի վրձին մը անցած ըլլար։

Օդը։ Զըսելու համար երկինքը։ Բոյրով ակօսուած։ Հոտերը, անտես առէջներով իրենց ոստայնը կը քալին անոր մարմնին վրայէն։ Բայց կրնաս ճշդեւ։ Բարակ ու փալսոն՝ երբ կուգան անոնք ցանքին ներքեւէն։ Ազնուական ու անանուն ծաղիկներէ, որոնք հովին ամբողջ անթարզմանելի հոգին վեր կը հանեն։ Ու ծանր ու գանդակ՝ երբ կը պտտին ոտքերու գ հետքէն, կորդներուն զիծովը։ Հասարակ ու հաստ ծաղիկներէն, որոնք գուրերուն եզերքը գուեհիկ զարդարանքը կ'ընեն անոնց տարփանքին։ Ու սուր, խոռվիչ՝ որ կը թափանցէ քենչ ներս շատ խորունկ, երբ կը մօտենաս թու փերուն սիրախն ու տեղ մը կ'ուզես, յանախ ալ երկու, աննուխէն կամ ուրցէն։

Տուղայի այզին, Աստուածած օրով, հասուկ կուգերով ու հա՛րս Բուբուլով։

Ես, առանձնացած։ Օրը ծանր է գեռ ուսերուս վրայ ու ոտքիս վրայ։ Ու բեռ կայ նորէն գլուխիս վրայ, քունքերէս թափիող։ Տեսակ մը կրակ, առանց մարմնի որ կը դիմանայ հրդեհէն ետքը։ Ու նեղ է հոգիս, քաշուած ու պղտիկ, փակուած՝ բիբին պէս աշխարհին դիմաց։

Ու լաւ չեմ զիտեր թէ ի՞նչ կ'ուզեմ ես։

* * *

Երբորդ անգամն է, ետ կը զրկեմ զայն :

Բայց ամէն անգամ, երբ ան կը դառնայ կրուն-
կին վրայ, դէպի հիւղակը, ամէն անգամ անկէ կը
զատուին, ինչպէս փրցուած թերթեր, կտորները մեր
մօտիկ անցեալին :

Առաջին այցը. երբ ճերմակ էր սալորենին: Ու
անոր սիրու՝ հակած դէպի իմ գարունը: Ու երկրորդը
երբ խոտերը հասակ ունէին ու չորցած խրամները
կակուղ էին պատապարուած անկողիններու նման:
Անիկա կը վախնար ինձմէ: Ու քանիները:

Սյն օրերուն՝ սիրոյ նոր բացուող աղջիկն էր ա-
նիկա: Ու կը սիրէր այգիին մինակ կէտերը, ուր ուռ
ու տերեւ այնքան խելօք կը կենան մեր շուրջը ու
բան մը ունին, ընտանի ու հասկցող: Ու խենդն էր
ան գիշերներուն, որոնք մեզ իրարու կը նետէին, ծեռք
ծեռքի, կամ կուշտ կուշտի, պաշտպանուած աշխար-
հէն ու անոր չարերէն: Ու կը սիրէր ան՝ պատանին,
որ ներս կը նայէր դէպի անոր հոգին:

Ու ես խենդն էի անոր հասակին սեւ ճիւղերուն
մէջ: Ու ես կ'ուզէի համբուրել հետքը անոր ոտքերուն,
սա հողին վրայ: Ու կը պազնէի, երեսին վրայ, խա-
չածեւ շուքը որթի տերեւին:

... Ու պատմութիւն կայ, հիւղակին ներսը որ
կտոր կտոր գուրս կը նետուի: Գայլեր ու արջ մը: Ու
նապաստակներ, որոնք կը վազեն ծայնին վրայով:
Կարմիր Սահակն է, զեղին որսորդներէն մէկը: Զար-
կած է քիչ առաջ, առանց քերծէի, շէկ նապաստակ
մը բլուրին ոտքին: Ու ան կը խօսի: Պաղտիկ ալբարը՝
լուռ, դանդաղ հաճոյքով ականջը կուտայ այդ զը-
րոյցներուն:

Արեւը ինկած ալ բոլորովին: Շուքերը ուժով:
Առած եմ գիրկս անիկա նորէն, հովանոցին տակ
մեծ թզենիին:

Ոչ մէկ խօսք:

Ու կը մտածեմ:

— Քալիկ թէ կենալ:

Անիկա նոր է մտած կեանքին մէջ: Անոր կեանքը
տարբեր է անկէ, զոր սորվեր եմ ես կամ տեսեր զիր-
քերու վրայ: Անիկա կասկածն իսկ չունի վոթորիկնե-
րուն, որոնք կծիկ կծիկ՝ կը սպասեն կիներուն ճամ-
բուն, գիւղ թէ քաղաքը, նոյնն է ատիկա: Ու անիկա
կասկածն իսկ չունի մեծ կայծակներուն, որոնք կինե-
րուն ամռան կը փայլակեն այնքան խուզքով ու եր-
բեմն ալ եղերական:

Ու աչքերս զոց կը հետեւիմ անոր օրերուն, ա-
նոնց, որոնք դեռ չբացուած, գլանին վրայ մեր ճա-
կատագրին՝ կը սպասեն ծեռքին, մահուան մեծ ծեռքին:

— Առաջին տղան: Դաշտեր ու այգի: Պարտէզ ու
արտեր, տղեկը կուրծքին երբ ամուսինին ապուր կը
տանի: Ու երկրորդ տղան, երբ մէկը նոր ելած է քա-
լելու համար: Քաղիան ու գործեր տունին մէջը կամ
դուրսը: Ու տղաքներ, որոնք կուգան ու կուգան:
Առջի մեռելը, Ու երկրորդը: Ու նոր յլութիւն ու նոր
երկունքներ: Ու երեսունի դուռներուն՝ արդէն պար-
պուած միսէն ու աղուրութենէն, ու կաշի գարծած: Ահա
թէ ի՞նչ է կինը մեր գեղերուն մէջ:

Այս: Աւելի՞: լաւ է չհարցնել: Աւելի՞: Այսինքն՝
այդ մոայլ պատկերին վրայ դժուար տարիանքին,
գողցուած տարիանքին հրդեհէ գոտին, ծիրանի զօ-
տին: Որուն կամարը բզկտել կ'ոզինք երբ զլուխը
առած արդէն կը սաւառնի: Որուն ոտքերը արիւնէն
կուգան, և որուն ներքեւ դժոխք մը կ'ապրի:

Ու կը մտածեմ.

—Քալել թէ կենալ:

Թողով անիկա այս դաշտին վրայ, այս պատկերին հետ, իր ցաւերովը, հաճոյքներովը ինքզինքը լարած դէպի գերեզման:

Խառնուիլ անոր: Նետե՞լ անոր գիշերներուն՝ քարտառապանքը դիակ էրիկին որուն մօտենալը, զոր հանդուրժելը դժուար թէ սովիր: Ընե՞լ անոր ցորեկները յզի՝ արցունքով ու բանկած՝ կարօտով: Ու դիմաւորե՞լ անխուսափելին, գեղին մեծ աչքը, յիտոյ մեծ ձայնը, յետոյ ոճիրը:

Ան ոչինչ գիտէ այս ամէնէն: Կը հանգչի գրկիս,

Ու պատմութիւնը հալածուած եղնիկին, որ դուրս կը փախչի հիւզակին բերնէն: Որսորդ Սահա՛կը: Օծի ու որսի հէքեաթները, երբ վերջ կ'ունենան արդէն:

Տաք բան մը կ'անցիի դանդաղ քսուելով մեր ճակատներուն: Ով գիտէ որ հոմն է, որ այդպէս կամաց իր ճամբան կ'ընէ: Ու պատիկ հոտե՛ր, անոր ետեէն: Ու մեծ կեանքը չնչին իրերուն՝ դողացող խոտին ու տերեւներուն ու խակ թուզերուն, որոնք գորշ սիրտերու պէս կ'օրորուին ծառէն:

Ու դանդաղ խլրտումը մեր ներքեւէն, գետինին բոլոր զօրութիւններուն, անոնց՝ որոնք հողերուն մէջ իրարու կը զարնեն անպատում եղերերգութիւններ: Որոնք վարէն վեր կը կրեն կեանքին մեծ առեղծուածը ու տարրերուն սէրը:

Չեզի պատահա՞ծ է զգալ այդ անհուն լիզուն, որ իրերունն է: Որ կ'ելլէ հողէն ու կը տարածուի մազերուդ աչքերէն դէպի ներսերդ: Երբ գուն կը կանչուիս հողին մեծ, անմահ համին ու կը վերածուիս

խելքդ պահելով, ողջ գերեզմանին: Երբ սէրը, իրերուն ամէնէն շօշափելի գիծը, հրեղէն սիւնի մը նման կը կանգնի առջեւդ ու քեզ կոյր կ'ընէ,

Ու մեր վրայէն դանդաղ խլրտումը այն սալսոււներուն, որոնք թեւ ունին: Ու մեր վրայէն շարժը այն զօրութիւններուն, որոնք արիւնի համ կը բերեն մեր աչքերուն կամ բերանին:

Կը փաթթեմ զինքը, աւելի ուժով, աւելի խորունկ քան ուրիշ ատեն: Շունչը կը պակսի անոր կորդէն: Շունչը կը պակսի իմ ալ շրմներէս, որոնք կ'որուեն:

Անոնք կը փնտուեն, ազդուած վերէն, ազդուած վարէն, օդէն, գետինին իրերուն հոգին, ու պարապին հոգին, հարմներուն հոգին, Բուբուլին հոգին:

Ես, յիմար պատանի: Գիրքերով հիւանդ ու թուղթէ մտրով յիմար պատանի:

—Ինչո՞ւ փնտուել ինչ որ չգտնաս պիտի: Գուցէ չես ալ գիտեր: Ինչո՞ւ մտածել ու գիրքով զգալ: Ինչո՞ւ փափաքըլ որ անոնց հոգին ու բոլոր հոգիները ուրիշներուն՝ տեսնուող դառնան ու պատասխանող քու երկբայանքիդ կամ հրաւէրիդ կամ աղերսումիդ: Ինչո՞ւ մանաւանդ ուզել աւելին: Ուզել կիներէն ինչ որ չունեցան, կամ որուն յարգը քեզի պէս չճանչցան: Ինչո՞ւ նրբանալ ու նրբացնել... Զեռք նետէ անոնց, հարմուկ կամ ծաղիկ, դեղձի միս կամ կին — անոնք նոյնն են միշտ: Ու մտիկ ըրէ երբ կը համբուրուին, կը ճմլուին, կը բզկտուին: Նետէ շրթունքիդ ներմակ ծիրան խմորը հարս երեսներուն, ու դալկութիւնները անոնց տարփանքին ու լուսէ կաթիլները անոնց ստինքին: Ու դողացի՛ր գուն յիմար սարսոււը: Սարսոււը խոտին, սիրահար ծաղիկին որ կը պատի գետ 79—երը Պատանի են

նէն թիգ մը վեր կամ ճիւղերուն մէջէն։ Սարսուռը ամբաւ՝ որուն պուտերը կ'անձրեւուին աշխարհ ու մեծ կեանքը կը շինեն։ Ինչո՞ւ փնտռել։ Ինչո՞ւ նանցանալ։

... Անիկա կը նմանի թեւերուս բուած բարի երազին։

Անիկա կը նմանի գիրքերէն փախած ու կուրծքին փարած մատաղ պատրանքին։

Անիկա կը նմանի ինձմէ դուրս ելած ու հարսնուկ եղած իմ մէկ պատկերին։

Ասողերը կուգան, նախ մէկիկ մէկիկ, յիտոյ խումբերով, երբ հովը շարժէ թուզին ճիւղերը։ Հիւղակին դուռնէն ծայնը միշտ՝ որսորդ Սահակին։

Ու թեւերուս տակ՝ կարծես նոր ու անհուն քունի մը համար, մատաղ ու թրթռուն լքումը անոր մարմինին։

* *

Դարձը դէպի գիւղ։

Որսորդ Սահակը կը շարունակէ խփել ու պոռալ, մութին ընդմէջէն, ու ճամբու եղբերէն կոտրած ժայռեր՝ թեթեւ՝ ետ կը դարձնեն։

Պաղտիկ աղբարը, էշուն վրայէն ինձի կ'երեւի հին նահապետ մը, հայր Արքահամի օրերէն եկած։ Ուրիշին հաւուն անգամ ան աչք չունեցաւ։

Երկու պատանիները, մեղքով ծանրացած, բայց բանով մը՝ թեթեւ։ Անոնք կը բալեն ու կը լուեն։

Ան համոյք ունի, գրեթէ հեշտանքի, զիրէկն մնացորդ, երբ ծառի շուքերով աւելի սեւցած մութ տեղերուն մէջ կը սեղմէ ափս, հանդարտ ու խորունկ։

Ան հեւք է հսմակ, անհաշիւ տագնաակ ու խենդ

նուիրում, երբ ճամբու ոլորներուն կը սեղմուի կուշտիս։

Ե՞ս, Ամբողջ դառնութիւն։ Ու մոխիր։ Ու խայթ։ Զեմ հարցներ ես ինձի պատճառը այս չափասուած տրտմութեան։

Աւարտած է մեր վէպը։

Բայց ճամբան կը սեւնայ տակաւ։ Յետոյ կը հատնի։ Գեղին հոտը ինձի կը բերէ մարդերը ու իրենց ամբողջ ողբերգութիւնը, որ կը կատարուի սեւ տուներուն տակ, իրարու մօտիկ, բայց իրարմէ յաւիտենապէս տարագիր։ Ու գեղին հոտը ինձի կը բերէ դեռ ուրիշ բաներ։

Ճնշումը կուգայ, աւելի ուժով։ Կապարը կը կախուի հոգիիս վրայ ու վար կը հրէ ինչ որ բարութիւն ու ազնուութիւն եղած են իմ մէջ։

Աւելի ուժով քանի մօտենանք։

Զեմ խօսիր կիներուն հետ, որոնք գիշերուան մուտքին, հացէն քիչ առաջ կամ անկէ վերջը կը նստին այդպէս սաքուներուն վրայ ու կ'աւարտեն ինչ որ պակաս կը մնայ օրուան խօսքերէն։

Հայց ալ չիմ ուտեր, կը պառկիմ կանուխ, Բուրուլը աչքով չափելէ վերջը։

Ինչո՞ւ, Ռուր պիտի պառկի։

Ու հիւանդ եմ ես հոգիով ու մարմինով։

* *

Աքլո՞ր, գիշերը կիսող։

Երկարած կուշտիս անիկա կու լայ. բարձին վստահած իր հեծկլտանքը ու արցունիները։

Ոչ մէկ բառ։

Անիկա եկաւ պառախին ծոցէն դէպի իմ ծոցը,

հին մեղաւորի մը մաքրութեամբը , միամտութեամբը :

Ան բացաւ իմ աչքերը , անանկ կամացուկ , ինչ-պէս ըրեր էի ևս ատիկա իրեն , Վարդավառին զիշերը:

Ու չխօսեցաւ: Սուի անիկա ներս իմ վերմակէն , յոզնած մատներով , աւելի ճիշդը լեզի մատներով :

Ու չխօսեցաւ: Բայց մարմինը լոին դաշնակ մըն էր: Սրգիկց լոյսը :

Փորձեցի խօսիլ ու խօսեցնել . Եւ մտիկ ըրի իմ փախուքը , իմ պատկերները , մտածումները : Ու տարօրինակ էր որ անոնք կը նմանէին աւելորդ , բռնի ու սուտ ըսուած բաներու : Ես զգուշացայ ատ զգայութիւնները մատնելէ: Ու տարօրինակ էր որ ան զիտէր ատոնք : Անիկա զիտէր մարդերուն սուտը : Դիտէր արժէքը մեր բառերուն ու մանաւանդ համբոյրներուն : (Ըստ՝ ծեզի թէ համբուրած էր զիս , թուզի ծառին տակ):

Մեղադրա՞նք : Բայց չխօսեցաւ:

Ես փորձը ըրի յստակ տեսնելու:—Ի՞նչ կ'ուզէր :

Ես յիմար էի ու չէի տեսներ: Բայց անիկա ոչինչ կ'ուզէր: Անիկա կուտար , լրիւ ու դոլլոզ , աղջիկի սիրտը: Ու կ'ընէր ատիկա այնակէս անհաշիւ , այնակէս մեծութեամբ: Ան կը վտանգէր ինքզինքը ամբողջ , երբ քունը խարեւով պատաւին , տախտակներուն դաւահան աղմուկը արհամարհած՝ ինծի էր եկեր զիտնալու համար: Դիտնալու համար , ի՞նչ էր իմ ցաւը:

Յետոյ մեր մարմինները իրարու պատմեցին շատ աւելի դառն բաներ բան բառերը : Զար ու դաժան եղանք մենք մեր շրթունքներուն խառնումին պահուն: Ու թաց ու լեզի կրակ էր անոր մարմինը իմ թեւրուս մէջ: Ու տարօրինակ էր որ ամէնէն քաղցր զգայութիւններէն կամաց կամաց ես կ'անցնէի ամէնէն դժնդակներուն :

Ու անոր միսերը քաղցր էին , շաբարէն շինուած :

Ու անոր շունչը քաղցր էր ու վարդեզրուած :

Ու անոր մազերը քաղցր էին սահող համբոյրներուն նման :

Ու կծու ու քարկ բան մը եղան անոր միսերը:

Ու անոր շունչը զերեզման կը հոտէր :

Ու անոր մազերը անհամ էին ինչպէս պառաւներունը :

Ի՞նչպէս եւ ինչ՞ւ:

—(Աւելի վերջը սորվէի պիտի):

Ան կը զարմանար :

...Երկարած կուշախ անիկա կու լայ , բարձին յանձնելով իր հնծկլտանքը եւ թերեւս իր մեծ պատրանքը:

Տունը կը բնանայ իր արդար քունով:

* *

Ոտքի :

Իր ծեւին տարտամ ներմա՛կը: Կարելի է զատել մութին վրայէն:

Անկողինէն եղերական համ մը կը ծխայ , ինչպէս բացուած բուրվառէ մը:

Ու գարձեալ իրմէն գուրս կ'ուզայ իր հոտը , ինչպէս շարժուած ծաղիկէ մը:

Պիտի երթայ , Սրլորը կրկնեց իր երգը :

Պիտի երթայ :

Այն ատեհն , իբր թէ զերեզմանի մը շրթունքին , ես կը կեցնեմ անիկա: Կը հիւսուիմ անոր դանդաղ , յետոյ վայրագ շաղապատումով: Ու կառնեմ լեզուն իմ լիզուս վրայ:

Մեր մարմինները :

Անոնք խնդնդ եղան: Անոնք հծծեցին լեզի սար-

սուռով որ մոխիրի, ծծումբի համ մը կը հանէր մեր զիդերէն:

Մեր համբոյրները:

Անոնք խիստ եղան ու կսկծագին: Ամէն մէկը մեռած ծովերէ բերուած ալիքի մը պէս աղի կ'իյնար մեր հոգիներուն:

Մեր ճակատագիրը:

Ան կը կենար հոն, ինչպէս կործանուած երազ մը, դեռ մատերէն կախ բեկորները շղթային, որով սիրտերը կ'օղակուին սրտերուն:

Ու կը հսկէր ան, լրոն, յուսահատ:

Մենք այդ գիտէինք ու կը տեսնէինք:

Ծունկի:

Մենք կը նայէինք, փնտուելով մէկը: Պատուհանին տեղ՝ երկինքը, աստղալարդ՝ ինչպէս կողը մեր ժամուն մեծ Աւետարանին:

Գիւղացի հարսնուկ: Ան կրցաւ ելլել, ինձմէ շատ գիւրին, «Աստղերու սանդուխը»: Ու կրցաւ տեսնել թէ ինձեր կը գրուին մենէ շատ անդին: Ու, գտաւ կապը աստղերուն աչքին ու մեր սրտերուն: Ու, անսպասելին, անիկա ազօթեց:

Ինդն, պարզ իր ազօթքը:

—Թող ներէ Աստուած:

Ու մտիկ ըրի մեռած պատկերը իր շրթունքներէն: Անիկա պատմեց երեք չորս բառով, ինչ որ պատմեցին բոլոր բերթուածները ու բոլոր վէպերը ու չը զրուած բոլոր հէքեաթները, որոնք գերեզման միայն եղան: Ինչ յատակ էր ան, կեանքին մեծ խօսքը: ատանկ աղջնակի մը բերանին վրայ Ո՞վ էր մեղաւորը: Ինչո՞ւ ստեղծել ինչ որ մատաղ մատազ խորտակուի պիտի: Ո՞վ էր մեղաւորը: Ու ալ չհարցուց:

Յետոյ ամբողջացուց իր «Հայր-մեր»ը անանկ յուսահատ ու եղերական, որ դագաղներ շարուեցան աչքիս:

Ամէն մէկ բառ բերանէն ինկաւ ու գերեզման մը փորեց: Ու անոր բառերը կը նմանէին այն կիներուն, որոնք իրենց տղաքը թաղելէ ետքը, հողբին վրայ կ'ուշանան թիչ մը ու առանձին կ'ըսեն երկինքին ինչ որ ըստուիր մարդերուն առջեւ:

Ու անկեղծ էր անիկա, ահաւոր անկեղծութեամբ մը:

Ո՞վ էր Անիկա. օր պիտի ներէր սա մուայլ բերթուածը ու պիտի մաքրէր անոր մեղաւոր գեղեցկութիւնը: Ո՞րն է Սստուածը, որ սիրտերը այսպէս մաշումի կը ճակատագրէ: Որ կ'աւնէ զանոնք իրարումօտէն ու կը նետէ, մէկը մէկ լերան, միւսն ալ՝ անդունդին:

Ո՞վ գինովութիւնը գիշերուան ու անոր կախարդ խորհուրդին: Մարդ մահուան մէջ կը մտնէ հազար բերաններէ սաղմոսուած երաւէրներով:

Ո՞վ սեւ բերթուածը մեր ճակատագրին:

Երբ դուրս կը հանէ մէկ ոտքը սեմէն, ալ չեմ դիմանար: Կը քաշեմ ինձի, կը վլիմ կործին ու ծայնով, տղու պէս կուլամ:

Յետոյ կը քաշեմ նորէն գէպի ներս: Ու մեր ոտքերը՝ կարծես հասկցած՝ պատուհան կ'երթան:

Երկինք չենք նայիր: Վա՛ր:

Ո՞վ հրապորը մութին ու մահուան:

Մենք չենք խօսիր հոն:

Ու փայլակի պէս կուգայ աչքերուս՝ աղցանին օրը, անդունդին վրայ, անոր փափաքը, մէկտեղ մեռնելու:

Բայց անիկա լոյս ցերեկով էր ու մենք մեղք չունէինք դեռ:

Ու անոր մարմինը բազուկներուս տակ, կը թեթևնայ. ինչպէս վառեակ մը որ թեռ կը պատրաստէ պատուհանէն վար թռչելու: Սնոր ալ այցերած է անդունդին պատկերը:

Վարէն կը հազան:

Անիկա չի վախնար: Աւելի ամուր է սեղմուած: Ու անոր մարմինը մատաղ ալիքի մը պէս կ'ուռի ու կը քաշէ զիս: Վա՞ր:

Լաւ չեմ զիտեր: Բայց արդէն կրունկները փրթած են գետինէն: Փաթթուած է վիզիս ամրող ուժովը: Հո՛տ, իր համբոյը: Հաշտութեան դաշինքը՝ մահուան նուիրուած:

Ե՞ս, Բայց զինով եմ ես: Վարը մեծ քարն է, պրդտոր մարմարը, վրան տամայի աղիւսակով: Բաւական ալ լայն երկուքիս համար:

Խե՞նդ եմ:

Դիմացէն, ուզու Աննային սենեակէն լո՛յս մը: Կը քաշուինք մէկէն:

... Սյս պատիկ լոյսով է որ կը՝ կործանի մեր հոյակապ երազը: Ի՞նչ վաստ են մարդերը:

Ու, ա՛լ կը վախնանք պատուհանէն:

Երրորդ անգամ աբլորը կը պոռայ: Ու անոր ծայնը մութին վրայ կեանքի՞զիծ մը կը քաշէ:

Հիմա՞:

Ան պիտի երթայ: Ու պիտի երթայ գուցէ ա՛լ անդարձ: Կամ պիտի երթամ իր տունին շուրջը, կէս զիշերներուն մէկ ծեռքս սրտիս, միւսին ալ դանակ:

... Գացած է արդէն:

Անհուն յոգնութիւն: Ինչպէս կ'իյնամ բարձերուն: Տունը կ'ընկղմի նորէն լրութեան մէջ:

Ու դառնութիւնը, ու կշտամբանքը որ կը խոշորնայ:

Ու մահուան կարօտ:

Ու... վատութիւնը մարդոց սէրերուն:

—Նախանձը կու գայ:

—Ան կը նստի գորշ՝ հոգիիս վրայ:

Ու այն ամէնը նորէն որ գիտէք :

* *

Խե՞նդ այս պատմութիւնը:

Առտուն դողալէն կ'ելլիմ: Լեռ երթանք պիտի: Պաղտիկ Աղբարն ու պառաւը ժամ զացած են, սովորական աղօթքին:

Բուբուլին մայրը օճախով սենեակն է, տապակին առզեւ:

Կը դառնամ սրահին մէջ:

Ու դուրս կ'ելլէ անիկա:

Թեթեւ է զգեստը: Մազերը ինկած: Ոտքերը բռպիկ:

Ու կը քաշեմ անիկա մէկդի պատուհանէն, ուր արեւին՝ սկսող ու հաստ գեղեցկութիւնը ծանր կուգայ անոր այտերուն:

Նոյն աղջիկն է, շուրբին մէջ: Անքնութիւնն ու յուզումը մեղմացուցած են անոր երեսները:

Բայց աչքերուն խորը կրակ կայ, ուրախ, խանդական կրակ:

Գիտեմ որ քիչ վերջը պիտի երթայ իրենց տունը: Անիկա կը կարդայ իմ մտածումը: Ու տրտմելու տեղ կ'ըսէ.

— Աստուած մենծ է:

Խե՞նդ է այս հարսը:

Յետոյ առանց թողելու որ պատասխանեմ,
—Դուն տղայ ես դեռ:
Ո՞վ փորձառութիւնը ամսուան հարսին:
Յետոյ ափը դնելով բռնի շրթներուս կապելու
համար բառերս՝
—Հեռուի սուրբը զօրաւոր կ'ըլլայ:
Ան չի խնդար: Ոչ մէկ բան իր մօտ որ մահէն,
նոյնիսկ խորունկ յուզումէն գայ:
Ու գիշերը կը փուռի նայուածքիս առջին իր մա-
հադիր պատուհանովը:
—Գիշերը:
Կ'ըսեմ վերջապէս:
Սնիկա կը կենայ, քիչ մը վարանոտ, մէկու մը
պէս, որ մտածումը տարազել կ'աշխատի:
—Ի՞նչ կայ ատչափ շուտ:
Երկինք չի նայիր, ուրկէ կը վախնայ: Ու գերեզ-
ման կայ ոտքերուն առջին:
—Աստուած մենծ է, կը դարձնեմ իր բաւերը իրեն:
Հեղնութիւն, հաւա՞տք, ինքս ալ չեմ գիտեր:
Կը նայի տրտում: Ու չի բարկանար:
Դուրսէն ծայներ: Օճախով սենեակէն խողին մէջ
տապկուող պիշին^{*)} որ կը ճրւճըռայ:
—Բուբո՞ւլ:


Կը պատասխանէ կէս մը դառնալով: Բայց մտա-
ծումը կ'աշխատի անոր մէջ: Ու հանդարտ է ան:
—Թող ներէ Աստուած: Գիշերուան բանաձեւը:
Կ'ուզէ երթալ մամային, կը կեցնեմ: Ինծի այնպէս
կուգայ որ ալ տեսնելիք չունիմ զինքը:
—Աստուած մենծ է: Գիշոնալո՞վ կ'ըսէ: Ու ի՞նչ
կ'ըսէ մանաւանդ:
Ախ, այս խեղճ պատմութիւնը:


... երբ կը հասնինք լերան մենծ աբու, էշը կը
կապեմ աղբիւրին քովիկ:
Պաղտիկ աղբարը կըսկսի գործին:
Ես ալ կը սկսիմ առաջին օրը այս խեղճ պատմու-
թեան:
Ու կը բաղդատեմ բարի ծերունին իմ ծերութեանս
հետ:
Ե՛ս, ծեր պատանի՛, որ կը փափաքի իր կեանքը
գոցել:
Սն՝ երիտասարդ, ճերմակ մազերով որ չի տառա-
պիր: Քանի որ սիրու խելօք է պահած: Իմ սի՞րուը:
կը ճանչնաք անիկա:
* *

Ո՞չ հերոսութիւն: Ոչ ալ հակառակ կողմէն բըռ-
նուած փոքրութիւն:

Սսիկա պատմութիւնն է գրեթէ բոլոր մարդերուն:
Ու մի հարցնէք.
—Ինչո՞ւ կը գրուին այս խեղճ բաները:
Որպէս զի բոլոր մեղաւորները կարենան ըսել Բու-
րութիւն պէս, պէտք եղած օրին,
—Աստուած մենծ է:

(*) Պիշի (Խմորեղէն):





ՀՀ Ազգային գրադարան



NL0379012

61056